



BIBLIOTECA NAZ.

Vittorio Emanuele III

**XVII**

**A**

**29**

**NAPOLI**

VII.3

1





LEGATIO  
MARCHIONIS LAVARDINI  
ROMAM,

*Ejusque*  
CUM ROMANO PONTIFICE  
INNOCENTIO  
UNDECIMO,  
DISSIDIUM.



*Ubi agitur*  
DE JURE, ORIGINE, PRO-  
GRESSU, ET ABUSU QUAR-  
TERIORUM FRANCHITIARUM  
SEU ASYLI, &c.

*Et*  
Refutantur Rationes à La-  
vardini Advocato productæ, in  
Libello Gallico, cujus initium:

*Si L' Auteur, &c. Anno 1688.*



Anno recuperatæ Salutis  
MDCLXXXVIII. 24



## PRÆMONITIO.

Monemus, ne quisquam religioni ducat lectionem hujus libri, quamvis non præseferat nomen Auctoris, Typographi, Loci aut Ordinarij approbantis. Verè námque in lucem prodit Superiorum permissu, & cum facultatibus requisitis. Oportuit tamen ea nomina taceri ob rationabilem causam.





## AD LECTOREM.

**N**ondum calamum posueram, quando nova scribendi causa se offert ex militari Marchionis Lavardini Oratoris Gallici Romam ingressu, quo non urbem tantum, sed Europam omnem novo exemplo, inusitatoque concussit. Haecenus Principum Legatos, quippe pacis ministros Mercurio similes vidimus; hodie Martem induerunt, armatosque se ostentant, caduceo in gladios mutato. Erit ergo, quem cupido incessat causas, modumque rei perdiscendi, quae omnium oculos perstrinxit; & posteritas quoque gratiam habebit, tam nova & grande

*periculum minantia ingenuè narranti, nam hæc causa scribendi mihi fuit; cùm enim præviderem pro partium studijs calamo pugnatum iri; ego, qui veritati unicè me addixi, nec ab alio gratiam expecto; statui arenam occupare, & candidâ, liberâq; affectibus narratione, trophæum veritati figere. Video Galliam Romanâque collidi, maximum videlicet Regum, cum maximo Pontificum; istum innocentia tutum, illum potentia, fortunaque suâ nixum: utri victoria cedet, incertum mortalibus, & in arcana Divinitatis repositum; nec enim semper aut potentior causa, aut melior vicit. Ego, si ex votis decideres possit, pacem utrîque optaverim. Caterùm utcûnque id cadat, narrandi, quàm augurandi peritior rem totam à suis principijs evolvam.*

*Video*

*Video quidem jam aliorum calamis  
hoc argumentum libatum esse, ac præ-  
sertim nuperâ scriptione, quâ Pontifi-  
cis Innocentiÿ XI. Bulla contra Lavar-  
dini Apologiam defenditur, Italico  
sermone, idque tam facundè, solidè,  
que, ut nihil habuerint Adversarij,  
quod responderent, contenti solum  
silentio ac pudore cladem fateri. Pro-  
diit quoque alia scriptio (a) Gallico  
sermone, quâ Talonÿ Regÿ Advocati  
Declamatio injurijs plena, egregiè  
refutatur. Ego ne quid supersit veri-  
tati noxium, Libellum Galli cujusdam  
anonymi convincere aggredior, quo  
Lavardini Apologiam sustentat, in-  
ani consilio, si clamores excipias, Tar-  
tarorum videlicet more, quibus  
strepitus pro pugna est. Et tamen*

*A 3                      quia*

(a) Titulus libelli Gallici est: *Refutation  
d'un libelle Italien, &c. &c. Anno 1688.*

*quia multis abundat, quæ aut lenocinio Gallici sermonis, aut specie veritatis incautos fallant, confutandum sibi. Quod si aliquis opponat mihi, nihil mea interesse, quid Romam inter, Galliâque agitetur, nec mearum esse partium, hoc certamen dirimere, conestim respondebo, quod olim, inq̃ simili cãusa ex silvis suis respondit Hieronymus : (a) Canes latrant pro Dominis; tu non vis me latrare pro Christo? mori possum, tacere non possum. Sed age rem ipsam aggrediamur.*



DE

(a) S. Hieron. l. 3. contra Rufin.



DE JURE, ORIGINE,  
Progressu & abusu Quar-  
teriorum Franchitiarum .  
seu Asyli, &c.

SUMMARIA.

1. Legatos Jure Gentium inviolabiles esse,  
nec subjacere Juri Talionis; non tamen Jure  
Asyli gaudere.

2. Infiniti ex hac Immunitate abusus  
Asylorum & Immunitatum ( quas Franchitias  
& Quartierios vocant ) Historia Chronologicè,  
fuseque exponitur, ac validissimè concluditur,  
hanc Immunitatem à Principum Legatis  
injustè usurpari, nec unquam à Summis Pon-  
tificibus toleratam esse.

3. Innocentiū XI. contra Franchitias Edi-  
cta, & quas ob causas?

4. Reges omnes Innocentiū Diplomati  
acquiescunt solà Galliâ reluctante. Ingressus  
Romam Marchionis Lavardini.

## 8 De Abusu Franchitiarum

5. Lavardinus Excommunicationem incurrisse declaratur. Pontificis moderatio.

6. Respondetur ad Libellum Anonymi: & primò ostenditur, nullam Lavardino ab Innocentio XI. Pontifice Maximo injuriam factam.

7. Nihil contra Jura Legatorum actum esse, cum Pontifex Lavardinum pro Legato non habuit.

8. Romam esse communem Patriam, sed non ideò Lavardinum aliter à Pontifice excipiendum fuisse.

9. Magnam esse Gallorum in Ecclesiam Romanam merita, sed non minora Ecclesia Romanae in Gallos.

10. Refelluntur, quae de ignorantia Diplomaticis Pontificij Gallus enarrat.

11. An Lavardinus sine debita forma Excommunicationi subjectus fuerit?

12. An verum sit, Reges praesertim Galliae, ejusque Ministros excommunicari non posse?

13. Cur non ipso Pontificatus sui initio Asyla, & Immunitates Legatorum Innocentius deleverit?

14. An verum sit, Lavardinum verbis Bullae comprehensum non esse?

15. Nihil



*contra Apologistam Lavardini. 9*

15. Nihil ob stare exemplum Sixti V.

16. An Innocentius ex voto Cardinalium Bullam ediderit ?

17. An in causis temporalibus locus sit Excommunicationis ? & quid de minis & periculis à Lavardino declamatis ?

18. An excusari possint, quæ Roma Lavardinus commisit ?

19. An consultius sit Asyla Ecclesijs adimere, quàm Palatijs Legatorum ?

20. An Pontifici Romano scandala adscribi possint à Lavardino narrata ?

21. An Lavardinus excusari possit exemplis S. Ludovici, & Philippi Pulchri, quos sprevisse Censuras dici ?

22. Refelluntur, quæ de sacro in Gallijs fœdere Pontifici opponuntur.

23. An verum sit, durius cum Lavardino actum, quàm cum aliorum Principum Legatis læsæ Majestatis reis ?

24. An Pontifex debuerit abstinere Censuris, quia istarum usus sæpè noxius ?

25. An verum sit, Cardinalium vota, quæ Bullæ subscripserunt, esse subreptitia ?

26. An Pontifex Innocentius ex Consilijs

pendeat Religiosorum ignorantium, & minorum, ut vocat, Pralatorum?

27. Reselluntur, quæ Lavardini Advocatus pro quatuor Propositionibus narrat.

28. An Bulla Pontificia Legatos non liget, quia Personam Regis representant?

29. An Præscriptio Lavardinum juvet?

30. An Pisana conventio?

31. An Pontifex Innocentius malè in Gallos animatus sit?

32. Quo animo Pontificem esse oporteat, si armis Galli experiantur?



# I.

**P**Rincipum etiam hostium Legatos immunes sanctosque esse, nec posse injurijs violari res certa est, ac omnium Gentium exemplis, usque recepta; nec aliud magis omnium populorum abominatione ac probro damnatum, quàm Legatos contumeliâ affecisse. Id verò tam notum est, ut rationibus & exemplis etiam

Bar-

Barbarorum fupersedeam. (a) Sed nullibi magis ut Romæ florente Republicâ, Legatorum immunitas valuit, aded ut etiam feditiofis, & clandestinis confilijs imperium turbantibus parcerent, contentie eos obfervare, aut finibus proſcribere, aut hoſti, à quo miſſi erant, ad pœnam remittere. Unde communior Politicorum ſententia eſt, in Legatos etiam periculofa molientes, animadverti non poſſe; alioquin ſi nulla Legatis impunitas, quàm innoxijs, quid plus illi haberent, quàm reliquum vulgus mortalium? nec unquam ratio & prætextus Principi deeſſet Legatum perſequendi, præſertim quia Legatus Principem repræſentat; unde quanta-  
cunque Legati ſit culpa, Principis dignitati nocere non debet, quandiu hic ratam non habet. Abundantque exempla maximè Romanorum, qui

A 6

nullâ

(a) Vide Grotium de Jure Pacis & Belli l. 2. c. 18. & l. ſiquis ff. de Legation. Joſeph. hiſtor. antiq. lib. 15,

nullâ delicti specie, ut Legatum punirent, permoveri poterant, juris Gentium reverentiâ. Insigne hujus rei documentum apud Livium. (a) Tarquinij Româ proscripti Legatos miserant, qui à Senatu Regios thesauros repeterent; prævaluitque sententia, ut omnia redderentur; interim Legati nobilium animos perterrant, corrumpuntque; & dies condita, quâ Tarquinij in urbem reciperentur. Conjunctio ad Senatum delata; rei in vincula conjecti, securique percussi. *De Legatis*, inquit Livius, *parum addubitat* est, & *quamquam visi sunt commisisse*, ut *hostium loco haberentur*, *jus tamen Gentium valuit*. Dion quoque in excerptis Legatorum: *Cum juvenes quidam Legati à Carthagine Romam venissent*, *ibique contumeliosè quadam fecissent*; *missi sunt Carthaginem*, *traditque Carthaginensibus*, *ab his verò nihil ipsis nocitum*. Tertiobello Punico Consules cum exercitu in Affricam missi sunt, jussique

(a) Liv l. 2.

juffique æmulam Imperij folo æquare. Romanos cum claffe appulſos, Legati Carthaginenſium in caſtris adeunt, auditóque Senatûs mandato, plenam doloris, querelæ, indignationis, contumeliæque orationem effundunt, reverentiæ obliti, & inſultantibus potiùs quàm rogantibus ſimiles; quibus Conſul Cenſorinus: *Excendite caſtris incolumes, nam adhuc Legati eſtis.*

Addit Grotius, ne quidem jure Talionis violari Legatos poſſe: jus enim Gentium non ſolùm cavet dignitati Legatum mittentis, verùm etiam ſecuritati ipſius Legati (alioquin nemo velit officio fungi, ſi tutus non ſit) & ideò Jure Gentium, non ſolùm cum Principe, verùm etiam cum ejus Legato tacitè contractum, pactumque videtur; ſicque non quidem Principi ſit injuria, ſi jure Talionis Legati malè habeantur, ſed ipſis Legatis, quippe innocentibus, nec culpâ Principum obnoxijſ. Non de-

sunt quidem exempla Legati, malè accepti, habitique jure talionis, sed quod flagitium exemplis vacuum? Planè si meliorum Principum, & Rerumpublicarum exempla consulas, Romanæ præsertim (apud quam summa curæ publicæ, inviolatæque fidei) videbis nihil in Legatos talioni licuisse. Narrat Ap-  
 pianus *de Bello Punico*, Romanorum Legatos malè à Carthaginensibus habitos esse, cùmque urgeretur Scipio, ut eodem jure Punici Legati, qui in castris erant, haberentur; respondisse: *Nihil quod Romanorum institutis indignum sit, fieri patiar.* Idem Poeni à Romanis ingenti clade acceptâ petendæ paci consilia agitabant, sed nemo Romam ire ausus, quòd timerent, ne eodem modo eorum Legati acciperentur, quo ipsi Romanos accepissent, injectis Consuli Cornelio Asinæ catenis, solus Anno fiduciâ Romanæ virtutis profectus est; & cùm sermonem de finiendo bello cum utròque  
 Con-

Consulum fereret, eique Tribunus militum diceret, posse illi meritò evenire, quod Cornelio accidisset :

(a) Consules Tribuno tacere jussu : *Isto metu, inquiunt, Anno fides Civitatis nostræ te liberat.* Planè Romana fides eò Imperium provexit, quò Politicorum nostræ ætatis artificia nunquam pervenère, Deo etiam in hostibus suis virtutem amante. Eadem Venetorum Reipublicæ magnanimitas. Scimus II. Marcum Antonium Barbarum Venetorum Legatum custodiæ tradiderat; postea alium Legatum Venetias misit Cypro repetendæ, aut si Senatus abnueret, denuntiando bello. Is cum paria formidaret, magnificè à Venetis responsum : *Non esse morem Reipublicæ, ut Jura Gentium in Legatis violari permetteret.*

Eadem immunitate gaudent comites & vasa Legatorum, unde in antiqua fecialium forma hæc habebantur : *Rex facis ne me tu Regium nuntium*  
*Populi*

(a) Valerius Maxim. lib. 6. c. 6,

*Populi Romani Quiritium, vasa, comitésque meos?* Frustra enim esset immunitas Legatis data, si à Comitibus, rebúsque eorum vis non abesset, sine quibus vita dignitasque Legatorum esse non potest.

Jus Asyli domibus Legatorum, pro omnibus, qui illuc confugiunt, planè juris Gentium non est, nec ullæ Leges de hac re ostendi possunt: imò juri gentium repugnat, delicta reósfque impunè ferri, maximo publicæ quietis damno. (a) Jura Gentium omnibus communia sunt, at tale non est hoc jus Asyli, nam nec Parisijs, nec in alijs quàm plurimis Aulis locum habet; idque etiam Grotius fatetur, & Wicquefort in *Tractatu Gallico*, quem de Jure Legatorum scripsit. Alioquin major Legatorum Palatijs, quàm ipsis Ecclesijs immunitas esset, in quibus non omnibus flagitijs

(a) Grotius de Jure Pacis & belli l. 2. c. 18. n. 8. M. de Wicquefort nell' *Ambassadeur Scâ.* 18.



flagitijs Afylum patet. Aliæ quóque exceptiones funt, quibus hæc Legatorum immunitas restringi debet, & quas poftèa recenfebimus.

II. Cæterùm, ut fieri amat, hoc immunitatis Privilegium infinitis Abufibus corrumpi cæpit, Romæ præfertim, ubi tot Afylis apertis, quot Legatorum Palatijs, adjectiſque inſuper ingentibus urbis Regionibus, quæ Palatijs adjacent; tota ferè Roma in Afylum, arámque impietatis tranſijt, nullum enim tam atrox facinus, cui non Arx & ſecuritas in aliquo Legatorum Palatio, aut ſi non omnia ſcelera Palatium caperet, non in vaſtis areis, vicisſque Palatio confinibus. Crederes revixiſſe Romulum, qui beneficio Afyli vacuam urbem Latronibus populavit. Romani Pontifices cùm non poſſent domi ſuæ, in ipſaque Regia, & Metropoli Chriſtianæ Religionis exultantem & impunitam impietatem ferre ingenti Fidelium ſcandalo, qui videbant

videbant plus Romæ flagitijs licere, quàm alibi gentium; idque ignaviam Principis dicerent; conati sunt licentiam repetitis edictis coërcere, finemque abusibus ponere.

Id verò ut se habuerit, altiùs repetendum duxi, basin enim ac fundamentum totius rei complectitur. Observandum igitur est, Jus Asyli antiquissimum esse, & quamvis primò immunitas Asyli quibusdam tantùm Civitatibus, sacrisque locis concessa fuerit, unde in antiquissima Jundæorum Republica *Civitates Refugij*, & in Atheniensi *Aram misericordiae* (a) legimus; paulatim tamen, ut fieri amat, ipsa Immunitas adeò extendi, proferrique cæpit, ac in abusum verti, ut ad quamlibet Cæsarum statuum Asylum metarentur; nec perditis hominibus ac ultimum supplicium meritis, promptius remedium eludendæ Justitiæ, quàm si Cæsaris imaginem amplecterentur; hanc verò scelerati quique

ἐλεῖν βωμός. Pausan. in Attic. lib. I.

que in sinu gestabant, ut præstò esset, quò post delictum confugerent. Quantum hæc licentia processerit, eleganter Tacitus describit. (a) *Insidibat, inquit, deterrimo cuique licentia impune probra, & invidiam in bonos excitandi, arreptâ Cesaris imagine; liberi que etiam ac servi Patrono vel Domino cum voces tum manus intentarent, ultro metuebantur. Igitur Cæsius Cestius Senator disservit: Principes quidem instar Deorum esse, sed neque à Dijs nisi iustas supplicum preces audiri. Abolitas Leges & funditus versas, ubi in foro, in Limine Curia ab Annia Ruffina, quam fraudis damnavisset, probra sibi & mina intenduntur, neque ipse audeas jure experiri ob effigiem Imperatoris oppositam. Credas Tacitum hodiernum Romanæ urbis statum descripsisse, si quod ille de Principis imagine, tu de Principis Legato dicas. Ex hoc more ad statuas confugiendi ortum proverbium: Statuam amplecti. Philostratus de statua Tiberij: (b) *Impietatis damnatus quidam**

(a) Tacitus in Annal. l. 3. (b) Philostr. l. i.

dam fuit, quòd servum suum verberasset, qui drachmam argenteam Tiberij imagine signatam habuisset. Sæpe à Senatu, ac Cæsaribus (a) Romæ laboratum est, ut hanc corruptelam delerent, extantque adhuc Principum Leges, hujus testes licentiæ, & edicta quòque pœnis armata. Nam primò causa illius, qui ad statuam confugerat, statim à Judicibus examinabatur; si noxium reperissent, duplici pœnâ castigabant, & quòd deliquisset, & quòd statuam profanasset scelerato amplexu, ac velut criminum protectricem. Id ex Tacito patet, aliisque locis ad marginem supra notatis. Deinde invalescente abusu, non tantum Principum statuæ, verum etiam ipsa Deorum templa criminosis sublata, adeò ut Suetonio, Tacitoque Auctoribus Senatûs Consulto decretum fuerit, totâ Græciâ novem tantum Delubris

V. L. I. C. de his, qui ad statuam Pr. conf. l. 8. ff. de var. & extraordi. crim. l. 28. ff. de pœnit. &c.

Delubris jus Asyli permittendum esse. Quod si tanta cura fuit Idolorum cultoribus hoc malo urbem liberandi, quanta Pontificibus esse debuit, quibus necessitas incumbit efficiendi, ut Roma non solum innocens sit, sed etiam sancta? Distingquam per annos, quid in hac re singuli Pontificum effecerint, ut tantò clariùs constet, quàm recens sit abusus magis quàm Privilegium, quod Gallici Oratores tanto conatu, tantàque offensione Orbis Christiani sibi usurpare contendunt.

Anno ergo MCCCCLX. Electus est Urbanus V. quo tempore Cardinales jus Asyli usurpabant; at Urbanus penitus sustulit: id ei Petrarcha his verbis gratulatur: *Audiebam te licentiam pestilentem salubri falce rigoris aequissimi pracidisse, illam dico, quæ scelestos homines gravissimis facinoribus perpetratis ad Cardinalium domos fugere solitos Legum modis, ac digno supplicio eximebat.* Ubi adverte, Urbani tempestate hunc abusum  
solis

folis Cardinalium ædibus conclusum, Legatisque Principum ignotum fuisse; néque enim istos Petrarcha fileret, & ad solos Cardinales abusum restringeret, si soli non essent.

*Anno MDLII.* Julius III. publico edicto omnibus Baronibus, Comitibus, Domicellis, Principum Oratoribus, Episcopis, Archiepiscopis, Cardinalibus severè prohibet, ne jus Asyli aut Franchitiarum usurpare audeant, declaratque læsæ Majestatis reos, qui Justitiæ ministris, ne illorum Palatia, plateasque adjacentes ingredientiæ, resistere audeant, ac insuper abominandum ac detestabilem abusum vocat. Ubi adverte ex hoc Julij Diplomate constare Asylum & immunitatem localem, non fuisse eo tempore habitam, agnitamque pro jure Regijs Legatis debito, sed pro injustissima potentiorum invasione: si enim jus aut privilegium esset Legatorum, non Comites, non Barones, non Episcopi, & Cardina-  
les

les eo uterentur, & tamen æquè isti ac Regij Legati illud sibi vendicabant. Et quî posset à Julio res *abominanda & detestabilis* vocari, si jus, aut privilegium esset? nec ullus aut Principum, aut Legatorum de injuria conquestus est, aut Diplomati adversatus; quod manifesto argumento est, non habuisse illos pro jure aut privilegio Legatis debito, alioquin si jura & privilegia sua violari crederent, nunquam id ferrent, aut saltem non silerent. Præsertim cùm Julius ipso anno vulgati Diplomatis cum Henrico Galliæ Rege pacem inivisset; quis verò credat voluisse recentem pacem turbare, violatis Galliæ Legatis, eorûmque privilegijs? Illud quóque pro Julij, aliorûmque Pontificum Diplomatis diligenter notandum est, in præfati Julij III. Pij IV. Gregorij XIII. & Sixiti V. Bullis non reperiri vocem *Quarteriorum*, sed tantùm *Franchitiarum*: Illa enim magis exprimit novellum jus Asyli, quod à paucis

cis annis Legati usurpârunt, quódque pro Legatorum arbitrio plures plateas, ædésque complectitur, ex quibus facile parvam aliquam Civitatem componas.

*Anno MDLXI. Oâto videlicet annis post Julij Diploma, aliud à Pio IV. in eandem sententiam vulgatum est, quo omnibus Cardinalibus, Oratoribus ac Magnatibus Romane urbis prohibetur, ne Asylum aut receptaculum delinquentibus præbeant, néve ades suas, aut alia quacúmque loca Franchitias appellare audeant. Appellátque hunc Franchitiarum abusum rem pessimam atque perniciosi exempli; enormem & detestandam. Ubi iterum observa, fuisse hoc Asylum non à solis Principum Legatis tanquam jus aut privilegium proprium, sed passim à potentioribus, ut in rapto fieri solet, occupatum. In eodem Diplomate Pius testatur hanc ipsam immunitatem seu Franchitiam non ab ipsis Cardinalibus aut Oratoribus utpote modestis & Justitiæ cultoribus, sed plerúmque ipsorum familiarium culpa*



*culpâ & factò processiffe.* Non ergo hoc  
jus fuit aut privilegium ( id enim pri-  
mò, præcipuéque Dominis compe-  
teret ) sed famulantium usurpatio &  
violentia. Néque hîc quóque ulla  
Legatorum querela aut indignatio  
legitur, quasi injuriâ paterentur.  
Idem Pius *Anno MDLXV.* Graviter  
contra aliquorum Cardinalium, Ma-  
gnatúmque licentiam in Consistorio  
invectus est reos suis ædibus receptan-  
tium: protestans, id nupero Diplo-  
mati suo adversari, seque omissis legi-  
bus, edictísque jam tandem ad facta  
& pœnas processurum.

*Anno MDLXXIII.* Hoc est, duodecim  
annis post Pij edictum, Gregorius  
XIII. Julij & Pij Edicta, pœnâsque  
confirmat, & Franchitias non à solis  
*Principum Oratoribus*, sed primo loco à  
*Primatibus*, & Cardinalibus, ac deinde  
à *Principum Oratoribus* usurpatas esse  
testatur, non ergo hoc Legatorum  
privilegium fuit, sed Cardinalium  
& Præpotentium usurpatio, quos

B

Legati

Legati imitati sunt æmulatione auctoritatis, atque ut fieri solet, exemplo in alios aliosque grassante.

*Anno MDLXXXV.* Sixtus V. simili omninò Constitutione Franchitias seu jus Asyli persecutus est, declaravitque priorum Pontificum Bullas, pœnâsque inflictas non tantùm comminatorias fuisse; quique illas transgrederentur, non solùm ficto, sed vero Majestatis delicto obstrictum iri. Post Sixti Diploma usque ad Urbanum VIII. non extant aliæ de hac re Pontificum Constitutiones; nam cum lex justa esset, & Sixtus in ijs præsertim, quæ ad Justitiam, quietemque publicam pertinent, nemini parceret, nullo plebejorum aut Magnatum discrimine; credi omninò debet Jus hoc Asyli penitus profligatum esse. Sanè Traianus Boccalinus (a) in suis ad Tacitum Commentarijs (vixit Boccalinus sub Paulo V. quin-

(a) Boccalinus Commentarijs in Tacit. lib. 3. fol. 219.

quindecim circiter annos post obitum Sixti ) testatur, post tempora Gregorij XIII. quando non Cardinales tantum, Magnatesque, sed ferè nobilium quilibet jus Afyli sibi vendicabat, hunc abufum ita sublatum effe, ut Domui Dei plena fecuritas redderetur, & Scclerati ubique ac nullâ locorum exceptione punirentur. Ubi obferva, abufum hunc Afyli ex nullo jure Legatorum proveniffe; fed ex promifcua Magnatum ac nobilium licentia. Haud equidem ignoro, etiam post Sixti Constitutionem hujus mali fcintillas aliquas micuiffe reis in Magnatum Palatijs impunitatem quærentibus; fed non idè securi erant, quippe Miniſtri Juſtitiaë omnes vias, areâſque Legatorum Palatijs continguas percurrabant, nullo obſiſtere & repugnare auſo; idque ex publicis monumentis & tabularijs conſtat, in quibus quàm plurima hujus rei exempla occurrunt.

*Anno MDCXXVI. Cùm iterum aliquæ hujus abuſûs reliquiæ glifcere inci-*

perent, Urbanus VIII. Julij, aliorumque Pontificum constitutiones renovat, additâ etiam pro qualitate delicti pœnâ mortis, in omnes quoque Justitiæ effugiendæ causâ in Baronum, Cardinalium, aut Legatorum ædes se reciperent, eorumque nomen invocarent. Repetitum fuit hoc edictum Urbani à Romanæ urbis Governatore Racagna *anno 1634.* Pontifice id ipsum per Chirographum urgente.

*Anno MDCXLIII.* Sub eodem Urbano ingenti dissidio inter Hispanicum Oratorem Marchionem (a) de los vellos, & Lamecensem (b) Episcopum Lusitaniæ Legatum exorto, totâ nocte Hispanici, Gallicique Oratoris (ad quem se Episcopus receperat) Palatia militaribus manipulis, excubiisque observata sunt. Imò Hispanico Oratore ad ædes Cardinalis Albernozij devescto consultandi causâ, alia militum

(a) Marchese de los Vellos. (b) Monsig. Vescovo di Lamego.

litum Centuria , custodiendo Palatio Cardinalis à Pontifice miffa : nec tamen ulli Legatorum in mentem venit, quamvis Palatia fua militaribus custodijs obfepta viderent, ut de violata Legatorum immunitate conqueri auderent.

*Anno MDCXLIX.* Innocentio X. Pontifice , cùm duo (a) ficarij per hortos Quirinales totidem nobiles Neapolitanos interemiffent, peractóq; homicidio Oratoris Gallici Palatio fe abdidiffent ; immiffi continuò cum militum Centuria fatellites, ingreffique Palatium Sicarios ad fupplicium eduxère, Gallico Legato ne verbo quidem aufo repugnare. Denique non tantùm ex quàm plurimis exemplis, actisque & Protocollis, ac Tabularijs publicis ; fed etiam totius Romæ testimonio certum, notoriùmque eft, fub Urbani & Innocentij longis Pontificatibus liberum fuiffe Juftitiæ curfum, nullóque immuni-

B 3

tatis

(a) Balli de Valences.

tatis aut Asyli prætextu impeditum ; imò sub ipsius Alexandri VII. initijs, quid hæc Legatorum immunitas & Asylum, seu Franchitiæ essent, Romæ ignoratum est.

*Anno MDCLV.* Sueciæ Regina ingenti Magnificentiâ Romæ excepta, ac omnibus regijs honoribus culta cùm Palatium Farnesium, quo postea Galliæ Legati usi sunt, ad habitandum delegisset ; nunquam de hoc Asylo aut immunitate postulanda cogitavit, quamvis Regina esset, nec etiam *anno 1659.* quando Romam reversa est. Licet postea *anno 1668.* tertio Romam delata, cùm videret hanc immunitatem à Legatis prætendi, ipsa quoque eodem jure frui voluerit.

*Anno MDCLXIV.* Conventio Pisana inter Pontificem Maximum Alexandrum VII. & Regem Christianissimum Ludovicum XIV. inita est, litæque utrinque compositæ, quæ ob violatam (a) Ducis Crequij Gallici Legati

(a) Duca di Crequi.

Legati Personam insolentiâ Corsicæ militiæ magna Italiæ mala minabantur, & quamvis ea conventio non admodum læta fuerit Apostolicæ Sedi, in ea tamen maximè, clarèque eluxit, quantum Galliæ Legati ab ea immunitate, ac jure seu privilegio Asyli abfuerint, quod modò minaciter, impensèque postulatur. Cùm enim Galliæ Legatus injuriam à Corsis acceptam vehementer amplificaret, eamq; reparari enixissimè peteret, inter alios pacis articulos à Principe Matthia fratre magni Etruriæ Ducis Romam transmissos is etiam fuit: *Ut ad majorem Gallici Legati securitatem, non amplius Apparitoribus seu satellitibus, militibusque licentia permitteretur Farnesiam plateam ( in qua Legati ædes ) obeundi.* Ad quem articulum ( uti ex Tabularijs & documentis Statûs secretariæ constat ) nomine Pontificis responsum est: *Non posse in hanc conditionem nullâ ratione consentiri ; curaturum tamen Pontificem tam Gallico Legato quàm ejus palatio, fami-*  
*B 4* *liæque*

liæque eam observantiam, cultumque exhiberi, quem in alijs Principum aulis mos sit Legatis præstari. In quem locum Auctor Historiæ super hoc argumento Typis vulgatæ hunc Coментарium scripsit: Platea, areaque Farnesiæ immunitatem quod attinet; non potuit illa à Pontifice cedi; quid enim id aliud esset, quàm Pontificem Dominium ac Jurisdictionem abdicare, & illius Urbis parus & quàm plurimum locorum, quæ ab alijs Legatis Romæ obtinentur, quasque exemplo Gallici Legati aequè exemptas, immunesque ac Pontifici abstractas omnes Legati velint? (a) Hæc Responsio tam æqua visa est Galliæ Legato, ut postulatis absisteret, contentus in colloquio de hac re habito cum Raspono Alexandri Plenipotentiariorum: Ut deinceps curaret Pontifex debitam venerationem Galliæ Legatis exhiberi, idque ut fieret, eas cautelas adhiberet, quæ alijs Legatis ac præsertim Nuntijs Apostolicis adhiberi solent. Et in articulo 9. Pisanæ Compositionis inter Rasponum &

(a) Monfig. Rasponi Anno 1663. die 3. Junij.



& Bourlemontium Pontificium, Regiúmque Plenipotentiaríos nullâ Franchitiarum Afylíve mentione, ita demùm conventum eft: (a) *Seriò enixéque Pontifex Maximus Miniftris fuis imperabit, ut Gallia Legatos eâ veneratione ac honore profequantur, quæ illis debetur, qui tanti Regis, Ecclesiæq<sub>3</sub> Primogeniti, támque à Summo Pontifice amati, cultíque Personam fufinent.*

Aliquot menses poft Pifanam Conventionem Dux Crequiús Romam repetijt, nihilque ab eo tentatum (brevis videlicet tempore, quo Romæ hæfit) ut videri poffet immunitatem, Afylúmque prætereendere tam arden-ter ab illo priùs expetitum, támque ab Alexandro conftanter negatum. Patet ergo ex his omnibus, quæ in Pifana Conventione ac etiam poft illam contigére, nunquam jus Afyli & Franchitiarum ad principum Legatos pertinuiſſe; nec enim Gallus

B 5 inter

(a) Monfig. Raſponi M. Bourlemont  
Anno 1664.

inter alias conditiones Pontifici propositas hoc jus peteret, si jam haberet. Ille quoque loquendi modus, quo Crequius usus est, videlicet: *Ut deinceps ad majorem Legatorum securitatem non amplius permittantur Ministri justitiae Farnesiam Plateam percurrere.* His, inquam, verbis apertè Gallus confitetur novè aliquid à se peti, & hætenus Legatis inconcessum. Ipse quoque Pontifex Alexander quamvis necessitate adactus durissimis conditionibus annuisset, nec tamen induci potuerit, ut Asylo consentiret, omninò palàm fecit, hoc jus ad Legatos non pertinere; quí enim Gallis negaret debita & necessaria, qui pejorum metu tam multa concesserat indebita, nec necessaria? sed & Crequius Galliæ Legatus, quando nullam amplius Asyli mentionem fecit, acquievitque neganti Pontifici, ac dum Romam reversus est, nullam amplius hujus privilegij curam aut desiderium prætulit, planè ostendit, illud Legatis non

non deberi; alioquin fi deberetur, nunquam ferret fe illo privari, præfertim Rege jam armato, & Pontifice belli avertendicaufâ in omnia pronò. Crequio Duci Legatione Gallicâ abeunti Dux (a) Chaulnes fucceffit, Hic equidem aliqua molitus eft, quibus hoc jus Afyli vindicare videbatur, fed Pontifice non folùm invito & repugnante, verùm etiam liberri- mè omnique loco ac etiam in vicinia Palatij Farnesij (ubi Chaulnes morabatur) Juftitiam, ut poftèa dicetur, adminiftrante.

*Anno MDCLXVII.* Clemens IX. Pontificatum adeptus eft. Hic mitiffimis licet moribus, ac in Galliam præfertim indulgentiffimis, nunquam tamen paffus eft à Principum Legatis Afylum aut Franchitias occupari, idque Romæ notorium eft: conftâtque ex Tabularijs & Protocollis eo tempore fcriptis, in Caupona ad Gallum Farnesio palatio vicina

B 6

(quam

(a) Duca di Chaulnes.

(quam Galliae Legatus de Chaulnes incolebat) in delinquentes animadvertum esse. Non ergo sub Clementis IX. Pontificatu hoc jure Asyli & immunitatum Legati gaudebant.

*Anno MDCLXX.* Clemens X. in Pontificem delectus est, & hoc praesertim tempore abusus Franchitiarum apud Legatos invaluit. Hi enim non contenti hanc immunitatem & Asylum sibi arrogare, eo quoque omnes Domesticos, Familiares, Opificesque potiri volebant, quotquot Legatorum insignia, quamvis ab istorum palatijs remotissimi aedibus suis praferrent. Deinde non tantum cum Romam primum inveharentur, sed toto tempore, quo illic morabantur; haud permissum Telonarijs accedere, suoque officio fungi, magno Domesticorum lucro, sed ingenti Camerae Apostolicae damno: & quamvis Pontifex mansuetudinis Sacerdotalis memor, vi poenaeque abstineret, semper tamen & Romae, & in Principum aulis

aulis contra hos abufus declamatum  
eft, adeò ut nullus legitimæ Poffef-  
fioni aut præfcriptioni locus effe po-  
tuerit, quippe invito femper Domino,  
& juri, dominióque fuo nunquam  
cedente; non ergo hæc præfcriptio  
dici potuit, fed ufurpatio, quæ nun-  
quam legitimum titulum parit, alio-  
quin & latrocinia defendi poffent, &  
quidquid vi aut potentiâ à debilibus  
extorquetur. Crediderim ego, his  
Legatorum conatibus anſam dediffe  
ſimultates, quas cum Cardinali Alte-  
rio exercebant ob novum edictum,  
quo Legati veſtigalibus ſubdeban-  
tur; réſque eò proceſſit, ut obduſtâ  
catenâ tormentis pulvere, plumbó-  
que oneratis, auſtísque militum excu-  
bijs Portæ Quirinales obſervarentur.

Hâc, inquam, occaſione credide-  
rim, Gallum, Hiſpanum, Venetum,  
Cæſareúmque Legatos ( qui in com-  
muni cauſa velut ex condiſto, uni-  
tímque agebant) de uſurpandis, pro-  
ferendiſque Aſylis cogitâſſe. En

Æram, annúmque natalitium istius tam recentis abusus, & quem tamen Lavardinus tam vetustum deprædicat, ut saltem antiquitate venerabilem reddat. Quanquam ne illo quidem anno dici potest fuisse natus, cum, ut suprà monui, nec Possessio, nec Præscriptio nascatur, quando & quoties Dominus reclamatur.

In hoc rerum statu *Anno* videlicet *MDCLXXVI*. Pontificatum iniit Innocentius XI. Prima hujus Pontificis cura illa fuit, ut corruptelas Asyli profligaret, utque tanto malo suavius mederetur, minorique dolore, non cum Legatis, sed cum Principibus, qui illos miserant, res peragi cœpta. Istis, quàm ingentia, & quàm multa essent mala, quæ ex hujusmodi immunitatibus provenirent, efficaciter demonstratum, ac præsertim Christianissimo Regi per Varesium (a) Pontificis Nuntium. Hic enim, ut ex epistolis liquet, quas Romam de hoc argumento

(a) Monfig. Varesi Sig. de Pompona,

mento dedit, sæpè multùmque cum Pompona, ipfòque Rege locutus est, evicìtque validiffimis rationibus, ut sæpè per Pomponam pollicitus Rex fuerit, se in hac causa non minùs Pontifici, quàm alios Reges gratificaturum, nec inter istos se ultimum fore. Idémque postea Varesio Nuntio Rex ipse repetijt. Regius quòque Confessarius Pater la Chaise Varesij rationibus se victum professus est, addiditque, Patrem Olivam Societatis Generalem, cùm sibi de hoc argumento scripsisset, fassum esse: *Recordari se, hunc Immunitatis abusum à paucis annis capisse.* Hæc Regij Confessarij tam ingenua contestatio tantò pluris esse debuit, quantum ab eo profecta, qui Principis conscientiam moderabatur, & cujus partes erant non monere tantùm, sed etiam vetare, quidquid animam Principis perdere posset. Quis jam non crederet, securum esse Pontificem tot Regijs promissis? & tamen mutavit aula; rescripsitque Varesius, proposuisse

posuisse Regem Immunitatem tueri, & hanc inter jura reponere Galliæ debita, longisque retrò annis possessa. Creditur hanc mutationem Româ ab Estreo Duce provenisse, cui non pauca emolumenta à delinquentium patrocínio.

Evenit intereà, Apparitorem, qui ex loco haud procul Româ redierat, in platea Farnesia ab Estreo Legato detineri. Id causam Pontifici dedit, regias aures iterùm pulsandi, edicendique Cardinali Rospiglioso, qui pro Estreo postulabat : *Se quidem metu pejorum connivere, nunquam tamen Legatos deinceps admissurum, nisi injustissimo hoc immunitatum jure decederent.* Effecitque ut dixerat. Barbaro Venetâ legatione abeunti Zenus successerat, & Apparitores Justitiæ ab ejusdem Legati familiaribus malè accepti fuerant, cùm propè S. Marci palatium observati essent; continuò edictum pependit, quo percussores mortis damnabantur, & spes omnis Legato adempta  
visendi



visendi Pontificem, ficque Româ ab-  
fcessit, delerûmque ejus loci Afylum,  
nec alijs à Republica fuffectus Legati  
dignitate.

*Anno MDCLXXVII.* Edictum Romæ  
vulgatum, quo ijs vita & bona a-  
dempta, quippe læsæ Majestatis reis,  
qui ad hujusmodi Afyla perfugerent.  
Id postea edictum *Anno 1680.* repetitum  
est, sed multò quàm antè feverius.

*Anno MDCLXXIX.* Cùm Romæ in-  
notuiffet Legatum Parifijs ventu-  
rum; per Abbatem Laurum (nam  
Legatus Varesius jam mortem obie-  
rat) Regijs Ministris Pomponæ vide-  
licet Colbertoque ærarij Præfecto, ac  
postea ejus fratri Colberto Crofij fe-  
cretario Statûs nomine Pontificis in-  
finuaturn est, nunquam ab hoc Lega-  
tum admissum iri, qui non prius Afy-  
lo ac immunitatibus cederet injustè  
occupatis; additæq; à Lauro invictæ  
rationes, sed nihil in aula promotum.

*Anno MDCLXXX.* Dux Radzivilius  
quanquam Polonici Regni præci-  
puus,

puus, Regiúsque Cognatus ac Legatus extraordinarius, & eo comitatu investus, quo principem decebat tot partibus insignem, non tantum Asylo cessit, eoque nunquam ex Regis sui imperio uti voluit, verum etiam res & impedimenta visitari à publicanis permisit, nullo tamen aut suo aut Regis dedecore; quis enim dedecus dicat, aliena non rapere, & sacrilegio abstinere?

*Anno MDCLXXXIII.* Discedente Carpio (a) Marchione ad ineundam Neapolitani Regni Præfecturam, mox vicum Plateamque Hispanicam & Palatij viciniam satellites percursarunt, nec cessatum novo Hispaniæ Legato Marchione Cocogliudo: nam non prius hunc Pontifex pro Legato agnovit, quam professus esset, se ex Regis sui imperio Asylo cessurum.

*Anno MDCLXXXVI.* Romam advenit Comes de Castelmaine extraordinarius Angliæ Regis Legatus, nec alia optatior

(a) Marchese del Carpio.

optatior Legatio, aut majori gaudio Pontificis animum impletura ; nam à centum retrò annis nullus ex Britannia Legatus, quippe & rebeli, & perfecutrice Pontificis. Jam Rex ipfe Romanis genibus advolvebatur, quid poffet gratius evenire Pontifici ? & tamen maluit hoc etiam gaudio fraudari, quàm aliquid committere indignum Pontificis Majestate ac Juftitiæ adverfum. Indictum ergo Angliæ Legato, nifi Aſylo renuntiaret, recipi à Romano Pontifice non poſſe. Renuntiavit Legatus, ac etiam res ſuas obſervari à publicanis permifit, nullo Regis dedecore, quippe ſpontè & juſta cedentis, cùm nihil aliud à Pontifice peteretur, quàm ut Regij Legati Romæ eodem jure, quo in alijs Principum aulis haberentur. Planè hac in cauſa non potuit major eſſe aut Religio Anglici Regis, aut Conſtantia & Reſtitudo Romani Pontificis. Quid enim Anglus petere non poterat in præmium reductæ Religionis jam  
centum

centum & ultrà annos Angliâ proscriptæ? aut quid majus vereri Pontifex, quàm eum offendi, è cujus manu, arbitrióque Religio pendebat? & tamen neque istum tam grandis metus, neque illum tam grande meritum ad dexteram, sinistramve permovit. Omninò fateri oportet fuisse hanc actionem magno Rege, máximoque Pontifice dignam, & parem heroicis illis, antiquisque facinoribus, quæ tantoperè in historijs decantantur. Non credidit Innocentius lucrum tam grandis Regni totque animarum Deo probatum iri, si turpi conniventia, ac modis Pontifice indignis parerentur: quomodo enim turpia & indigna placere possint tam magno, tam generoso & indolis infinitè nobilis, honestæque? num ergo Omnipotentia Deum defecit, ut Regna, animasque lucrari non possit, veramque Religionem Anglis persuadere, nisi adulatione & artificijs non Deo tantum, sed quovis honesto senatore indignis?

indignis? *Agat Pontifex, quæ non decent, ut Deus Angliâ potiatur.* Miserum Deum! si opus habet tam sordidis consilijs, suâque Majestate indignis! imò pereat potius Anglia, quàm ut Pontifex se ad indecora & inhonesta demittat. Quid faciunt in Cœlis tot Legiones Angelorum, si Religio florere non potest nisi humanis flagitijs? Eadem Jobo, quæ Innocentio mens fuit, quando dicebat: (a) *Nunquid indiget Deus mendacio vestro, ut pro illo loquamini dolos?* Et Apostolo: (b) *Non sunt facienda mala, ut eveniant bona.* Et quid sanctos & Apostolos loquor? Ipsi quóque Ethnici hanc veritatem professi sunt. Simultas Atheniensibus cum Spartanis erat alioquin foederatis. Athenis in senatu de bello agitatum. Themistocles senatorem petijt, cui modum in abdito patefaceret hostes profligandi: datus Aristides, cui arcanam fraudem exposuit, quâ Spartanæ classis incendi posset. Redijt Aristides

(a) Job. 13. (b) Ad Rom. 3.

Aristides senatu suspenso, ac magnū aliquid præstolante; tunc ille: *Perutile est Reipublicæ Themistoclis consilium, sed minimè honestum.* Exclamavit senatus: *Quod honestum non est, non potest esse utile.* Ita Cicero & Plutarchus narrant. Scio ætatis nostræ Politicis hæc axiomata haud probari, quibus videlicet tota fiducia in blandiendi, fallendique artibus, nullâ curâ honesti: at ego non Politicis scribo, sed veritati, & huic tandem omnia cedent.

*Anno MDCLXXVI.* Dux Estreus Galliæ Legatus repentinâ ferè morte sublatuſ est, voluitque Pontifex exequias paratissimè celebrari, eadēque Pompâ, quâ Decanus Cardinalis efferri solet; nec ante Cadaver conditum permissum Justitiæ Ministris, ut plateam, viciniâque Farnesiam obirent. Tantò pluris hæc humanitas Pontificis fuit; quòd cadaver Apostolici Nuntij, quamvis Archiepiscopi, diù Parisijs insepultum jacuit, tanquàm Parochialibus juribus sub-

subderetur. Mortuo ergo elatóque Estreo, jussum Apparitoribus, ut plateam Farnesiam percurrerent, dataeq; ad Ranuccium Cardinalem Pontificis Legatum literæ, quibus jubebatur Regi factum, rationesque Pontificis exponere; fecitque Ranuccius eâ facundiâ, momentisque argumentorum, quæ æquitas causæ merebatur, sed Rege immoto, & Legato, qui immunitatem tueretur, proficisci jussu. Estreus quoque Cardinalis, qui eandem immunitatem tanquàm Galliæ comprotector ambiebat, Româ excessit, delegitque villam prope Portam S. Pancratij. Hæc omnia Pontificem impulére, ut Bullam tandem vulgaret in ipso Pontificatûs sui limine destinatam, retentâmq; ac ab omnibus Cardinalibus, qui Romæ morabantur, subscriptam, Estreo & Maidalchino exceptis, qui causas cur subscribere haud possent, se Pontifice coràm allaturos spondere. Missa ad omnes Legatos exemplaria, jussique

jussique Principibus insinuare. Repe-  
tebantur in hoc Diplomate superio-  
rum Pontificum pœnæ, additâ Ex-  
communicatione majori ipso facto  
incurrendâ, solique Pontifici refer-  
vatâ in eos omnes, qui jure Asyli, aut  
potiri, aut uti vellent; cùm enim  
nemo amplius superesset ex Magna-  
tibus Pontifici subjeâis, qui sibi hoc  
vendicaret, credidit Pontifex, non  
alijs armis, quàm spiritualibus uten-  
dum, quibus nemo Christianorum  
exemptus est.

Rege intereâ Lucemburgo Parisios  
reverso, non omisit Ranuccius apud  
Regem, Regiôsque Ministros insiste-  
re, ne Legatum ad Pontificem mit-  
terent, nisi jure Asyli abdicato, alio-  
quin nunquam Romæ pro Legato  
habitum iri. Idem Lavardino sæpiùs  
repetitum, ac tum præcipuè, cùm  
profecturus Nuntium Apostolicum  
inviseret. Quamvis enim hic millies  
testaretur, se ad Pontificem gratif-  
sima afferre, ac plena reverentiæ,  
semper



semper tamen responsum est, nihil isthæc profectura, nisi Asylo absisteret.

Sub initium ergo Septembris Lavardinus lentis itineribus Italiam versùs profectus est terrestri itinere; & mari familia, cui ingens Officialium, militumque ex Gallica Classe numerus accessit. Pontifex intellecto Lavardini in Italiam adventu, denuntiari iterum jussit Estreo Cardinali, senunquam Lavardinum pro Legato habiturum, si jure Asyli potiri vellet. Sed & omnes Cardinales, Prælatique, quotquot Romæ agebant, jussu Pontificis moniti sunt, recordarentur Pontificij Diplomatis, quod ipsi subscripserant, quoque omni societate cum Lavardino arcebantur: quippe qui contra omnium Principum, Gentiumque jura toties recusatus, vi tamen, & in contemptum Principis Legatum ageret, seque in censuras & anathemata sponte indueret, simulque juxta Galliæ Conventiones & Concordata ijsdem

Censuris omnes, qui cum eo agebant, involverit.

Sufficeret historica hæc enarratio, suisque annis distincta ad evertendum, quidquid pro hac immunitate tuenda Lavardinus, aliique scripserunt. Id verò ut palàm fiat, juvat aliqua observare.

Et *primò* quidem has Immunitates non posse ex jure Legatorum, aut ex Principum, à quibus mittuntur, reverentia proficisci. Vidimus enim eas non à Legatis tantum, sed ab omnibus ferè Baronibus, Magnatibus, Cardinalibus, imò, ut Boccalinus loquitur, à quovis ferè nobili occupatas esse. Quì ergo dici potest Legatis proprium, quod tam multis commune fuit? Nec potiori titulo Legati quàm alij; omnes enim uno eadèmq; modo usurpabant: nec Pontifices omisissent juris, aut privilegij reminisci, si aliquod Legati haberent.

*Secundò*

*Secundo.* Quoties Pontifices in has immunitates edictis pugnabant, nullum unquam (excepto Lavardino) legas repugnâsse, aut jus aliquod prætexuisse; quod manifesto argumento est, nunquam fuisse à Legatis pro legitimis habitas: quis enim credat ex tot Principum Legatis, suorumque jurium, etiam quæ non habent, tenacissimis, ausum neminem esse, non dicam obniti, sed ne conqueri quidem, si illis fiderent? Tacuerunt, quia nulla suppetebat ratio loquendi.

*Tertio.* A Julio III. usque ad viventem Pontificem, quoties scintilla aliqua micabat istarum immunitatum, toties edictis pænisque obstitisse Pontifices; quod solum sufficeret abrumpendæ Præscriptioni; si enim mille annorum spatio nemo me invito & Judicem appellante domum meam præscribere potest; qui poterit tantam urbis partem tanquam amplam Jurisdictionem?

*Quariorum.* Imò non tantùm edictis Pontifices contra hujusmodi immunitates pugnârunt, quod, ut dixi, sufficeret, ne præscribi possent, verùm etiam reipsâ abolitæ, sublataeque; idque *tum* ex silentio Legatorum constat, quo Pontificijs edictis acquievêre: *tum* ex publicis documentis & Protocolis, in quibus quàm plurimos actus reperire est, administratæ per Apparitores Justitiæ, idque in ijs ipsis locis, quæ modò exempta jactantur, Legatis nihil ausis repugnare: *tum* ex Petrarchæ, Boccacini, Patris Olivæ Societatis Jesu Generalis: imò ex totius ferè urbis testimonijs, quæ hodièque recordatur, usque ad Clementis X. Pontificatum liberam fuisse Romam tam turpi, noxiâque servitute, quamvis Clemens (sive ob fessam annis ætatem, sive ob similtates inter Cardinalem Nepotem, Legatôsque alijs ex causis ortas) edictis, pœnisque abstinerit; certum tamen est, gravissimè apud Principes conquestum esse, quod

quod folum fufficeret præfcriptioni  
truncandæ. Sed nihil æquè hanc veri-  
tatem oftendit, ut Pifana Conventio,  
in qua licet Crequius Galliæ Legatus  
hanc immunitatem enixiffimè pete-  
ret, eamque novam, & infolitam effe  
fateretur; licet Pontifex Alexander  
temporum acerbitate duriffimas con-  
ditiones acciperet; nunquàm tamen  
immunitas impetrari potuit: ceflit-  
que Legatus, cùm Pontificem obfir-  
matum videret: nec Romam poftèa  
reverfus de hac immunitate ac Jure  
Afyli quidquam cogitavit, liberis Ju-  
ftitiæ Miniftris, omnesque urbis Re-  
giones & plateas oberrantibus; non  
ergo tunc temporis hoc jure Legati  
gaudebant.

*Quintò.* Denique ex ijs, quæ hæc-  
enus narrata funt, palàm eft, Innocen-  
tium XI. Pontificem Maximum in  
abolendis Legatorum Afylis fummo  
quidem jure processiffe, fed summâ  
quòque moderatione, ac planè paca-  
tiffimâ, & Patris potiùs, quàm Prin-  
cipis

cipis more. Primò nihil cursim & impetu factum, sed omnia diù, lentè-  
 que maturata, ac priùs undecim an-  
 norum spatio discussa, quàm Bulla  
 ederetur. Deinde nihil contra Lega-  
 tos à Pontifice decretum, imò omni  
 honore observati, preces tantùm &  
 querelæ in aulis Principum ac Parisijs  
 porrectæ, idque toties, tamque effi-  
 caciter, ut faterentur Ministri, iusta  
 postulari, & Rex ipse omnia promit-  
 teret. Utque suaviùs minorique pu-  
 dore Gallia invitaretur, præmissa  
 aliorum Principum exempla, Polo-  
 niæ videlicet, Angliæ, Hispaniæ-  
 que, Afylo cedentium: nihil quòque  
 Romæ immutatum, dum Legati vi-  
 verent, sed expectatum, dum vitâ  
 aut saltem Legatione abirent; ipsi  
 quòque Estreo, quamvis defuncto  
 tanta reverentia est habita, ut ante  
 exequias nihil in Palatium, viciniâ-  
 que Farnesiam Apparitoribus liceret.  
 Ipse Lavardinus, quamvis novo  
 inusitatòque exemplo Romam mili-  
 tariter

tariter inveftus, ac Pugnatori potiùs, quàm Legato fimilis, ædésque Farne-  
fias, ac vicinam regionem armatis, excubijs, circitoribus, pulvere plumbo, granatísque ac omni apparatu militari implèffet, perinde ac fi ca-  
strum non Palatium occupâffet, in eá-  
que urbis parte Dominatum ambíret Pontifice exclufo; hæc omnia, quæ nondico nullus Principum, fed nec ullus Civium domi fuæ pateretur, Pontifex tamen placidiffimè tulit, non arma, non Principum vicinorum, foedera, non pœnas oppofuit, inno-  
centiâ tantùm fuâ & juftitiâ nixus. Quæro, an à Pontificis, aliorúmque Principum Legatis Galliæ Rex hæc fieri Parifijs pateretur? paffus eft ta-  
men Innocentius. Quid potuit ampliùs? Nam Cenfuras quod attinet, non illas Pontifex in Lavardinum vibravit, fed Lavardinus fe ultrò in illas induit. Quæ culpa Venatoris, fi jaculum in feras deftinatum tu-  
fpontè incurras? nec enim Innocentio

animus fuit, cùm sub pœna ExcoꝹmunicationis Asylum prohibuit, ut Lavardinus eam incideret, sed ut vitaret; si ergò noluit vitare, sed potius incidere, non Innocentius accusari, sed Lavardinus debet; nam ut benè observavit Augustinus: *Non vult ferire, qui dicit cave.*

Haftenus ordine Historico exposuimus originem, progressumque Asylorum, quæ à Gallico Legato tantâ contentione expetuntur; superest, ut ostendamus, quas ob causas Innocentius XI. abolita ea voluerit; multæ enim, gravissimæque Pontificis animum urgebant, ac tantæ rei pares.

III. *Primò* infiniti abusus, qui huic immunitati miscebantur. Nulla ferè urbs populo sacro, profanoque ac præsertim externo frequentior: par populo delinquendi licentia multitudine ac exemplis protecta, sed præsertim facilitate impunitatis, sparsis totâ urbe Asylis; nullum enim crimen,



men, cui non continuò Palatium aliquod, imò vicus pateret; hîc fecura flagitia, imò Principi insultantia; quanto hoc fidelium scandalo in ipfo Religionis domicilio, non impunitam tantum impietatem videntium, sed etiam florentem, minacemque? quanto Pontificis dedecore, qui videre, patique cogeretur, quæ noller? Nec verò corrigi abusus, delerique aliter poterat, quàm sublatâ causâ, hoc est, jure Asyli. Quamvis enim Legati omnia pollicerentur, nunquam tamen favor, clientelæ, preces, largitiones, aliique prætextus aberant reos protegendî, docuitque experientia, fisti flagitia non posse retentis Asylis, & Legatorum promissa semper effectu caruisse.

*Secundo.* Non minima pars urbis supremo Pontificis imperio subducebatur, dominio inter tot Legatos velut inter tot Principes diviso: quanta hæc servitus, quantumque periculum, ne deinceps pejora sequantur?

*Tertiò.* Nullibi terrarum hæc licentia permiffa, cur ergo Pontifex pateretur, quod nulli Principum? aut cur Romæ liceret, quod Parifijs, quod Londini, quod Viennæ, quod nusquam licuit?

*Quartò.* Accedebat fpes maxima rem tanti momenti feliciter explendi, modò Pontifex vadum experiri auderet, nec primo torrenti cederet. Quippe optima caufa & iuftiffima agebatur, ac omnibus probata. Conftabat Pontificem non impetu, non indignatione, alijsque privatis rationibus ferri, nullóque fuo, aut fuorum commodo, fed folâ neceffitate urbem purgandi tam indignâ, noxiâque fervitute. Accedebat inſignis Veneratio, quam Innocentius ſibi toto Orbe Chriſtiano paraverat: ſumma morum integritas; animus omnî affectu vacuus; nulla familiæ extol- lendæ, aut propinquorum cura, quos pro externis habere videbatur; publici tantum boni immenſa ſollicitudo.

tudo. Urbs quàm plurimis, infolitiff-  
que corruptelis purgata. Religionis,  
disciplinæque Ecclesiasticæ flagran-  
tiffimus Zelus, nullo privatorum,  
magnatùmque delectu, nec tamen  
immodicus & accusationi obnoxius,  
aut prudentiæ expers; id enim in  
hoc Pontifice præcipuum, quòd cùm  
animi magnitudine & constantiâ nec  
Bonifacio VIII. nec Sixto V. cedat,  
multò tamen illis moderatior, feve-  
ritate pacatâ, & amorì ac reverentiæ  
in Principes mixtâ, quos nec provo-  
cet, nec tamen formidet. Populus,  
quantum licuit, oneribus sublevatus.  
Summa Domi frugalitas, sed foris  
summa quoque & major dictu, credi-  
tûque liberalitas, immenso in Tur-  
cicum bellum profuso auro; sed præ-  
cipua in Deum fiducia, & ideò par  
fiduciæ felicitas, nec enim alium re-  
trò sæculis Pontificem reperi-  
as in proferenda Religione, magnitudine  
rerum gestarum parem. Austria Tur-  
cicis armis, quæ totam Europam con-

cufferant, liberata. Hungaria, Sclavonia, Croatia, Græcia, Peloponnesus præter Insulas quàm plures Barbaris adempta, & quod mireris, hæc omnia ægro plerumque Pontifice, nec tamen otioso, sed consilijs, Legatis, ac præsertim immensis Thesauris omnia promovente. Taceo alia, quæ modestiam Pontificis feriant, si palàm fiant, meque adulationis notent, quam averfor. Hæc ergo omnia, ut maximam Innocentio venerationem, ita parem fiduciam pepererant, fore, ut quidquid in tam sancta causa, à tam sancto Pontifice ac ipsis quoque hæreticis laudato fieret, ratum omnes Principes, acceptumque haberent: & habuerunt planè, cesseruntque Afylo.

IV. Cum solo Galliarum Rege pugna superfuit, flagratque in hunc diem semper majori flammâ, sed Pontifice æquè immoto, invitóque; nam præter rationes, quas suprà libavimus, illa quoque accessit; non posse Gallos

Gallos audiri, quin Principes omnes, qui Afylo renuntiaverant, offendantur, quippe fe fperni crederent repeteréntq; jam concessa, pejori quàm antea malo. Denique Innocentius à primo Pontificatûs fui ingressu Christianiffimi Regis animum per Varesium, per Laurum, Ranucciûmque Ministros fuos perténtaverat, oftensâ efficaciffimis rationibus Afyli abolendi necessitate; & à Rege magnificè responsum: *Se aliorum Principum exempla observaturum, nec ultimum fore, qui tam justæ petitioni deferret.* Quid ergo sibi Pontifex non sponderet à tam propensa, testatâque Regis voluntate? Agebat runc temporis Legatum Gallici Regis Dux Estreus, noluitque Pontifex ejus palatij prætensam immunitatem, Afylûmque turbari, dum viveret, ratus hanc quóque moderationem profuturam placando, lucrandoque Galliæ Regi, nec multò post Estreus vivis excessit. Jussi satellites Palatij aream, viciniâmq; obire,

C 7      hæte

hactenùs justitiæ inaccessam, non priùs tamen quàm elato funere, justisq; peractis, ut sic quoque mortui cineribus veneratio haberetur. Regibus quóque denuntiatur, neminem à Romano Pontifice pro Legato habitum, admissúmque iri, nisi Asylo renuntiaret. Videbatur Hispaniæ Rex obluetaturus, sed continuo cessit, Pontificis & justitiæ, quæ sola quærebatur, reverentiâ. Solum ergo cum Gallia bellum fuit. Diu illic dubitatum, quid fieri deberet Lavar-dino jam proficisci, jam consistere jussu, donec tandem profectio decreta, imperatúmque Legato Asylum tueretur. Mirari subit, quæ tandem causa Regem Christianissimum impulerit, ut tanto ardore hanc causam promoveret. Nihil enim ejus dignitati decedebat, si omnium Principum exemplo, latrocinij, sacrilegij, adulterij, raptibus, homicidijs, alijsque urbis sacrae flagitijs hoc præsidium subduceret: nec ideo minor, si non  
serviret

ferviret ſcleratis. Multis ergo in mentem venit, aliud hoc cum Pontifice bello quàm Afylum quæri: nimirum, ut victorias Cæſaris moraretur Italiâ armis turbarâ: at ego nihil tale de Chriſtianiffimo Rege crediderim; quidquid fuerit, Lavardinus Italiam tenuit, confeditque haud procul Romam; ſed juffu Pontificis nunquam in Provincijs Eccleſiaſticis apparatu Legati exceptus. Tandem ingredi urbem ſtatuit, delegitque Dominicam diem, decimam ſextam Novembris anni octuageſimiſeptimi ſupra milleſimum ſexcentefimum. Pompæ hic ordo fuit. Præibat ingens equitum armatorum globus, gladijs ſclopisſque brevibus, longis, medijs inſtructus, ſequebantur quadraginta currus impedimentis onuſti: poſt hos alia equitum æquè armatorum turma; tum acies nobilium in equis juvenum, aliique magno numero famuli, qui rhedam Legati pedites ambiebant, in ea præcipuo loco Cardinalis

dinalis Estreus, purpurâ amictus; dexteram Legati uxor, lævam filia tenebat, ex adverso Maidalchinus Cardinalis, cui ad sinistram Legatus Gallicus. Jacti quoque in accurrentem populum argentei nummi, quibus ad Gallici Regis nomen celebrandum invitaretur, sed à paucis acclamatum, iisque miserrimis. Subeuntem palatium bñæ armatorum alæ, dexterâ lævâque sparsæ in equis excepere, noctu excubiæ palatio adhibitæ, jussæque militariter palatium, viciniâque obire, ne quis Asylum turbaret: impedimenta quoque armatis vallata, submovendis telonarijs: Nocturnum epulum Estreus Cardinalis Legatus exhibuit. Is primò ad Cardinalem Cibus, postea ad Summum Pontificem admitti petijt, sed ab utròque rejectus est. Romæ interim pergebatur publicis, privatisque precibus Deum implorari, ac supplicationes obiri, singulis Religiosorum sodalitijs ad templa quotidie



die procedentibus ; crederes publicam calamitatem urbi imminere, eique evertendæ Romam certatim laborare. Cùm Pontifici adventus & Pompa Legati nuntiaretur , fertur respondisse: *Hi in curribus, & hi in equis! nos autem in nomine Domini ambulabimus.*

V. Planè novâ specie Roma intremuit, ipsique Galli averfati sunt; Legatum videlicet , pacisque interpretem militari apparatu terrenti, bellantique similem alienam Civitatem invehi , arcemque Religionis calcata Principis Majestate; id à nullo Legatorum factum. Sed nec ulla tanti strepitûs causa; si enim vim metueret , quantulæ hæ copiæ , ut armato Pontifici obsisterent, cogerentque invitum? si nihil metueret, quò tanti apparatus, nisi fortè ut Principi insultaret? dissimulabat interim , ferebátque Pontifex, contentus Legatum non agnoscere, idque toti aulæ indictum. Instabat dies sanctæ Luciae sacra , quæ in Lateranensi Ecclesia

Ecclesia solemnī ritu ac Legato coram peragi solet in memoriā Henrici quarti Galliarum Regis: jusserrat Pontifex, si Lavardinus adveniret (quippe censuris adstrictus) continuo faces extinguī, sacrumque abrumpi, ac cantum cessare. Id ubi Legato innotuit, differri jubet sacram ceremoniam in alium diem: sed Pontifice negante ullam esse differendi causam, cum Canonici ostendissent, inteream Ecclesiam, Regemque conventum esse, ut Legati arbitrio staret, quam diem eligeret, continuo acquievit, permisitque transferri. Memorare id volui, ut moderatio Pontificis palam fiat, flagrantis quidem, sed intra rationem, citraque excessum, quod in Principibus rarum. Plura scribere omitto, quæ nihil refert scire posteritatem; quippe aut minuta, aut offendendis animis apta, quos ego pacari malim, componique. Illud tantum adijciam, quod maximè hanc litem Romam inter, Galliàmque incendit.

Nocte

Nocte Nativitati Salvatoris sacrâ Lavardinus S. Ludovici Ecclesiam adit, sacrôque epulo accumbit, strato pulvinari, aliisque Legatorum insignibus usus. Re ad Pontificem delatâ non potuit pænis, justâque severitate ampliùs temperare, quam hætenus cohibuerat, quàmque Lavardinus videbatur non tantùm provocâsse, sed etiam ab invito extorsisse. Constat censuris obstrictum esse ob usurpatum Asylum, armisque retentum; id enim sub excommunicatione latæ sententiæ, ipsôq; facto incurrendæ Pontificiû Diploma prohibuerat: ferebat interim Pontifex, dissimulabâtque, & moras induciâsque necitebat. At postquam Lavardinus processit, in ipsâq; Ecclesia, & totâ Româ spectante, ac cùm maximè oportebat Deum, ejusq; Vicarium placare, contemptum professus est, quid potuit aliud Pontifex, quàm ut tandem excitaretur toties excussus? & tamen tunc quôque modestissimè actum, nec supra necessitatem.

sitatem. Jubet ergo per Cardinalem Vicarium interdictum Gallicæ ædi affigere adjectâ causâ : *Quòd Lavardinum notoriè excommunicatum ad sacra admisissent*. Potuit aliquid minus fieri à Pontifice, à toties provocato, offensôque? Missi etiam à Gallis citatis equis veredarij, qui Regem omnia, quæ contigerant, causâsque edocerent : simulque Apologiam Lavardinus vulgavit, quo factum purgabat, negabâtque se censuras meruisse.

Lubet hîc observare, quantâ in hac causa moderatione Innocentius processerit.

Nam primò noluit Pontifex novum Diploma, quo Asylum persequeretur, vulgari, vivente adhuc Estreo Duce Galliæ Legato. Mortuo Estreo præmissa sunt exempla omnium Regum Principûmque Asylo cedentium, ut tantò suaviùs Gallia invitaretur, minorique pudore, si ultima cederet. Lavardinum quamvis militari, hostilique paratu ingressum,

&

& armatis obfeptum, ac bellum, quàm pacem afferenti fimiliorem; non tantùm Provincijs ac Urbe non prohibuit, quod facilè poterat, & nemo non Principum faceret; verùm etiam admisit, tulitque fremente populo, & jura ac Principis Majeftatem violatam effe conclamante. Quando non dico Rex Galliæ, fed alius minorũ Principum hâc fpecie Legatum domi fuæ ferret, tantòque publicæ quietis damno? fuperavit ergo Innocentius non folùm omnium Principum, verùm etiam privati Civis patientiam. Palàm quòque erat Lavardinum cenfuris effe implicitum, quippe violati Diplomatis reum: nihil tamen Pontifex movit, fed ignorantia aut conniventi fimilis rem tempori commendabat, minimo contentus, hoc eft, pro Legato non agnoscere, Deumque publicis precibus placare. Nec unquam Lavardinum, pro excommunicato declarâffet, nifi ille palàm & cum pompa contemptum profeflus relum

telum ab invito extorsisset. Quòd si animuserat Pontificem spernere, quæ rogo necessitas id cum tanto apparatu, fastûque ostentare, ipsâque nocte flagrantis totâ urbe pietatis? Nec dici potest, non id Lavardinum prævidisse; nam Pontificis animum, cùm de festo sanctæ Luciae ageretur, jam exploraverat. Sed age, Anonymi Auctoris Libellum quique Lavardini Advocatum se fecit, jam percurramus.

VI. Primò igitur opponit Anonymus: (a) *Nihil unquam injustius majorique injuriâ contra Principum Legatos, quàm quod nuper Roma contra Lavardinum tentatum esse.*

¶. Antiquissima est præpotentium querela, ut sibi injuriam fieri dicant, cùm alijs faciunt. Quoties ovibus à Lupo objectum est, turbari ab illis fontem, cùm tamen infra lupum aquarentur? si injuria est, quidquid Gallo non placet; fateor magnam accepisse Lavardinum: & nego hinc oportere

oportere injuriam æstimari. Dicitur ergo injustum, quidquid fit contra jus alterius: priùs ergo probari oportuit, jus fuisse Lavardino, invito Principe, ad quem mitrebatur, se pro Legato ferendi, implendique metu & armis urbem, ut reliqua tamen superiùs narrata, & quæ non dicam, nullus Principum, sed néque ullus Paterfamilias domi suæ pateretur. Hæc si jure fecit Lavardinus, accusare Pontificem potest; sed cui mortalium persuadebit, id jure factum? Comparentur, quæ Pontifex à Lavardino tanto jam tempore passus est Romæ, quæque Lavardinus à Pontifice; & mox constabit uter injuriam accepit.

VII. Secundò: *Ignarissimos esse jurium* dicit, (a) *quæ Regibus conveniunt, quicunque negare ausint, non pendere ex Principis arbitrio Legatos constituere; istis verò jure gentium honorem ac venerationem deberi: sic omnium populorum moribus receptum esse,*  
*etiam*

etiam cùm bello implicantur. Quæ ergo contra Lavardinum Pontifici Romano suggesta sunt, aliena esse à communi sensu omnium Gentium benè honestèque institutarum. Possè quidem Regibus supplicari, ut Legatos suos amoveant, quoties publicam pacem turbant, aut aliàs hostilia moliuntur; dum tamen morantur, Legatorum more colendos esse. Ne apud incultissimos quidem Barbarorum auditum, lectumque esse, ut eo prætextu Legatorum dignitatem violarent, quòd ipsi nollent Principum suorum juribus cedere. Hac verò si locum habeant apud Principes merè sæculares, multò magis apud Pontifices Romanos, quorum potestas precaria sit, pendeatque ex filiali Principum reverentia, præsertim verò Gallia Regum, unde tota in temporalibus Pontificum dignitas. Esse Romam omnium Gentium communem Patriam, sicque oportere omnium Principum Legatis frequentari.

¶. Hæc Auctor longâ Oratione, sed rebus vacuâ. Supponit enim Lavardinum Legatum esse, utque Legatus sit, ex solius arbitrio Regis, qui misit, pendere. Supponit iterum, si  
**Rex**



Rex Legatum removere nolit, quamvis ex justissimis causis id Pontifex petat, nihilominus etiam ab invito tolerandum, & pro legato habendum esse. Hæc pro tam certis habet, ut *ignorantissimos esse dicat*, qui negent: & tamen tam falsa sunt, & ab omnium sensu aliena, ut nihil magis; sed oportuit paginam implere, & quod veritati defuit, compensare convitijs honesto calamo indignis. Veritas sic habet. Legatus est Persona publica, quæ à Principe ad Principem mittitur, pacis aut alterius negotij causâ. Legatus igitur non unius tantum Principis mittentis, sed etiam ejus, ad quem mittitur, assensu & voluntate constituitur. *Duo*, inquit Grotius, (a) *requiruntur, ut quis Legatus constituatur, auctoritas videlicet mittentis, & Principis, ad quem mittitur.* Legatorum quippe immunitas & officium ex tacita partium conventionem profiscitur, ut idem Grotius notat; hæc verò est

D reciproca

(a) Grotius de J. pacis & belli l. 2. c. 18. n. 5.

reciproca, & utriusque consensum requirit; nec immeritò, cùm utriusque Principis intersit, quis Legatus eat. Idque multò maximè locum habet in ijs Legatis, qui hodiernâ tempestate diù aut etiam perpetuò in aulis morantur; in his enim cessat ratio juris gentium, hoc est, necessitas. Audi eundem Grotium: (a) *Optimo, inquit, jure rejci possunt, quæ hodie sunt Legationes assidue, quibus quàm non sit opus, docet mos antiquorum, quibus illæ ignorata.* Idipsum Wicquefortius (b) testatur: *Certum est, inquit, legationes ordinarias nec juris gentium, nec ducentis retrò annis notas fuisse; suntq; quàm plures Nationes, apud quas nullus earum usus, sola Europa eas admittit, siq; aliquis Principum eas respuerit, dici quidem poterit aliquid contra morem fecisse, nihil contra jus Gentium.* Hæc ita vera sunt, ut sive antiquam sive recentem historiam evolvas, infinita reperias Legatorum exempla, qui aut non recepti, aut

(a) Grot. cit. (b) Wicquefort en l' Ambassadeur l. I. pag. II.

aut remissi sunt; nec tamen creditum est, jura Gentium violari. Sic Romani Ætolis denuntiârunt : (a) *Ne Legatos mitterent, alioquin pro hostibus fore.* Itémque Vejentibus : *Ni facerent urbe, pœnas duros.* Lacedæmoniorum Legatus à Pericle dimissus est : (b) *Quòd ab hoste armato venisset.* Quantò magis dimisisset, si Legatus ipse armatus veniret? sic Senatus Romanus negavit se posse Carthaginensium (c) Legatos admittere, quorum exercitus esset in Italia. Sic Legatis Jugurthæ à Romanis edictum (d) intra decem dies Italiâ excederent, nisi Regem & Regnum deditum venissent. Et quid plura? numquid in sacris litteris habemus Rabfacem Regis Assyrij Legatum jure meritò ab Ezechia Rege receptum non esse, quòd timeretur populum perversurus? Si recentia percurras, non minus exemplorum est, præsertim in Gallia, ubi planè nihil

D 2 frequen-

(a) Liv. l. 27. l. 10. l. 4. (b) Thucid. l. 11.  
(c) Liv. l. 41. (d) Salustius in Jugurtha.

frequentius, quàm ut ex causis Regi notis, nec aliorum judicio aut examini subiectis Legati aut non admittantur, aut exire Galliâ jubeantur: éstque recentissimum Tigurinæ & Bernensis Reipublicæ Legatorum, qui nec in Regis conspectum, nec ad tractanda cum Ministris Regijs negotia admissi sunt, idque non alia ex causa, quàm quòd de ritibus, formâque illos excipiendi conveniri non potuit. Quantò ergo majori, justiorique ex causa Lavardinus excludi potuit, qui contra aliorum Regum exempla Asylum non tantùm peteret, verùm etiam armis occuparet? Nuper quòque Moscoviticis Legatis indictum, ut nisi pellium mercatu abstinerent, Galliâ exirent. Paulus IV. Figueroam Philippi II. Legatum, & Mediolanensi Præfecturâ defunctum, cùm ferè Romam intraret, urbe exclusit, (a) negavitque pro Legato agnitum iri, quòd Pontificis cursorem litteris, quas

(a) Anno 1558,

quas ferebat, spoliâisset, incurriſſetque cenſuras: nec Philippus ſuccenſuit, ſubſtituitque Vargam Venetijs prius Legatum. Sive ergo Legationis naturam, ſive exempla Principum inſpicias, etiam quibus maxima juris Gentium reverentia (quales Romani) concedi omninò debet, Legatum dici non poſſe, qui à Principe admiſſus non eſt; poſſe verò non admitti ex plurimis cauſis, præſertim ex illa, ſi veniat aliena invaſurus, ut nuper Lavardinus; tunc enim non Legatſed hostis vices agit, ceſſatque finis Legationis. Hæc tam clara ſunt, ut negari à nemine poſſint, nec tamen ſperare nobis victoriam licet, quando à Gallis non ratione, ſed potentiâ certatur. At, inquit Anonymus, *ſupplicari Principi debet, ut Legatum amoveat; colendus verò eſt, quandiù moratur.* Nimis ignarus eſt rerum, qui hæc dicit: quoties enim per Vareſium, per Laurum, per Ranuccium Cardinalem Pontifex rogavit, urſitque, ne Lavar-

D 3

dinus

dinus mitteretur ? & tamen missus  
 est ; nec missus tantum , sed etiam  
 armatis obseptus , aded ut dubitari  
 posset , Gotthus , an Gallus esset , qui  
 sic Romam intravit . Quid superfuit  
 Pontifici ? qui modestius tueri se po-  
 terat , quam ut urbe quidem admit-  
 teret , etsi armatum , minacemque ,  
 non tamen ut Legatum haberet ? nam  
 nec Legatus erat , quippe invito Pon-  
 tifice . *At nulla Lavardini culpa , cum non*  
*posset juribus cedere à Rege prætensis , cur ergo*  
*punitus , si innocens ?* Nulla est poena , si  
 alicui non tribuas , quod non debetur :  
 Lavardinus ut Legatus à Pontifice  
 habitus non est , quia Legatus non  
 fuit ; quis poenam dicat , si pro sena-  
 tore aut Episcopo non habebatur , qui  
 nec Episcopus , nec senator est ? nam  
 quod postea Censuras inciderit , non  
 hæc culpa Pontificis , sed Lavardini  
 fuit . Pontifex enim censuras univer-  
 sim tulerat in eos , qui Asylum usur-  
 parent , nullo Hispani , Angli , Ger-  
 mani , Galli , aliarumque nationum ,  
 discri-

discrimine: quòd ergo Lavardinus se illis, & solus induerit, non Pontifici imputare potest, quippe nolenti, invitòque, sed sibi, qui spontè incurrit: nam si quis gladio se perimat, quem accusabis? fabrum? qui gladios fecit, palàmque exposuit? an eum, qui in ferrum incubuit? Nec interest, Lavardinum ex Regis imperio Asylum occupasse; nam, ut taceam, multa à Lavardino peracta esse præter Regis voluntatem; cui nota non est Apostoli sententia in omni foro humano Divinòque recepta; videlicet: (a) *Dignos esse morte non solum, qui ea faciunt, sed etiam, qui consentiunt facientibus?* Si ergo eadem culpa est facientis & consentientis, quantò magis imperantis & exequentis? Quinquagenarii, qui ad capiendum Eliam missi sunt, se quòque Imperio Regis Ochoziæ (cujus Legati erant) tuebantur: (b) *Homo Dei, Rex præcepit, ut descendas.* Et tamen igne puniti sunt Deo excusa-

D 4                      tionem

(a) Ad Rom. I. v. 32. (b) 4. Reg. I.

tionem respuente. Heliodorus quoque Antiochi Legatus cùm Templum spoliare aggrediretur Summo Pontifice Onia renitente; Principis mandatum prætexebat: (a) *At ille pro his, quæ in mandatis habebat à Rege, dicebat, Regi ea esse deferenda.* Num ideò calcibus & flagellis punitus non est, moriturus, nisi Onias servâisset? Nihil ergo juvat Lavardinum Regis voluntas, quando non imperium Principis, sed causa innocentem facit. Quæro si Pontificis, aut alterius Principis Legatus invito Rege, armatusque Parisios intraret, illicque simile aliquid moliretur ijs, quæ Lavardinus Romæ, quanto eum tempore Rex pateretur, quantumque deferret Principis sui imperium alleganti? mirari ergo Lavardinus non debet, si exceptio Romæ non valet, quæ Parisijs nunquam valuit, valebitque. Hæc tam aperta sunt, ac omnibus nota, ut negari non possint; & qui negant, multò pejorem

(a) 2. Mach. c. 13.



pejorem faciant Regis causam tam pudendis auxilijs.

Quod verò dicitur : *Pontificis Romani in Christianos potestatem precariam esse, & ex Principum arbitrio, qui se spontè submit-  
tunt, pendere, tantòque magis Pontifici ca-  
vendum, ne istos offendat.* Respondeo hoc argumento omnium Principum potestatem, non solius Pontificis peti, quis enim imperabit, si nolint subditi obedire? evolvantur omnium Gentium Historiæ, & continuò patebit, multò sæpiùs contra Principes sæculares rebellatum esse, quàm contra Pontifices; imò stetisse Cathedram Petri, quamvis millies concussam tot cadentibus Regnis: ipsa Romana Monarchia tot exercitibus, tot imperijs, tot opibus potens tandem defloruit durante Ecclesiâ; intèrque ipsos Romanos Imperatores, quis non ex militum favore, studiòque pendit? Taceo Gallici, aliorumque Regnorum scenas & vices: frustra ergo Pontifici obijcitur, quod multò

magis omnium Regnantium est factum; illud discrimen est, quòd subditi, ne à sæcularibus Dominis deficiant, temporalium pœnarum metu coërcentur; hic si absit, majorque sit subditorum, quàm Principis potentia, nihil amplius moratur, ut jugum excutiant. Secus est in imperio Religionis; hîc enim, ut Pontifici Romano subdar, non temporales pœnæ, sed æternæ faciunt, nec isti evadendis ulla par potentia. Unde fit, ut paulò antè dicebam, multò sæpius à Principibus, quàm à Pontifice subditos defecisse, nullum ergo minùs precarium imperium est, quàm Religionis. Quòd si nemo Principi persuaserit, ut subditis omnia concedat metu seditionis, quantò minùs Pontifici? præsertim quòd Ecclesia sicut non humanis consilijs & prudentiâ crevit, ita nec humanis consilijs regenda est, quoties illa Divinis adversantur; quid verò magis adversatur, quàm ut metu omnia Principibus cedas, nullâ honesti

stiratione? non placent Deo, & ideo nec succedunt turpia consilia. Est insigne in rem nostram Alexandri III. Responsum, cùm enim metu schismatis, & ferè paribus minis ad indigna urgeretur, quibus nunc Galli, Legatis Friderici Imperatoris ita respondit: (a) Nos recognoscimus Dominum Imperatorem Advocatum & specialem sacrosanctæ Romanæ Ecclesiæ Defensorem. Unde ipsum (si per eum non steterit) præ cæteris Principibus Orbis intendimus honorare, in quibus Regis Regum honor nullum capiat detrimentum. Ubi verò quidquam occurrit, quod absq; summi Regis offensa effectum habere nequeat; si honorandus terræ Imperator videtur, ille potius à nobis timeatur, & illius honor imprimis conservetur, qui est Rex Regum, & Dominus Dominantium, & qui animam & corpus perdere, atque in æternam ignis gehennam mittere potest, ergo cùm pro Ecclesiæ libertate tuenda Patres nostri proprium sanguinem fuderint, & nos ad eorum exempla, exigente necessitatis articulo, extrema aude-

D 6

mus

(a) Radevicus l. 2. c. 54. & 55. Anno 1159.

*mus pericula sustinere. Frustrà ergo Galli metum offendendi Regis Innocentio obijciunt; quando in causa DEI nihil æquè metuendum est, quàm metuisse.*

VIII. Tertiò causatur Anonymus :

(a) *Romam esse totius Orbis Christiani Patriam communem ; sicq<sub>3</sub> oportere , ut illic omnium Principum Catholicorum Legati conveniant. Æquum non esse , ut Legatis Gallici Regis Asyli prerogativam invideant Itali , quando ipsi majorem partem occupent sacri Senatûs ; cùm tamen & mos Ecclesie, & ratio velit , ut absque Personarum aut nationum discrimine purpura dignissimis obveniat, quæ nunc alijs exclusis solos fere Italos vestiat.*

R. Si Roma omnium nationum communis est Patria , quid queritur Lavardinus , si eodem jure, quo omnium aliarum nationum Legati, habitus est ? nec enim alij Principum Legati admissi sunt, quàm qui Asylo celsère : vivat ergo Lavardinus in communi Patria communi jure; quod si nolit, non illum Innocentius , sed ipse se Româ exclusit.

(a) Fol. 2.

Alioquin

**A**lioquin quid scelerum civibus non liceat, si qualescunque sint, & quacunque ratione vivant, tolerari in Patria debeant? & planè cùm nuper Lavardinus Romam ingressus est: non Civis faciem, sed hostis ostendit, nec tam Patriam intrâsse, quàm in aciem irrupisse visus est. Quod de Cardinalibus dicitur, nihil pertinet ad causam Lavardini. Oportere Cardinales aliquos deligi ex omni natione, verum est, idque insigniter in ultima Cardinalium promotione ab Innocentio observatum, in qua non Galliæ, non Hispaniæ, non Germaniæ, non Italiæ purpura defuit: cæterùm debere ex quavis natione pares numero esse, tam absurdum est, ut nihil magis; quid enim ineligendo Pontifice magis schisma pareret, quàm si singulis nationum par numerus votorum esset? singulæ videlicet Pontificem ex suis vellent, Galli Gallum, Hispani Hispanum, nullo certandi fine. Idque palàm apparuit in

magno schismate Occidentis, cui initium dedit electio Urbani VI. cum enim Itali Italum vellent, Galli Gallicum, & inter Gallos Lemovicenses Lemovicensem; tandem ingens illud schisma conflatum, quo nullum nec longius, nec funestius Ecclesiæ. Idem ergo accideret, si quælibet natio pluribus Purpuratis abundaret, & nulla aliam numero vinceret. Sed cur Italica vincit? inanis quæstio. Idem enim de Gallica, Germanica, Hispanica aliisque quæri posset, si quæ superaret. Deinde cum Christus Cathedram in Italia fixerit, credi debet hanc nationem, sive Pontificem spectes, sive Cardinales (ex quibus Pontifex eligitur) prætulisse. Id quoque ostendit usus Ecclesiæ etiam Primitivæ, in qua plerique ex Italia Pontifices. Sed ut dixi, hæc extra chorum; nec ego memorâssem, nisi cogerent Galli intempestivâ quæstione.

## IX. Quartò

IX. Quartò opponit : (a) Merita Gallia Regum in Ecclesiam Romanam ; quæ majorem Principatûs sui temporalis partem à Regibus Gallia acceperit : nec securior portus Navicula Petri, quoties tempestate jactaretur, quàm in Gallia sinu : non ergo Lavardinus Regis Legatus tam malè accipi debuit, hoc præsertim tempore, quo Gallia ab Hæresibus purgata, Romana Ecclesia restituta est.

Æ. Nulla Gallis frequentior cantilena, quàm ut beneficia sua repetant, moneântque Pontificem gratitudinis, perinde ac si cum immemore Beneficiorum, aut non curante loquerentur. Mâxima esse, quæ Gallia Reges in Pontifices contulerunt, nemo negaverit, nec alius magis agnovit, palâmque professus est, ut ipse Pontifex Romanus. Sed hæc ipsa præteritorum memoria spem omnibus facit, hodiernum Gallia Regem nihil Majoribus suis cessurum, nec illis ut victorijs, ita Religione impari fore : nec enim ideò illi minores,  
quia

quia reverentiâ & obsequio in Vicarium Christi certârunt, imò illi magis floruère, qui magis Romam venerati sunt, ut exempla Clodovæi, Pipini, Caroli Magni, ac Ludovici ostendunt, DEO velut pro Vicario suo debitore, ac ingentibus præmijs, quidquid illi præstaretur, compensante. Ergo ut dixi, quæ à Galliae Regibus olim in Ecclesiam Romanam collata sunt, exempla esse debent moderno Regi, quæ imitetur, non quæ subvertat: alioquin quàm non indigna tantùm, verùm etiam quàm inepta erit hæc consequentia: *Reges Gallia olim Romam Pontificibus donârunt, ergo hodie eam Pontifici rapere possunt; olim Pontifices protexere, ergo hodie persequi debent.* Et tamen, quis crederet? sic Galli hodie argumentantur. Cæterùm ipsi quòque Pontifices nec tam ingrati, aut immeriti sunt, quàm Galli supponunt. Patiantur ea tantùm leviter tangi, quæ in Galliam collata sunt, videbuntque utrinque beneficijs certatum



tatum esse, nec adhuc constare, Roma an Gallia superaverit.

Et primò certum est, veram Catholicamque Religionem Galliæ illatam esse operâ ac curâ primi post Christum Romani Pontificis, Petri videlicet, ut enim taceam, quæ de sanctis Martiali & Dionysio Areopagita Galli ipsi, qui etiam maximè Critici, fatentur: Zosimus ad Galliæ Episcopos ita scribit: (a) *Ad urbem Arelatensem primum ex hac sede Trophimum summus Antistes, ex cujus fonte tota Galliæ fidei rivulos acceperunt, directus est.* Idem habet Ado (b) Viennensis. Ipsi Episcopi Provinciæ Viennensis epistolâ ad Leonem I. *Omnibus Gallicanis Ecclesijs notum est, quod prima inter Gallias Arelatensis Civitas missum à Beatissimo Petro Apostolo sanctum Trophimum habere meruit Sacerdotem, exinde alijs paulatim Regionibus Gal-*  
*liarum*

(a) Zosimus ep. 5. ad Galliæ Episc. (b) Ado Viennens. in Mart. 4. Cal. Januar. V. Quenellium tom. 2. Opera S. Leon. & P. Alex. natal. ad sæcul. 1. Anno 450.

*liarum bonum fidei & Religionis infusum. In Concilio quôq; Parisiensi sub Ludovico Pio Episcopi Galliae ad Eugenium II. Pont. Max. ita scribunt: (a) Nec vobis tadium fiat, si se paulò longius sermo protraxerit, dummodo linea veritatis, quae ab antiquis Patribus nostris usque ad nos inflexibiliter ducta est, B. Dionysio sc: qui à S. Clemente in Gallias cum duodenario nostro primus Praedicator directus, &c. Gallia ergo Religionem suam Romæ debet, & quod possit beneficium cum isto comparari? considerent, quantum Gallia fidelis ab infideli distet, nec solum Religione, sed etiam potentiâ, fælicitate, virtute bellicâ, artibus, scientiisq; litterarum præcellat, & fonti benedicant, à quo hæc omnia fluxêre. Gregorius II. Carolo Martello Consulatum Romanum defert, ut habetur in Historia Gregorij (b) Turonensis. Stephanus Papa Pipino Patritiatum Romanum, primam videlicet post Imperatoriam dignita-*

(a) Anno 824. V. Baron. tom. 9. (b) Append. ad Histor. Gregor. Turon. c. 110.

dignitatem, & quàm Carolus non priùs depofuit, quàm imperio potiretur, ut etiam Marca (a) fatetur.

*Zacharias Pontifex* eundem Pipinum Regno Francico præponi curat exauſtoratâ Merovingicâ ſtirpe, quo nulum beneficium Gallia majus accepit; ab hoc enim prima exordia proceſſerunt ingentis illius potentiæ, & alioquin peſſumibat civilibus bellis, ignaviâque Regum conſumpta.

Idem *Zacharias* Pipino facultatem tribuit nominandi Episcopos ſui Regni, ut ſcribit *Lupus* (b) *Ferrariensis*.

*Leo III.* Româ in Gallias & in caſtra proficiſcitur, ut *Ludovicum*, fratresque in acie congreſſuros componat.

Idem *Gregorius* cùm in pleno Gallorum Antiftitum Concilio *Ludovico* imperium ademptum eſſet, Decretum reſcindit, & *Ludovico* imperium confirmat, teſte *Paulo Æmilio*. *Joannes VIII.* *Ludovicum II.* auctoritate ſuâ  
contra

(a) Marca l. i. de concord. c. 12. n. 4. (b) *Lupus Ferrar. epist. 71.*

contra Aldagisum tuetur, eumque à persequendo Imperatore (quem carceri incluserat) absterret, in fugam vertit, ac tandem pacem inter utrumque conciliat. *Stephanus IX.* Francorum Proceribus contra Ludovicum Regem defectionem molientibus sub pœna excommunicationis præcipit, ut novis abstant, illique continuo pareant, teste Flodoardo. *Urbanus IV.* Regnum Siciliae, quod ad sacram sedem devolutum fuerat, Carolo Andegavensi fratri S. Ludovici defert, ac Regem Angliæ efficacissimè urget, ut adornatâ classe liberando Galliae Regi à Barbaris capto se accingat. *Clemens IV.* Carolum Andegavensem in possessionem utriusque Siciliae (quæ Regnum Neapolitanum complectebatur) inducit, quâ Galli septendecim circiter annis gavisi sunt, nec Siciliae Insulis excidissent, nisi Caroli socordiâ.

*Gregorius X.* Philippo Regi sexennales Cleri Gallicani decimas concedit bello contra Barbaros proseguendo.

*Martinus*

**Martinus IV.** Panormitanos ab cæfos immani conjuratione Gallos anathemate percellit, mittitque Cardinalem Sabinensem ad revocandam in Galli obsequium Siciliam. Idem Martinus Principatum Cataloniæ, Arragoniæ, & Valentini Regna Petro Arragoniæ Regi adempta, in unum è Philippi III. Galliæ Regis filijs, Carolum videlicet Valesium transfert, ei que triennales Cleri decimas concedit, habitoque celeberrimo omnium Ordinum Conventu Parisijs, è Pontificis manu Regna confecti acceptata. **Bonifacius VIII.** Carolum Valesium Philippi Pulchri fratrem Anagnini cum Coniuge magno apparatu excipit, universæ Ditionis Ecclesiasticæ Præfectum, Imperiique (quod vacabat) Vicarium constituit, ac utrique Imperio Orientis & Occidentis præficiendum destinat, de quo vide Spondanum *ad annum 1301. n. 2.*

Idem Bonifacius Adolphum Imperatorem Principibus Germaniæ in  
eum

eum concitatis moratur, ne cum Angliæ Rege Gallorum hoste arma in Belgio jungat, quod planè Francico imperio fatale futurum erat.

S. Ludovicum Catalogo Divorum adscribit. Scio equidem quæ postea inter Bonifacium & Philippum Regem contigerant, oblivione magis quàm memoriâ digna. Sed nec illud me latet, tres illius filios paulò post imaturo funere sublato: *In pœnam*, ( uti scribit (a) S. Antoninus ) *injuriæ & sacrilegij, quod eorum Pater in Bonifacium commiserat.*

*Benedictus XI.* Regnum Galliæ interdicto liberat, Regem Philippum supplicantem absolvit, omnia privilegia confirmat, Academias Galliæ juribus suis restituit, reservationes vacantium Ecclesiarum revocat, contributiones Decimarum, Bonorum Ecclesiasticorum, ubi Laicorum facultates non sufficiunt, Regi Philippo relinquit, & in ejus gratiam Columnenses veniâ donat, totâmq; familiam

(a) Antonin. 3. p. tit. 21. c. 3.

familiam in integrum restituit, Petro Cardinali excepto, cui Clemens V. Purpuram à Bonifacio VIII. ademptam restituit, de quibus vide Spondanum ad annum 1303. n. 20. Clemens V. inquit Spondanus, *in gratiam Philippi Regis Pontificiam sedem in Gallias transfert perculso ad facinus Christiano Orbe, mansitq; illic amplius septuaginta annos.* Nolo hic commemorare septuaginta annorum decursu, quibus Pontifices in Gallia hæserunt, quæ & quanta in Galliæ Reges contulerint. Pius IV. in celebri de præcedentia certamine pro Gallia pronuntiat, nullo metu Potentiæ Hispanicæ (quæ regnante Philippo II. multò Gallicam superabat) nullâque minarum curâ, quas Philippus ingesserat, jussu Oratore suo Româ abscedere. Pius V. Carolo IX. Galliæ Regi contra Hugonottos rebelles quatuor mille & quadringentos pedites, ac equites nongentos throno simul & religioni servandæ in subsidium mittit. Clemens VIII. obniente

tentelicèt Hispanicâ factione ac infinita opponente (minabantur enim pro uno Galliae Regno alia multa à Pontifice defectura) Henricum IV. ab Hæresi absolvit, quo factò causæ omnium Civilium bellorum in Gallia conciderunt, firmatúmque Regnum familiæ Borbonicæ hodie regnanti: dici non potest, quanta morando, terrendóque Pontifici producta fuerint; sed vicit amor Galliae felicissimo eventu. Idem Clemens superatis imēnsis difficultatibus Matrimonium Henrici IV. cum Margaretha Vallesia (quam ante annos septem & viginti ex Pontificia dispensatione duxerat) nullum esse declaravit, permisitque nuptias cum Maria Medicea, ex qua Ludovicum XIII. & ex hoc Ludovicum XIV. hodie regnantem habemus; alioquin exaruerat familia Regia sterili Margarithæ Conjugio, ac Gallica corona in Condeum Principem conciderat adolescentulum, ac in hæreticorum sinu educatum



educatum, & quem tamen Clemens Religioni Catholicæ reftituit; nam inter conditiones datæ à Clemente abfolutionis hæc inter præcipuas fuit, ut videlicet Henricus Condeum Principem Calviniftarum manibus eriperet, eumque Catholicis doctrinis imbuendum curaret. Clementi ergo Pontifici Gallia & Regnum, & Reges, & Religionem debet. Taceo alia quàm plurima, ac præfertim innumeras Romanorum Pontificum Legationes pro pace Gallico imperio reddenda, præcipuè cùm Angli perpetui ac fatales hoftes Galliæ immi-nerent. Taceo infinitam privilegio-rum molem, quibus nulla æquè na-tio, ut Gallicana à Summis Pontifici-bus exornata eft. Nam ut obfervat Marca Archiepifcopus in libello Bar-cinonæ edito anno 1646. *Quidquid contra canonum decretalium mentem in Gal-lia circa res Ecclefiafticas agitur, id fit ex pri-vilegijs Apostolicis, non autem mero jure Regio.* Id folùm obfervo, in Historia Fran-

E

cica

cica ter reperiri, Regnum Galliae auctoritate, ac operâ summorum Pontificum servatum esse. *Primò* quando ignaviâ Merovingorum, bellisque Civilibus ferè deletum, auctoritate Stephani & Zachariae Pontificum in Carolinam stirpem translatum est: *Hildericus Rex*, inquit *Eginhardus Carolus M. à secretis, jussu Stephani Romani Pontificis depositus, ac detonsus, atque in Monasterium trusus est*: Et infra: *Pipinus autem per auctoritatem Summi Pontificis ex Praefecto Palatii Rex constitutus. Secundo*, quando teste *Ludovico Pio Caroli M. filio, Francorum Proceres auctoritate B. Petri sibi à Domino JESU Christo traditâ obligavit, & obtestatus est, ut nunquam de altera stirpe Regem supra se praesumant aliquo modo constituere, quos & Divina Providentia ad Apostolicam Sedem tuendam eligere dignata est. Hæc sunt verba ipsius Ludovici in epistola ad Hilduinum: quibus adjungit Gaguinus: (a) Stephanus autem Pipino benedixit, & ejus posteritati, atque qui temeritate*

(a) Gaguin. Histor. Franc. l. 3. f. 45.

*ritate aliquâ adversus Francos bella moverent, Communionem Christianâ interdixit. Tertio, quando Clemens VIII. Galliam bellis Civilibus ( quæ hæresis & ambitio excitaverant, externis armis Germanorum, Anglorum, Hispanorum, Italarumque Regno illatis ) propè confectam, quæque triginta & sex annorum decursu, ab obitu videlicet Henrici II. usque ad absolutum Henricum IV. producta, Galliæ extrema minabantur, nec finem spondebant; tandem paci, pristinaeque dignitati restituit, Henrico Censuris absoluto, ac sterili Matrimonio post viginti & septem annos liberato. Cum ergo Gallia & Religionem, & toties Regnum Vaticano debeat, persuaderi se utique Lavardinus patieretur, Beneficia, quæ Romanis Pontificibus ex Gallia provenisse dicit, non fuisse in immeritos collocata, multò minùs ingratos; neque ego hoc dicerem, nisi necessitas cogeret objectam ingratitude diluendi.*

Sed sint beneficia à Gallis accepta adhuc insoluta, siut Pontifices immeriti ( quanquam quid Pontifices dico, cùm non istis sed Christo sint data, & ab hoc immensis præmijs & victorijs compensata?) num ided debuit Innocentius concedere, quæ non licuit Ludovico postulare? petitur patrimonium Christi, petitur hæreditas Petri, petitur in urbe sancta ingens sceleribus omnibus spatium, in quo velut in libero, exemptoque imperio & impunita, & secura sint, imò & florentia, magisque patrocínio Christianissimi Regis, quàm in ipsis Templis Majestate præsentis DEI defensa, perinde ac si Romæ Ecclesiæ desint recipiendis, & ad pœnitentiam revocandis reis. Petitur denique, quod omnibus Regibus ac Principibus negatum, non potest jam Galliæ concedi, nisi omnibus illis acerbè offensis, ac dimissa repetituris, infinito Apostolicæ Sedis dedecore, parique damno, quippe totâ ferè Româ in Asylum imò

imò in Babylonem conversâ. Infelicem Innocentium , qui aut cum Christo, aut cum Gallo pacem habere non potest: nam aut hunc offendit, si neget; aut illum, si concedat: nemini plura & majora , quàm ipsi Deo debemus , & tamen is non permittit *fieri mala, ut eveniant bona*; quantò ergo minus potest Innocentius malum facere, ut bona remuneretur à Gallis accepta? quantum verò malum sit grande illud , vastumque Asylum, quod non Regis ipsius commodo, sed sceleratis, parricidis, Latronibus, & adulteris petitur, non est Regis judicare sed Pontificis; nec enim de Parisiensi, sed de Romana urbe agitur Pontifici subdita. Quòd si nunquam Rex pateretur litem sibi moveri de ijs, quæ ipse Parisijs judicat, quæ ratio permittit, ut litem Pontifici moveat de ijs , quæ Romæ disposuit? quamquam ne opus quidem est in hac causa Pontificis judicio aliquid deferre, quando totius Europæ judicium habemus,

E 3

bemus; nam præter Gallorum aliquos metu aut gratiâ aulæ obstrictos nemo mortalium est, qui non credat æquissimam esse Pontificis causam; & idè Reges ac Principes omnes promptissimè Asylo cessere; nec verò cessissent, nisi crederent justa postulari, & tamen eodem jure, iisdemque rationibus, quibus Galliæ Rex, retinere illud poterant. Si Innocentius solum Galliæ Legatum Asyli jure privasset, poterat id injuriæ, odióque nationis adscribi, ac meritò iram Regiam provocare; nunc verò omnibus Regibus, omnibus Principibus eadem Lex dicta, omnesque justam censuere: quæ rogo ratio est, ut solis Gallis displiceat, quod omnibus placuit? & quod alijs omnibus necessitas visa est, illi soli injuriam credant? ac præsertim à Pontifice tam sancto, tam humanis affectibus vacuo, tam studio Gallicæ Nationis, & in quo ne Calvinistæ quidem, jurati alioquin Pontifici hostes aliquid invenire

venère non amore, ac veneratione dignum. Sed hoc est unicum Innocentij delictum, quod omnium Sanctorum Antistitum fuit, non posse videlicet adulari cupiditatibus Regnantium; & tamen non is Medicus ægrotum diligit, qui plagam celat, aut gossipio involvit, ne appareat; sed qui ferro etiam ignique medetur, curâ dolorem compensante. Quamquam nec ferrum Innocentius, nec ignem admovit, sed quidquid reverentiæ & amoris in Principem ac filium licuit; monuit, rogavit, scripsit, instititque: nunc per Varesium, nunc per Abbatem Laurum, nunc per Ranuccium Legatum suum, ac postea Cardinalem preces porrectæ, utque hæ magis proficerent, præmissa omnium Regum, Principumque exempla Asylo cedentium; quid potuit plus facere Innocentius? ut sileret? ut Galliæ postulata admitteret? ut tam necessarium sanctumq; propositum metu defereret? hoc non potuit.

Pavere ac fugere non est Pastoris, sed Mercenarij, quis ergo aliquid audeat pro veritate, si Pontifices timeant? & quid faciunt Romæ tot Martyrum cadavera, tot trophæa & vestigia sanguine certantium tincta, si ne quidem liceat summo Sacerdotum liberam vocem pro justitia proferre? nunquam metus Martyrem fecit. Et quid tandem non Principes petant, non Pontifices tribuant, si toties cedant, quoties rogantur? non est hoc esse Petram, sed paleam: néque hoc voluit Christus, cum jussit Petrum esse fundamentum Ecclesiæ. Si Innocentius Pontifex ea tantum spectaret, quæ Galliæ Regem circumstant, forisquæ exornant, Potentiam videlicet, opes, exercitus, classes, & quidquid denique speciem illam Majestatis effingit, quam homines adorant; facile persuaderi debuit, ut & hoc concederet, & quidquid aliàs Regi placeret: quid enim tandem intererat Pontificis jam provectâ ætate, & in occasum pronâ,



pronâ, ut pacem pro bello non mallet? fed æftimanti totam illam magnificentiam, quæ foris splendet, mortalem & caducam effe, nec aliud poft breviffimas annorum periodos (quamvis ego longiffimas cupiam) de Magno illo Ludovico superfuturum, quàm frigidum cinerem, animâque immortalem, & hanc non regio apparatu, non exercitibus, fed bonis tantùm, malîſve operibus ſeptam, tantòque periculo viciniorem, quantò gravioribus rationibus obnoxiam: hæc, inquam, cogitanti Innocentio meritò perfuaderi non potuit, ut ea Regi permetteret, quæ utriûſque conſcientiam onerarent; nec utique dolere Regi debuit, ſi inter tam multos, qui illius animam in mortis æternæ discrimen adducunt, unus ſaltem Romæ eſſet, qui illam totis viribus curaret, retinerétque præcipitio vicinam; enimverò cùm mundanarum rerum ſtrepitus ceſſaverint, qui modo Regium animum

E 5 occupant,

occupant, cùmque in Comitijis totius generis humani Divino Tribunali assistemus, cessabuntque dulces illæ, sed fallaces adulantium cantilenæ, tunc, inquam, agnoscet Ludovicus Rex, fideliora fuerint Innocentij consilia, nunc quidem ingrata suadentis, sed tamen salubria ac necessaria; an illorum qui prætextu proferendæ Regiæ auctoritatis sibi gratiam & præmia quærunt, Regi verò ingens animæ periculum, seramque factorum pœnitentiam.

*At non debuit tanti Regis Legatus accessu ad Pontificem prohiberi, quando Rex proferenda Religioni Catholica tanto conatu successuque laborat.*

Respondeo multò minus debuisse Romanum Pontificem, quo tempore tot curis, tot victorijs, tot Legationibus tantæque auri profusione evertendo Turcico Imperio, ac Religioni Christianæ per totum Orientem amplificandæ laborat, domi forisque à Gallis turbari. Comparentur, quæ  
Ludovi-

Ludovicus contra hæreticos in Gallia, quæque Innocentius in Austria, Hungaria, Græcia, & Peloponneſo fecit, quæque deinceps, niſi Galli prohibeant, in Europa, Aſiâque facturus eſt, videbunt ac fateri cogentur, nihil Innocentium Ludovico ceſſiſſe, & quod iſte contra Calviniſtas editis, illum conſilijs, armis, auro, precibusque apud Deum contra Turcas præſtitiffe, hoc ſolùm discrimine, quòd Ludovicus unam, inermemque Provinciâ, nec auſam reſiſtere, Innocentius tam multas, armatasque Religioni ſubjecit: non ergo decuit tam glorioſum Pontificem, tamque de Re Chriſtiana præclare meritum eo ipſo tempore à Chriſtianiffimo Rege, Filiòque Eccleſiæ primogenito, quo evertendæ Ottomannicæ impietati tam anxie ac feliciter laborabat, tam acerba & hoſtilia pati.

*At Legatum non admiffit.*

At Vos coegiftis, ne poſſet admittere. Cur enim Gallicum Legatum

alijs conditionibus , quàm aliorum Principum admitteret ? nemo istorum aliter acceptus est, quàm ut Asylo cederet, & tamen nemo istorum de injuria conqueritur, imò nec queri potest, cùm non de Regum, sed Latronum beneficio, commodòque agatur. Quì igitur injuria dici potest, quam nullus Regum pro injuria, pro dedecore habuit ? Date locum justitiæ, permittite flagitia puniri, subducite sceleribus patrociniū, eo jure Legati vestri potiantur, quo omnium Regum Legati; liceat domi suæ Pontifici, quod omnibus Regibus, omnibus Principibus licet, & quid dico omnibus Principibus ? imò quod omni Prætori, quòdque omni Patrifamilias, & sic tandem Romam intrate. Quòd sine hoc quidem conceditis; non deinceps culpam Pontifici adscribite, rejecti Legati, sed vobis tam honesta recusantibus. Quæ à Rege in expellendis Hæreticis peracta, magna utique & ingentia sunt,

sunt, ac spem omnem superantia, sed quanto pretio compensata? Revo-centur in memoriam infinita mala, quæ Calviniana hæresis Galliæ inve-xit, aded ut propè fuerit Monar-chiam in Rempublicam, Reges in Consules mutari; & fateri cogentur plus Regni interfuisse, quàm Religio-nis, has facès extingui, ne iterùm Galliam incenderent. Taceo infini-tos Thesauros ex proscriptorum bo-nis, neque hæc memoro, quasi eleva-re velim, quæ à Rege præclarè sunt gesta, sed solùm ut ostendam, præ-mio non caruisse. Deinde si bonum, quod ex purgata Gallia provenit, cum malis comparetur, quæ ex contemptu Pontificis, ejusque factis, scriptisque laceratâ auctoritate pro-veniunt, hæc multò majora; nam in totam Ecclesiam redundant, & com-muni defectioni viam aperiunt, erât-que minus malum, hæresin in una Gallia tolerari, quàm tam perniciosus exemplis, doctrinisque totam Euro-

pam inficere, ac periculo exponere amittendæ Religionis; hæc nunquam stetit dejecto Pontifice; atque ut nulla hæresis fuit non Romæ inimica, ita nisi hujus societate nunquam floruit vera & Catholica Religio; quæ igitur gratia, ramos coluisse percussâ radice?

X. Quintò: (a) *Ignorati*am fuisse, dicit, *Lavardino Pontificis Romani Bullam.*

R. Ego Marchioni Lavardino tanto videlicet viro, tantique Regis Ministro nihil non credam, si ita jusserit, fidemque exegerit. Cæterum negari non potest, difficile id creditu esse, ac persuaderi hominibus vix posse. Quomodo enim latere illum potuit, de quo totus Orbis, ac Gallia imprimis tanto tempore, tantoque strepitu loquebatur? De quo cum Ranuccio Cardinali, Legatoque Pontificis Lavardinus sermonem habuerat? cui tot Cardinales subscripserunt? Quam Romæ affixam, & in omnium manibus viderat? De qua

(a) Fol. 3.

loquen-

loquentem, ſcribentemque Cardina-  
lem Eſtreum audierat, viderátque; &  
denique cujuſeffectum jam ſenſerat,  
quando ſanctæ Luciae feſtum differri  
juſſit, ne ſi templum intraret, conti-  
nuò ſacra cum dedecore abrumpi vi-  
deret. Si hæc tam clara, tam nota &  
ubique locorum vulgata ignorari  
poterant, nescio quid non poſſit.

Sed quoniam Marchioni Lavar-  
dino placuit ignorantiam prætexere,  
credamus ignorâſſe; at non ided  
effectum excommunicationis morari  
potuit. Quis enim nescit, non tan-  
tùm toto humano & Divino jure, ſed  
etiam toto Orbe & omnibus Princi-  
pum Tribunalibus neminem excu-  
ſari *ignorantiâ juris* clari, vulgatiq;?  
Si Pariſijs duello aliquis conſigat,  
allegétque ignorantiam edicti Regij,  
quo duella prohibentur, num pœ-  
nam effugiet? Cùm ergo Bulla In-  
nocentij non in angulis, non in late-  
bris ſcripta, nec domi retenta, ſed  
totâ urbe pependerit, nec Tabellionis  
tantùm

tantum manu, sed ipsius Pontificis, ac triginta & supra Cardinalium calamo subscripta, ac septimo jam mense typis impressa, planè aut non potuit ignorari, aut non debuit, præsertim à Regio Ministro omnium arcuorum conscio, quantò magis omnium vulgatorum? Sed ignoraverit Lavardinus, ac etiam veniam ignorantiae demus; quæro an si ergo Bullam compertam haberes, morem illi gereret, aut non gereret? si non gereret, frustra ignorantia se purgat, quando etiam sciens, volensque paratus est obsequium negare: si morem gereret, ergo jam saltem obtemperet, quando inficiari non potest, sibi de voluntate edictoque Pontificis constare; nihil ergo excusando, liberandoque Lavardino proficere ignorantia potest tot nominibus invalida.

*At Bulla Innocentij in Gallijs promulgata non est.*

R. Nihil dici potest Gallis humanius, venustiusque, etiam cum lædunt,



dunt, quippe ofculum plagæ præmittunt. Romam Legatus ibit Pontifice invito : urbem armatus invehetur, bellanti fimilis ac velut cum hofte congressurus : magnam urbis partem armis implebit Dominantis more, & publicum Afylum contra Principis edictum flagitijs aperiet, non tantùm, ut tuta fint, verùm etiam, ut infultent prohibenti: Palatium, totàmque viciniam excubijs, vigilijs, circumtoribus occupabit, perinde ut fieri folet in arce armis expugnata, terrâque hoftili; & hæc omnia Principe coram, nec alijs armis, quàm precibus pugnante: Ecclefias quóque perumpet, facrisque cum faftu, contemptûque affifter nullâ Vicarij Chrifti, nullâ Cenfurarum reverentiâ. Hæc omnia faciet, & cùm caufam rogatus fuerit tanti contemptûs tantæque injuriæ, refpondebit: *Bullas Innocentijs in Gallijs non effe promulgatas.* Quid fi ergo effent promulgatæ, num ideò Lavardinus his omnibus abftineret? Cur ergo pro-

promulgatio prætexitur, cùm nihil  
 eam Galli morentur ? finge nullas  
 omninò Bullas esse, num ideò Lavar-  
 dino licebit jus Gentium violare,  
 alienum solum hostiliter ingredi, ar-  
 misque occupare ? & denique omni-  
 bus parricidis, adulteris, perduelli-  
 bus, sceleratisque non libertatem tan-  
 tùm, verùm etiam stimulos delin-  
 quendi addere impunitate propositâ ?  
 planè nullis Bullis opus est, nullâque  
 promulgatione, ut ista non liceant.  
 Sufficiant edicta naturæ, Legesque  
 Evangelij, ut Lavardinus intelligat:  
*Quod sibi quis non vult fieri, alteri ne faciat.*  
*Qui Pastorem Ecclesiæ audit, Deum audire,*  
*qui illum spernit, Deum spernere; & quacun-*  
*que Vicarius Christi ligat super terram, esse*  
*etiam ligata in Cælis.*

Hæc tam clara sunt, ut neminem  
 lateant, possintque à nullo negari;  
 nisi fortè quis dicat legem Evangelij,  
 legemque naturæ Parisijs promul-  
 gata non esse. Deinde quale illud est,  
 ut oporteat Bullas, quæ Romæ fieri  
 aliquid

aliquid prohibent, etiam Parifijs promulgari? Quoties Legati Pontificij, aliorumque Principum juffi funt regno excedere, aut armatis custodiri, aut aurum Galliae non efferre, aut peregrinas merces damno Regionum Vectigalium non venum proponere; num propterea aut Romae, aut in Hispania diploma, quo ista vetabantur, propositum est? & cum nuper Legati Moscovitici, qui magnam vim pellium Galliae intulerant, juffi sint, aut Mercatu aut Regno abstinere, num inquam, prius hoc edictum Moscoviae pependit? Cur ergo à Romano Pontifice petitur, quod à nullo Principum? nisi fortè quia Christi Vicarius est, peiori illum conditione damnamus. Cum ergo Lavardinus Romae esset, cum Romae deliquisset, debuit quoque suffecitque Romae puniri, & illic poenas dare, ubi pacem publicam, ubi jus Gentium, ubi Ecclesiam, Principemque offenderat. *Nec obstat, Legibus loci Legatum non teneri: Quia,*  
ut

ut Politici scribunt, *Principalem representat nemini subditum*; id enim verum sit de legibus pænisque temporalibus, non verò de pænis spiritualibus, in quibus ratio cessat, cùm nemo in rebus conscientiam spectantibus negare possit, se Pontifici subiectum esse. Nec poterat character, dignitasque Legati Lavardinum tueri, quem Pontifex nunquam pro Legato habuit, recepitve: cùm enim Legatus sit à Principe ad Principem, & mutuo pacto mittentis ac recipientis constituatur, non potuit, nisi utriusque Principis consensu Legatus dici, suntque infinita eum nostri, tum antiqui temporis exempla. Scio equidem multa esse, quæ Galli Bullis Pontificijs eludendis obijciant, sed nec illud me latet, à Galliæ Regibus regnantis Monarchæ Antecessoribus, & à Galliæ Prælatis summâ hætenus veneratione exceptas esse.

Carolus Magnus, quo nemo potentia, victorijs, fortuna major in  
 suis

*fuis Capitularibus: (a) In memoriam B. Petri Apostoli honoremus sanctam Romanam & Apostolicam Sedem, ut quæ nobis Sacerdotalis est Mater dignitatis, esse debeat Magistra Ecclesiastica rationis. Quare servanda est cum mansuetudine humilitas, & licet vix ferendum ab illa sancta sede imponatur jugum, feramus, & piâ devotione toleremus. Si verò quilibet aliquam perturbationem machinando & nostro ministerio insidiando redarguatur falsam ab Apostolica Sede detulisse epistolam, salvâ fide & integrâ humilitate penes Episcopum sit potestas, utrum eum in carcerem detrudat, usquequò per epistolam aut per idoneos Legatos Apostolicam interpellat sanctitatem, ut potissimum suâ sanctâ Legatione dignetur decernere, &c.*

*Ludovicus Caroli Magni filius jam moriturus ita filios Reges alloquitur: (b) Jubemus atque precipimus super omnia, ut definitionem Ecclesiæ S. Petri simul suscipiant, sicut quondam à proavo nostro Carolo*  
*&*

(a) Ivo Carnot. in Decr. p. 5. c. 50. & habetur in Concilio Tribur. c. 30. (b) Apud Pithæum & Spondan. ad ann. 838.

*& avo nostro Pipino, & Beata memoria Genitore nostro Carolo Imperatore, & à nobis postea suscepta est, ut etiam cum DEI adjutorio ab hostibus defendere nitantur & justitiam suam, quantum ad eos pertinet, ac ratio postulaverit, habere faciant, &c. Quæ autem major, magisque necessaria Justitia, quàm ut Pontifici de rebus sacris imperanti, suamque Jurisdictionem vi occupatam tuenti fideles obtemperent?*

*Sanctus quoque Ludovicus inter alia monita, quæ Philippo filio moriturus reliquit: Sis devotus & obediens Matri nostræ Romanæ Ecclesiæ, & Summo Pontifici tamquàm Patri spirituali.*

*Ipsi Galliæ Episcopi, quando consecrantur, hoc se juramento obstringunt: Decreta, Ordinationes, sententias & mandata Apostolica totis viribus observabo, & faciam ab alijs humiliter observari..... mandata Apostolica humiliter recipiam, & quàm diligentissimè obsequar.*

*S. Bernardus præclarissimum Ecclesiæ Gallicanæ lumen aliquorum obje-*

objectionem præveniens : (a) *Sed dicit aliquis debitam Pontifici reverentiam exhibeto & nihil amplius ; esto , fac quod dicis : quòd si exhibeas debitam & plenam , Plenitudo siquidem potestatis super Universas Orbis Ecclesias singulari prerogativa Apostolicæ Sedis donata est , qui igitur huic potestati resistit , Dei ordinationi resistit.* Hæc quondam Regum Prælatorumque Galliæ sententia fuit , possétque infinitis exemplis confirmari , si vellem toties jam dicta & libris vulgata repetere. A quibus quantum distet Lavardini exceptio promulgationem causantis , nemo non videt. Prohibent Romana Diplomata Galliæ inferri , prohibent recipi ; & postea causantur , non esse recepta , non esse vulgata , non esse nota , hoc nimirum Carolus Magnus voluit , hoc Ludovici , hoc Bernardus , hoc ipsi Episcopi jurârunt , cùm Sacramento polliciti sunt : *Totis viribus Apostolica mandata recipere , & quàm diligentissimè exequi.* Quamquam frustra consumor

(a) S. Bernardus ep. 131.

consumor rebus probandis tam claris, tamque indubitatis, quæque jam dudum ipsi Lavardino perspecta sunt viro tantâ rerum experientiâ claro: sed maluit aliquid dicere, quodcunque illud esset, quàm seipsum silentio damnare more Athletarum etiam in casu luctantium; idque præclare quidem, si lusus, non res seria ageretur; aut lucta cum alio adversario, quàm cum veritate & iustitia esset.

XI. *Sextò*, addit Anonymus: (a) *Lavardinum sine forma, sine causa, sine ratione, non auditum, non defensum, Romæ pro Excommunicato declaratum esse.*

R<sup>2</sup>. Gallis nihil videtur, quidquid Lavardinus Romæ deliquit; at aliud non tantùm Pontificis Romani, sed etiam totius Europæ iudicium est. Si ergo causa quæritur, ob quam excommunicari meruit, dico non unam, sed plures imò gravissimas fuisse; videlicet quòd contra Pontificis Bullam sub pœna excommunicationis<sup>o</sup> latae



latae ſententiæ, ipſoque facto incur-  
rendæ, jus Aſyli, & Quarteriorum,  
ut vocant, uſurpaverit; quòd non  
minimam urbis Romanæ partem ar-  
mis occupaverit, armisſque retinuerit:  
quòd contra omne jus Gentium non  
Legati, ſed hoſtis & bellatoris more  
urbem inveſtus ſit, Principe coràm,  
ac magno publicæ quietis periculo:  
quòd Palatio & vicinæ regioni excu-  
bias, circitores, armatoſque cum tes-  
ſera militari circumfuderit, id quod  
nullibi terrarum, & à nullo Legato-  
rum hætenùs factum, ſolique Prin-  
pi licet: quòd Julij III. Pij IV. Gre-  
gorij XIII. aliorúmque Pontificum  
Bullis crimine læſæ Majeſtatis ſe  
obſtrinxerit: quòd publicanos &  
Principis Veſtigalia non paucis milli-  
bus fraudaverit, ſolvique prohibuerit.  
Præſertim verò quòd ingenti urbis  
offenſione ac Religionis contemptu  
ſacra profanaverit, idque tanto fa-  
ſtu, tantæque oſtentatione ac deriſu  
ſupremæ in rebus Eccleſiaſticis Pon-  
F tificum

tificum auctoritatis, ut post Attilæ & Alarici ætatem, aut saltem post irruptionem Borbonij nihil simile Romæ conspexerit, fueritque periculum tam perverso exemplo totam urbem, Italiámque corrumpi. Hoc nulla ætas Lavardino ignoscet; quidquid enim litis cum Pontifice fuerit, non ideò Religio in discrimen vocari, ludibrióque infidelium exponi debuit. Hæc ergo tam multa & magna, cùm Lavardinus deliquerit, innocenti tamen, & admiranti similis quærit: *Quam ob causam Pontificis indignationem meruerit?* Planè si non dico omnia, sed vel minimum eorum, quæ Romæ peracta sunt, Parisijs ab aliquo Legatorum contigissent, num illum vel momento Rex ferret? Enimverò nunquam Lavardinus præpotentium reorum more causam & delictum fatebitur; sed hoc nihil morari Pontificem debuit: justa enim, an injusta sit causa, ob quam anathemate punitus est, non Lavardini, sed Orbis terrarum,

terrarum, aliorumque Regnantium exemplo (qui Aſylo ceſſere) ac præſertim Pontificis judicio decidendum fuit, qui more aliorum Principum, rerum, urbiùmque ſuarum ſolus Judex & moderator eſt; tam enim Pontifex Dominus Romæ eſt, quàm Rex Pariſijs. Si ergo nullius Principis Legatum eâ ratione Pariſijs Rex pateretur, quâ Lavardinus uti voluit Romæ, nec ſuarum Legum cauſas ab alijs, quàm à ſe uno examinari ferret, quid tandem deliquit Innocentius, quidve commiſit injuſti, ſi id Romæ fecit, quod Rex Pariſijs feciſſet?

*At excommunicare non debuit.*

At multò minus debuit Lavardinus excommunicationem provocare, imò extorquere. Repetantur enim memoriâ, quæ Romæ peracta ſunt, & nemo inficias iverit, ex induſtria & velut ſtudioſè à Gallis curatum eſſe, ut invito ac tergiverſante Pontifice cenſuras exprimerent. Quæ

enim necessitas fuerat, cùm constaret de Pontificis voluntate, aliorumque Regum exemplo Asylo abstinentium, Legatum mittendi (nam Gallicis negotijs Estreus Cardinalis sufficere poterat, imò abundare) urbemque armis non militariter tantum, sed hostiliter etiam implendi? nam quòd nec pugnae, nec caedes contigerint, non humanitas invadentium, sed modestia Pontificis fuit arma prohibentis.

Rursus quid oportebat Lavardinum nocte Nativitati Salvatoris sacrâ tanta cum pompa, cultuque ac apparatu insultantis in Ecclesia comparere, sacrisque palam defungi, quæ non ignorabat sibi à Pontifice interdicta? Si tanta, ut inquirunt, pacis cupido, cur non expectatum? cur Legatio non aliquandiu dilata, dum mitescerent animi, dumque tempus remedia suggereret, aut saltem dum finis Turcico bello imponeretur, quod planè Galli praevidebant. in-  
genti

genti cum damno Religionis Chriftianæ abruptum iri, fi pergerent Pontificem, Italiámque turbare. Unde multorum fententia fuit, ftudiofè à Gallis hanc occafionem captatam effe, ut bello Italiæ illato, aut faltem belli periculo, Italiæ Germaniæque Principes, ac ipfum Imperatorem à Turcis averterent, cogeréntque finem victorijs ponere, ac Imperio Ottomannico jam cadenti requiem, pacémque concederent, idque non tam Barbari amore ( quod nefas de Chriftianiffimo Rege cogitare ) quàm metu Auftriacæ Potentiæ tot victorijs, tot Provincijs auétæ. Sed abfit à me credi tam aliena à pietate & magnitudine Ludovici Regis, cui nulla major cura, quàm Religionis, quíque alienis damnis non eget, ut crefcat, viribus ac potentiâ fuâ tutus. Illud verum eft, & negari non poteft, multò gloriofius, utiliúfque Regiam indignationem in Barbaros Turcáſque, quàm in Pontificem converfum iri,

cùm causæ & injuriæ non desint longè atrociores. Nota sunt, quæ Gallico Oratori Constantinopoli evenère, quando tam indignè à Turcici Imperij Ministris habitus est, ejectusque aulâ, mancipij more, & tamen quàm clementer à Gallis dissimulatum? Idem ergo sperari pro Pontifice poterat, præsertim cùm nihil tale Lavardino contigerit, & saltem Innocentij ætas, merita, sanctitas, curæque delendis Ottomannis tam feliciter impensæ veniam, aut saltem moras aliquas mererentur. Petimus pro Innocentio, quod Turcis spontè concessum.

Quod verò dicitur: *Pro re merè temporali, qualis est immunitas à Gallis prætensa, non debuisse Lavardinum excommunicari.* Facile ignosci potest Advocato Lavardini, quippe sacrorum Canonum, Ecclesiasticæ disciplinæ, & idiomatis, quo sancti Patres ab initio florentis Ecclesiæ semper usi sunt, ignaro; isti enim semel Ecclesiæ, Deoque donata

donata non pro rebus merè temporalibus, fed pro rebus facris, ac Chrifti patrimonio habuère, & ideò iftorum ufurpatio etiam in ipfa Gallicana Ecclefia pro facrilegio femper habita eft, abftineóque exemplis, utpotè in re clara, ac in omnibus sæculis nota. Planè hanc Theologiam ignorârunt antiquæ Ecclefia Patres, quando in caufis etiam temporalibus non Reges tantùm, fed Orbis totius Imperatores anathemate perstrinxerunt. Sic Ambrofius Theodofium ob cladem Theffalonicenfem. Sic Stephanus VI. Carolum Magnum, fi nuptias cum Longobarda junxiffet Defiderij filia. Sic Bafileenfe, & Constantienfe Concilia toties à Gallis laudata, & Gallicis Præfulibus plena in caufis merè temporalibus Principes excommunicant, ut videre eft feffionibus 20. 31. 37. & ultimâ. Atque ne Gallijs, & argumento, de quo agitur, exeamus, placeat ea tantùm audire, quæ Pariſienſis & Turonenſis Conciliorum

Patres in hac causa decreverunt. (a) *Placet, inquiunt Parisienses, ac omnibus convenit, ut quicumque res Ecclesie injustè possidens præsumpserit retinere, ab omnibus Ecclesijs segregatus, à sancta Communione habeatur extraneus, nèque aliud mereatur remedium, nisi culpam propriam rerum emendatione purgaverit. Indignè enim ad altare Domini properare permittitur, qui res Ecclesiasticas<sup>d</sup> audet rapere, & injustè possidere. Et infra: Perpetuo anathemate feriat, qui res Ecclesie confiscare, aut conterere, aut pervadere præsumpserit. Nota sanctissimos, præcipuâque doctrinâ huic Concilio interfuisse, quorum Princeps S. Germanus Episcopus Parisiensis. Patres Concilij Turonensis II. (b) **I**nviolabiliter servandum censemus, ut quicumque tam Ecclesie, quàm Episcopi res proprias pervadere, competere, vel confiscare præsumpserit, & pertinaciter in pervasione persisterit, ut verè sit super eum maledictio, quæ super Judam venerit, ut non solum excommunicatus, sed etiam*

(a) Concil. Paris. I. cap. 1. & c. 2. Anno 559.  
 (b) Concil. Turon. c. 24. Anno 570.



*etiam anathema moriatur, & cœleſti gladio fodiatur.* En ſententiam Gallicanæ Eccleſiæ, tunc videlicet temporis, cùm doctrinâ & ſanctitate florebat, ac cùm omni adulatione ac ambitu procul, veritati, non gratiæ ſcribebat. Scio omiſſis infinitis alijs hæc duo teſtimonia ſufficere, ſi tam facilè Gallia perſuaderi poſſet, quàm facilè convinci; ſed illud moleſtum eſt, quòd ratione ſuperati ad potentiam, viréſque appellant: nec iſtis opponi aliud poteſt, quàm Divina proteſtio, omni tandem humanâ ſuperior; hîc Innocentius acquieſcit, paratus experiri, quidquid aut Gallo, aut Deo placuerit; nec enim Innocentij cauſa, ſed Dei agitur; vincet aut cadet, ut cùnque Cœlo videbitur.

*At citari, moneri, audiriſque priùs debuit.*

Non ignorat Roma, quid in hujusmodi cauſis fieri, omittiſve oporteat; planè infelix ſit & rudis, ſi Eccleſiaſticos ritus, formáſque Cenſurarum diſcere à Regibus, militibus

& Advocatis debeat. Neminem prius fidelium communione arcendum esse, quàm monitus, auditusque sit, res est certa, ac millies in sacris Canonibus repetita, ac præsertim in Parisiensi ac Turonensi synodis, quas paulò antè citavimus. Sed æquè certum est, quoties Censuræ non ab homine, sed à jure & Lege feruntur, nullâ aliâ monitione opus esse, cum satis ac semper ipsa lex moneat; in notorijs quóque, & quæ nullâ tergiversatione cessari, negarive possint, non oportet, ut monitio aut citatio declarationem præcedat. Præsertim cum Excommunicatio non est comminatoria, sed latæ sententiæ; & non in genere tantum, sed in particulari casu; & contra particularem Personam inflicta. Consilium quóque Lateranense, & ipsa Conventio, seu Concordatum inter Pontificem Leonem X. Regémque Galliæ Franciscum I. clarè disponunt, cum de Excommunicatione ita constat, ut

ca

ea nullâ tergiversatione celari possit, sine alia denuntiatione pro Excommunicato habendum, vitandumque esse. Hoc cum Collegium Ecclesiæ S. Ludovici non observaverit, meritò interdicto supponi debuit, & simul Lavardinus pro Excommunicato declarari. Hæc sunt comperta & millies notâ, nec à Lavardini Theologis ignorari poterant, sed oportuit aliquid dici, quodcunque illud esset, ne viderentur culpam silentio fateri. Notum erat Lavardinum Romam intrâsse, notum quoque armatis, excubiisque Palatium ejusque regionem obsedisse, ne Justitiæ Ministris pateret, notum quoque natalitiâ Christi nocte sacris Mysterijs procuratum esse; quid ergo in re tam clara, tamque indubitata, totâque Româ inspectante facta, citari illum, interrogarique oportuit?

XII. *Septimò*, (a) pergit Anonymus dicere: *Honores, quibus in Ecclesia S.*

F 6

*Ludovici*

(a) Fol. 3.

*Ludovici Lavardinus affectus est, dignitati Gallici Oratoris annexos esse, quippe Gallici Regis Majestatem representantis; non ergo aut à Pontifice, aut ab Ecclesia pendere, neque hanc ob causam potuisse à Romano Pontifice Lavardinum excommunicari, aut Ecclesia S. Ludovici interdicto supponi.*

R. Utinam Lavardini Satellites & Advocati de armis potius & castris, quàm de excommunicatione & Interdictis loquerentur, quæ non intelligunt. Nec enim Ecclesia S. Ludovici interdicto subjecta est, quòd ejus Ecclesiæ Sacerdotes Lavardino honores detulerint Legato debitos (quamvis & hîc peccatum, cùm reverà Legatus non fuerit) sed ut loquitur Edictum: *Quòd ausi fuerint ad Divina officia & participationem Sacramentorum admittere, cùm constaret, notoriè excommunicatum esse.* Si ergo non patitur Lavardinus Pontificem decernere de honoribus Legato debitis; æquè Pontifex non patitur Lavardinum de Ecclesijs & Censuris judicium ferre, quæ à solis Sacerdotibus

tibus cognosci debent, Romæ præfertim, ac in Regia Pontificis. Similis ferè est Lavardini querela, cùm in Apologia dixit: *Regis Christianissimi Ministros, utpotè qui Personam ac Majestatem ipsius Regis referant, nullis Censuris subjacere.* Quæro enim à quanto tempore potiri Reges hoc privilegio cæperint? mihi enim historiam Ecclesiasticam percurrenti infinita Exempla occurrunt Regum, quos non tantùm Pontifices, sed etiam Galliæ Antistites excommunicatione perculerunt. Pauca ex multis libabo. S. Chrysostomus de Regibus Universim ita loquitur: (a) *Et ad vos (Sacerdotes alloquitur) sermonem convertere necessarium est, ut cum multo studio hæc dona (sacram videlicet Eucharistiam) distribuatis: non parva vobis imminet ultio, si quemquam ullius culpæ conscium, hujus mensæ participem esse concedatis, sanguis ejus de manibus vestris exquiretur, sive quis Dux militia sit, sive Præfectus, sive Princeps diademate coronatus; indignè*

F 7

*autem*

(a) S. Chrysost. hom. 60. ad Popul. Antioch.

*autem accedat, prohibe: majorem illo potestatem habes, hoc vestra dignitas est, hoc securitas, hoc corona.* Ex prima Clodovæi Merovingica stirpe, S. Germanus Episcopus Parisiensis *Charibertum* Regem, & *Manovefam*, quam incestis nuptiis duxerat, anathemate ferit: (a) *Cumque* (verba sunt Gregorij) (b) *Turonensis* eam Rex relinquere nollet, percussa judicio Dei obiit. In secunda Carolina stirpe Stephanus IV. Romanus Pontifex *Carolo Magno* recentibus adhuc in Apostolicam Sedem meritis excommunicationem (c) intentat, nisi continuò nuptias cum *Desiderij* filia abrumpat, tantumque abfuit indignari Carolum, aut id Majestate Francicâ indignum ducere, ut potius quàm primum paruerit, Longobardâ ejectâ. In eadem secunda stirpe Carolum simplicem fœdus cum Northmannis infidelibus parantem S. Fulco Rhemen-  
mensis

(a) Anno 570. (b) Greg. Tur. histor. Fran. l. 4. (c) Habetur epistola Stephani tom. 3. Concil. V. Æmil. & Spondan. ad Annum 770.

mensis Archiepiscopus suo & omnium Galliae Antistitum nomine his verbis absteruit : (a) *Cum omnibus Episcopis meis ego vos & omnes vestros excommunicans, aeterno anathemate condemnabo.* Vides, quæ tunc temporis non unius Fulconis, sed totius Gallicanæ Ecclesiæ mens & sententia fuerit. In tertia Galliae Regum Dynastia Robertus Hugonis Capeti filius, quod incestas nuptias junxisset, à Galliae Episcopis sacris exclusus, adèd omnibus horrore fuit, ut vix tres famuli obsequio superfuerint, anathematis reverentiâ, profecitque severitas, pellice paulò post palatio pulsâ. Rem Damianus (b) & Pithæus narrant. Ex eadem Dynastia ob similem causam Philippus Roberti Nepos primùm in Concilio Lugdunensi, deinde ab Urbano II. absolutus, teste Ivone (c) Carnotensi. Philippo II. æquè Francorum Regi, quòd

(a) Flodoard. l. 4. c. 5. Anno 898. (b) Petrus Damian. l. 2. ep. 15. Pith. in chron. (c) Ivo Carnot. ep. 166. & 169.

quòd legitimam uxorem dimisisset, anathema intentatum, ac Galliæ Regnum interdicto subiectum est, idque Galliæ Episcopi adeò non improbârunt, ut quàmplurimi eorum exilio puniti sint, (a) quòd Pontifici paruis-  
sent. Tandem resipuit, petitâ ab Innocentio veniâ, receptâque in Thalamum Reginâ. Ex stirpe & Dynastia Valesia *Henricus III.* à Sixto V. mone-  
tur, ut Borbonium Cardinalem & Archiepiscopum Lugdunensem carceribus liberet, ni faciat, pro excom-  
municato declaratum iri, fuitque monitorium in Gallijs, Carnuti, Metis-  
que promulgatum, & quia eodem anno mors Henricum prævenit, ejus cadaver publico funere, solitisque suffragijs supra duodecim annos caruit (quòd crederetur excommuni-  
catus decessisse) donec sub Henrico IV. agente Offato (b) Cardinali &  
abso-

(a) V. Spondan. ad ann. 1198. Raynald. ann. 1200. n. 9. (b) V. Spondan. ad annum 1589. n. 16. & Offat. ep. 215.



absolutionem Henrici IV. nomine, ac Elisabethæ Regiæ viduæ infinitis argumentis urgenti, tandem à Clemente VIII. impetrata est. Agnovit ergo Gallia posse Reges excommunicatione puniri. Idem Henricus Rex per Cenomanensem Episcopum, Cardinalem Joiosam, ac Pisani Marchionem Legatos, ac in genua provolutos absolvi à Censuris rogavit, quas ob cædem Guisij Cardinalis incurrerat; (a) nec tamen obtinere potuit, quippe Borbonio Cardinali & Lugdunensi Archiepiscopo necdum carcere eductis. Ex stirpe Borbonica Henricus Navarræ Rex ob hæresin, quam semel abjuraverat, iterumque professus fuerat, à Sixto V. diris percussus est, idque ritè à Pontifice factum Clerus Gallicanus agnovit, habuitque Regem pro excommunicato; & quamvis Henricus vehementer excommunicationi adversatus sit, nunquam tamen privilegium obtendit, quòd  
Reges

(a) Spondan. cit.

Reges excommunicari non possint: sed solum quod hæreticus non esset, qualis à Sixto arguebatur. Ipsa Sorbona inter alias propositiones ( quas Henrico addicti vulgaverant ) hanc quoque in publico Senatu decimâ Februarij dampnavit. *Pontificibus Romanis jus non est Reges excommunicandi.*

Ita scribit Spondanus, (a) qui ad annum 1585. refert ejusdem Henrici instructionem Ossato & Peronio Legatis suis datam, in qua petebat Rex à Censuris & excommunicatione absolvi, quas incurrerat. In ipsa quoque absolutione à Clemente VIII. publicè Legatis concessa, Rex à Censuris, quibus tenebatur, (b) liberatus est.

Et si hæc omnia deessent, sufficeret clarissima Christi sententia Petrum alloquentis: *Quæcunque*, inquit, *ligaveris super terram, erunt ligata & in Cælis.* Si *quæcunque*, ergo & Galliae Reges, nisi

(a) Spondan. ad ann. 1585. n. 17. (b) Spondan. ann. 1590.

nisi dicant, ad istos Evangelium non pertinere, aut Christi præceptis exemptos esse.

Ex his omnibus aliisque quàm plurimis, quæ silentio prætermittimus, palàm est, potestatem exco깁municandi Reges semper in Gallijs agnitam, exercitamque, imò & saluberrimam fuisse, quoties sanandis hoc remedio ægris Principibus suam Episcopi operam Pontifici sociârunt. Nunquàm Henricus IV. & fortè nulli amplius Galliæ Reges Catholicam Religionem amplexi essent, nisi illum Pontifices vibratis Censuris compulissent. His ergo Gallia debet conservatam Religionem, & tot alia bona, quæ ex Religione consequuntur; nec verò aut Carolo Magno aut Henrico Magno quidquam Majestatis decessit, quòd se punienti Pontifici submiserint, imò venerationem illis amorémque auxit subjeçtio, non vi, nec metu, sed Religione expressa. Et Magno Theodosio quid nocuit ad  
pedes

pedes accidisse Mediolanensis Antistitis? num ideò minus potentiâ, victorijs, reverentiâ subditorum floruit? imò tantò major, quantò modestior, subjectiorque Sacerdoti: & cui istorum ad Concilium, aut ab abusu appellandi cogitatio incidit?

Non hæc dico, quasi ignorem, quàm parcè sacris fulminibus uti Pontifices oporteat, in Reges præsertim, quorum arbitrio sedet, aut obsequi, aut obniti, ac plerùmque pudet moneri, multoque magis puniri: nec facile culpam agnoscunt libertate peccandi, ac famulantium adulatione: nec etiam me latet, quantum mali proveniat ex facilitate Censuras cumulandi. Cœterùm nihil est tam sanctum, quo abuti non possis, nec nos abusum, sed usum commendamus, eumque præparcum & necessarium. Quot mala ex potestate regnandi, bellumque indicendi? quot ex Matrimonijs, negotiationibus, judicijs proveniunt? num propterea hæc omnia

omnia damnanda abufuum obtentu? Idem de excommunicatione & Cenfuris dicas, quas cùm neceffitas Innocentio extorferit, nemo Judicem accufet, qui pœnam dictavit: fed reum, qui meruit, imò qui extorfit.

Auûtor quidem feu potiùs Compiler libertatum Gallicarum multa congerit, ut oftendat, non poffe Reges excommunicari; fed ea planè nihil probant, cùm tantùm aut facta aliqua Principum narrent, ex quibus nullum jus colligi poteft ( quid enim non licebit, fi exempla fequamur? ) aut aliqua Parliamentorum Senatûs Confulta, quibus nulla potestas eft de aucttoritate Ecclefiaftica, ejûsque finibus judicandi; aut denique abufus tantùm Cenfurarum damnantur. Taceo hunc librum anno 1639. ab ipfo Galliaë Clero Parifijs damnatum, prohibitumque effe: *Quòd* ( verba funt Spondani ) *multa contineret, quæ magis ad Ecclefiaë fervitutem tendere, & fchifmatis occafionem præbere viderentur, & ided primò*  
*à facro*

à sacro Consistorio Regio prohibita sunt distrahi & vendi: deinde Eminentissimorum Cardinalium, Caterorumque Illustrissimorum Antistitum, qui tunc Lutetia reperti sunt undeviginti: nescit enim Ecclesia Gallicana libertates, quæ malum operantur: nescit jura, quæ illam à Romana Matris firmissima connexionem & filiali obedientia divellant. Hactenus (a) nobilissimus scriptor.

XIII. Octavò. (b) Sed, inquit Anonymus, si jus Asyli, & immunitatum abusus est tam horridus, tantæque abominatione dignus, ut Pontifex Religioni & Conscientiæ sibi duxerit illum amplius ferre; cur ergo tanto jam tempore illum tulit? cur post tot annos Conscientia Pontificem monuit? Id planè indicio est, aliud, quàm Conscientiam queri.

R. Nihil festivius est, quàm audire Lavardinum, ejusque Advocatos de Conscientia & Religione loquentes; suâ enim Conscientiâ Pontificis metiuntur; & cum illis postrema sit hæc cura, sedemque ultimam obtineat, ludere

ludere putant, quotquot Confcientiam appellant. Tulit ergo Pontifex primis annis hunc Afylorum abufum eo ferè pacto, quo Agricola lolium & Zizania florente in agro: non quòd amet, fed quòd frumento fit mixta, quæratque occasionem evellendi. Eadèmq; ratione quæri poffet, cur Galliæ Rex, fi confcientiæ fibi duxit Calviniftarum hærefin in Gallia ferre, non ftatim ejecerit? Planè Innocentius in ipfo ftatim limine initi Pontificatûs profeffus eft, fe Afyla nunquam laturum, ut tamen Regum Majeltati honor haberetur, lentè proceffum; moniti, rogati, convictique rationibus funt: expectatum quòque, dum Principum Legati, qui tum vivebant, decederent. Tandem ubi omnia parata, ubi veneratio Pontificis tot rebus fecundis auéta, ac ipfe Rex Galliæ pollicitus, fe aliorum Principum exemplis imitandis non ultimum fore, ubi denique alij Reges Afylo ceflere; meritò vifum eft Pontifi-

Pontifici, non ampliùs cessandum. Expectavit ergo æstatem, ut meteret. Quid potuit à Pontifice aut prudentiùs, aut humaniùs fieri?

XIV. Nonò. (a) *Verbis*, inquit Anonymus, *generalibus non comprehenduntur Personæ notâ speciali dignæ, quales sunt Principum Legati: non potuit ergo Lavardinus ex verbis Bullæ pro excommunicato haberi. Imò nec dici quidem potest, Lavardinum casum Bullæ incurrisse, quippe vim nullam adhibuit, nec cursum Justitiæ impedivit.*

¶. Oportet ab hoc Lavardini Advocato Bullam Innocentij, ne quidem lectam fuisse, alioquin nunquam hæc scriberet tam adversa veritati. Renovat Innocentius Julij III. Pij IV. Gregorij XIII. Diplomata, & illa verbatim recitat; at in illis expressa fit Legatorum mentio; quî ergo dici potest Bullam Innocentij nihil de Legatis loqui? Deinde in Bulla Innocentij hæc clausula adjungitur, vide-  
licet:

(a) Fol. 4.



licet : Omnes quâcunque dignitate & auctoritate tam Ecclefiafticâ, quàm ſeculari præfulgentes, etiamſi de illis ſpecialis, ſpecifica, expreſſa & individua mentio faciendâ eſſet.

Quæ verba ex omnium Juris-Conſultorum ſententia æquivalent expreſſioni individuae: tantùmque operantur, quantum ſi Lavardini nomen in Bulla recitatum eſſet ; demonſtrant enim enixam Pontificis voluntatem. Et quamvis hæc omnia non eſſent, quis nescit ſacro Cardinalium Collegio, omnibûſque Romæ Prælatis ex parte Pontificis denuntiatum eſſe ; caverent, ne Lavardino ſociarentur, quippe ſacris interdicto ; imò ipſe Lavardinus à Ranuccio Cardinali de voluntate Summi Pontificis monitus eſt : ac tum maximè, cùm Clericis Lateranenſis Eccleſiæ inditum, ut ſi Lavardinus Divinis officijs aſſiſteret, quæ in honorem ſanctæ Luciae peraguntur, continuò ſacra cantùmque abrumperent, ut fieri ſolet, cùm adſtant palàm excommu-

G

nicati;

nicati; quid ergo ampliùs fieri potuit, ut constaret Pontificio Diplomate Lavardinum comprehendi? sed piget tam clavis immorari, & misereor Lavardini tam infelici Advocato nixi, & tam absurda narrante. Paria sunt, quæ dicit, *de non impedito Justitiæ cursu, nullæque vi adhibita*. Nam quàm verum id sit, satis intelligas ex ijs, quæ de ingressu Lavardini jam suprà recensui, & quæ quotidie geruntur, Româ fremente, ac Pontificis moderationem contra tot insultus demirante.

XV. *Decimò. (a) At Sixtus V. quamvis Jure Asyli Legatos prohibuerit, non tamen adjunxit pœnam excommunicationis, imò sustulit à suis Antecessoribus jam latam.*

R. Non sequitur, ut quod unus Pontifex omisit, alius quóque omittere debeat. Quàm multa à Ludovico Rege (qui modò Galliarum potitur) confecta sunt, ejus majoribus planè intentata? ergo omnibus rebus  
sua

sua ætas & maturitas est : alioquin quantum Principibus otium & sterilitas erit, si non faciant, nisi jam facta? Deinde nota est omnibus Sixti severitas, qui cùm timeri vellet, temporales pœnas ante spirituales habuit, maluitque curandis delictis ferro uti, quàm cruce. Alia Methodus Innocentio, cui cum Magnatibus pugna, & ideò Religione, non supplicijs damnandos censuit, risumque provocâisset, si carceres, aut exilia, aut multam Regibus minaretur. Nec obstat exemplum Sixti, quando alia, multoque maiora exempla suppetebant, quæ Innocentius imitaretur, Chrysostomi videlicet, Ambrosij, Athanasij, Gregorij Magni, Nicolai I. aliorumque Pontificum, quos infra memorabo.

XVI. Undecimò: (a) Si Innocentius, inquit Anonymus, prius Consilia & vota sacri Collegij excepisset, quàm Bullam vulgaret, seque tam grandi periculo immer-

G 2

geret,

(a) Fol. 4.

geret, nihil simile aggressus esset, Patrum ac præsertim Cardinalis Estrei rationibus victus.

R. Supponit Lavardinus, Bullam Innocentij, quâ Legatorum Asyla prohibentur, solo Pontificis, ejusque Domesticorum nutu excidisse, non rogatis, non auditis Cardinalium votis. At verò id tam falsum est, ut pudeat refellere. Legant Pontificis Bullam, videbuntque Purpuratorum nomina magno numero subscripta; num verò subscriberent aut non lecta, aut non probata? major est Romæ, quàm Parisijs dicendi libertas: licet Cardinalibus & sentire & loqui, nec ullus exilio punitus, quia verum dixit; ut nuper in Regaliæ causa Parisijs factum. Illa quòque verba Bullæ inserta videlicet: *De fratrum nostrorum S. R. E. Cardinalium consilio, & assensu, ac prematurâ consideratione præhabita*, Gallum falsi convincunt. Multò minùs dici potest, *Cardinalem Estreum in hac causa auditum non esse*. Quis enim Estreum prohibuit, ne loqueretur? aut quando

quando ei occasio loquendi defuit?  
aut quando accessu Pontificis prohi-  
bitus est? Planè excusari non posset  
Cardinalis socordia, si obmutuisset,  
cùm tam multis ex causis ad dicen-  
dum urgeretur: imò non tantùm di-  
xit, sed etiam scripsit: at veritas & ju-  
stitia causæ, vocem & calamum vicit.

XVII. *Duodecimò: (a) Non, inquit, Pontificem decuit, sustinendæ causæ merè temporali ac politica (qualis est, quæ Asyla Legatorum spectat) sacram dignitatem, pacemque statûs Ecclesiastici, imò totius forsân Europæ periculo exponere.*

R. Credo equidem, quando Innocentius de abrogandis Asylis cogitavit, id primùm & ante omnia expendisse, plus boni an mali hæc mutatio pareret: nec improvisa illi pericula, quæ modò narrantur; sed tanti non erant, ut tam sanctum & necessarium opus morari deberent, idque justissimis ex causis, ut jam commemorabo, juvâtque longiùs

immorari rationibus exponendis, quæ Pontificem obfirmârunt; video enim id potissimum Innocentio objectum, ac præsertim ab Estreo Cardinali, cum votum suum calamo exponeret; videlicet imperitos Medicos Pontificem imitatum esse, quando morbum mederi aggressus est peiori remedio. Sed nego, mecúmque negabunt, quotquot pacatis, placidisque animis rem totam considerant, debuisse videlicet tam gravem, plenúmque flagitijs abusum ferri metu malorum, quæ jam tum præviderat, & nunc tanto strepitu à Gallis præcinuntur.

Nam *Primò* supponunt Galli, Jus & immunitates Asylorum rem esse merè politicam & temporalem; at maximè falluntur: cum enim infinita sint flagitia, quæ illorum causâ, & spe impunitatis patrabantur; idque omnium Nationum, quæ Romam concurrunt, pessimo exemplo; oportuit Asyla considerari non solum ut loca

loca, in quibus Principis potestas & Jurisdictio violatur; sed etiam in quibus suprema Dei Majestas gravissimis injurijs afficitur; at verò quid magis ad Christi Vicarium pertinet, quàm quovis humano respectu seposito cavere, ne Christus tam indignè offendatur, & tot animæ pessumeant Christi Sanguine redemptæ? non ergo causa Asylorum est causa merè prophana, nisi fortè illis solis, qui nullâ Dei & animarum curâ tanguntur.

*Deinde* suprema Pontificis Jurisdictio, quæ tot Asylis in urbe violatur, non est inter causas merè prophanas censenda; quæ enim ad Ecclesiam pertinent, Deo dicata sunt, nec possunt sine sacrilegio usurpari. Id tam certum, ut nihil frequentius jam ab initio florentis Ecclesiæ sit à Patribus inculcatum: omittóque exempla & testimonia Patrum jam alibi narrata. Cadit ergo præcipua Lavardini ratio, cùm videlicet negat, prudenter Inno-

centium fecisse, quòd in causa merè temporali & politica sacram Pontificis Dignitatem cum Regia colliserit, adduxeritque in tantum discrimen.

*Tertiò.* Si toties Pontifici abstinendum est salubribus Consilijs, quoties Principes minantur, & bellum eminus ostendant; quid unquam præclari audebit? Si ergo Romam sibi Galli postulaverint, alioquin bellum illaturi, quo totam Europam incendant, num ideò Pontifices cedent, bellumque & minas rediment Christi patrimonio? Si semel Pontifices minis se frangi, vincique patiantur, idque Principes observent, nullum facient finem petendi, minandique. Æquum ergo non fuit, ut Pontifex à proposito delendi Asyla moveri se pateretur solo metu & terrore futurorum. Fecit Pontifex, quod muneris sui, quod necessitas, quod publica & privatorum salus, imò quod Dei causa (toties in Asylis offensi) exigebant; idque nullus Principum,



cipum, si Gallose excipias, non maxime approbavit, ratumque habuit; si ergo bellum & turbæ à Gallis sequantur, cujus amabò culpâ id fiet? sua retinentis, an rapientis aliena? & quando magis, quàm in tam justa causa cœlesti patrocínio fidere, nitique Pontifices debent? si omnia aut fato, aut casu evenirent, nullâ in rebus humanis Dei providentiâ, ego quòque honestis consilijs utilia præferrem, sed quandoquidem constat omnia, ac præsertim Ecclesiam, Dei nutu gubernari, nunquàm persuaderi me patiar, ut credam Deo placere sordida consilia, aut secunda fore. Hæc non mea, sed Apostoli sententia est: (a) *Perdam sapientiam sapientium, & prudentiam prudentium reprobabo: nonne stultam fecit Deus sapientiam hujus sæculi?* Verbo, si bellandum est, malim Pontifices cum Gallis, quàm cum Deo & conscientia bellum suscipere.

*Quarto.* Cùm dicitur, minus esse malum Regi Galliæ Asylum spontè cedere, quàm vim & bellum experiri; oportet non Asylum tantùm expendere, ejúsque cessionem, sed omnia, quæ hâc cessione proventura sunt; nam & arborem non solam, sed cum fructibus æstimamus Si Pontifex Gallo cedat, eâdem ratione & Hispano, & Anglo, & omnibus Principibus cedendum erit Asyla postulanti-  
bus: at quanta hinc confusio flagitijs impunè florentibus, & totâ ferè Româ in speluncam Latronum conversâ? Imò multò quàm ante gravius malum, expérisque remedij: crescet enim Legatorum licentia, quando se victores, victum Pontificem cernent. Revocentur in memoriam & mala, & pericula, quæ paucis mensibus contigère, Lavardino non Legatum Romæ, sed Regnatorem agente, quamvis invito & obnitente Pontifice? quid rogo fiet, si & perpetua & pacifica sit hæc Asylorum dominatio;

minatio ; & omnium Principum Legatis permissa ? imò non Legatis tantum , sed omnibus idem jus affectantibus ? Oportebit sanè aut Pontificem Româ excedere, aut precariò & ex magnatum arbitrio vivere, hoc est, servi non Principis more, & exemplo nullibi terrarum viso. Quod possit malum comparari tam indignæ servituti ? néque hîc finis, ubi enim semel Principes vicerint, & prætextu Asyli, ut nuper Lavardinus, urbem armis, Clientelis, factionibus impleverint, iidem , quibus nunc & paribus minis alia Pontificum jura, quoties libuerit, involabunt : imò nec tuta Pontificum & libera electio ; redibitque Ecclesia in pristinam servitutem, quando videlicet sub Dominatu Tusciæ Marchionum Pontificis electio non liberis suffragiis, sed pretio , armisque agebatur, imò ex voto meretricum, quæ in aula magis placuissent. Meritò igitur Innocentius etiam principia, omnémque

G 6

speciem

speciem externi Dominatûs deleta voluit, ne frustra essent remedia morbo jam valido; nec ullum malum credidit huic posse comparari.

*Quintò.* Sed & Patrum exempla Pontificem nostrum docuère, ne in tam justa & necessaria causa minis, vanisque terroribus cederet. Nulla planè virtus Magnum Pontificem ut magnanimitas & constantia decet, nec alia magis in Patribus floruit primitivæ Ecclesiæ, quando perpetuæ cum Principibus lites crucem averfantibus. Infinitus sim, si omnia recenseam; memoriâ repetatur, quantis minis egerit Justina contra Ambrosium, Eudoxia contra Chrysostomum, Valens Imperator contra Athanasium; qui tamen nullo unquam terrore moveri poterant, ut à sententia decederent: & tamen illi, qui minabantur, non Galliæ aut Hispaniæ Reges erant, sed totius Orbis, Europæ videlicet, Affricæ, Asiæque Imperatores. Quibus verò minaban-

minabantur, Episcopi tantum: quantum ergo pudoris, si Pontifices paveant, Episcopis intrepidis, metuque liberis? & denique quidquid Galli irascantur, nunquam Orbis terrarum credet, Ludovicum Regem illi Ecclesiæ bellum illaturum, à qua ejus Stirps coronam accepit. Nam quæ gloria tanto Regi arma in Sacerdotes vertisse, & Patrem ac Pontificem suum ideò bello pulsasse, quia non voluit, quod non licuit? Ergo cum Romam Gallus expugnaverit, Portis Vaticani hæc inscriptio grandibus litteris incidetur: *Templum Religionis, quod Christus fundavit, Petrus erexit, Pipinus dotavit, Ludovicus destruxit?* Non potest id fieri, quidquid Galli minentur.

XVIII. *Decimotertiò, (a) Conqueritur Lavardini Defensor: Omnia Pontificios in pejus interpretari. Vocari exercitus paucos illos Clientum & famulorum, qui Lavardinum comitabantur ex decore tantæ*

Dignitatis, quippe Gallia Legatum. Palatium, quo receptus est, arcem appellari. Tintinnabulum, quo hora, prandia, funera, hospitiumque adventus indicatur, pro signo erumpendi. Disciplinam, Ordinémque Domesticum, pro stationibus & excubijs militaribus. Denique si Lavardinus Angelus Dei sit, statutum esse eum deformare, ut saltem à pueris fatuisque, quorum semper maximus numerus est, suffragium ferant.

¶ Credo equidem hunc Oratorem cæcis & surdis scribere voluisse, qui nec audierunt, nec viderunt Lavardini ingressum; alioquin, quæ rogo fiducia tam nota, tam comperta negandi? Legantur, quæ supra de Lavardini in urbem adventu dicta sunt, evolvantur annales, an ullus unquàm Legatorum ita ad Pontificem, aliúmve Principem ingressus sit: Roma interrogetur, & tota Lavardinum accusabit, nec ego immorari volo jam suprà narratis, & quorum Roma tot testes, quot oculos habet.

**XIX.** *Decimoquartò : Consultius factu-  
rum Pontificem dicit, si Ecclesijs Afyla, non  
Palatijs adimeret; Ecclesias enim precibus  
porrigendis institutas esse, non protegendis  
flagitijs.*

**R.** Modesta enimverò petitio, &  
digna Advocato. Tollantur Ecclesijs  
Afyla, & dentur Palatijs; & plus  
valeat in tuendis reis Lavardini re-  
verentia, quàm Majestas Dei. Nec  
interest Templorum Afyla à Deo in  
veteri testamento, & ab Ecclesia in  
novo tot sacris Canonibus, tot sæcu-  
lorum decursu sancita esse; hæc om-  
nia cessent, & in Lavardini cultum  
vertantur. Qui ita discurrunt, planè  
ostendunt nihil sibi Religionis super-  
esse; alioquin ex Asylis Templorum  
inferre potiùs contrarium deberent,  
extinguenda videlicet esse Afyla Le-  
gatorum. Cùm enim tot sint Romæ  
Afyla, quot templa, quid opus est illa  
multiplicari tanto innocentiae pacis-  
que publicæ periculo? & quæ ratio,  
ut cùm non omnia flagitia sint secura  
in

in templis, sint in Lavardini palatio? nec opus est præsentem Pontificem à Gallis moneri, ne permittat, ut criminosi Templis abutantur; qui enim non patitur illos Legatorum ædibus, multò minùs patietur abuti ædibus Dei.

XX. Decimoquintò: *Non possunt enarrari scandala, quæ ex hac Pontificis duritie in hereticis nascuntur; eosque impediunt, ne veræ Religioni accedant.*

R. Idem quòque Christo objectum fuit: *Scis, inquiebant Apostoli, quia Pharisei scandalizati sunt in sermone hoc.* Non ideò tamen cessavit Christus causam agere veritatis; imò monentibus respondit: *Sinite illos, ceci sunt, & duces cecorum.* In quem locum optimè Divus Gregorius: (a) *Inter verba vituperantium semper ad mentem recurrendum est, & si in ea non reperitur malum, quod de nobis narratur, in magnam debemus letitiam proflire. Quæ enim debet esse tristitia, si omnes accusent, & sola conscientia nos liberos esse demonstrat?*

(a) S. Gregor. l. 8. c. 45. ad Pallad. Presbyt.



*demonstrat? habemus Paulum dicentem: Gloria nostra hæc est, testimonium Conscientiæ nostræ. Job quoque dicit: Ecce in Cælo testis meus? si ergo est nobis testis in Cælo, testis in corde, dimittamus stultos foris loqui, quod volunt. Quamquam ne hæc quidem excusatione opus est; constat enim neminem offensum, aut scandalo affectum esse, quòd Pontifex Asyla sustulerit, quòdque à tam sancto proposito nullo metu averti potuerit; imò Calvinistæ etiam ac Lutherani id maximis laudibus profecuti sunt. At verò quòd Lavardinus Asyla invaserit, quòdque Rex Galliæ Pontifici, quem pro Christi Vicario agnoscit, tam sancta imperanti non acquieverit, & propter umbram inanissimæ privilegij, solisque Latronibus utilem, Ecclesiam, totamque Europam turbaverit; id enim verò est, quòd hæreticos Orbemque Christianum vehementer scandalo affecit, quòdque tot præclara Gallorum facinora turpi maculâ fœdavit; Regis ergo*

ergo Ministros & Confessarios scandalì moneri oportuit, non Pontificem Innocentium.

XXI. *Decimosextò* : (a) - Opponit quòque, *exempla Ludovici sancti, Philippi Pulchri, & Ludovici XII. Regum Gallia, qui excommunicationes à Gregorio IX. Bonifacio VIII. & Julio II. fulminatas nihili duxere. Quis ergo prohibeat istos imitari?*

R. Fallitur Lavardinus, si credit omnia se Regum & Sanctorum exempla imitari posse; alioquin & homicidia, & adulteria poterit, quia à Davide commissa & sancto, & Rege; non ergo videndum est, quid Reges fecerint, sed quid lex fieri, omittive jusserit; lex enim erroris est expers, non Principum facta. Et David non ideò sanctus, quia adulterium commisit; sic Ludovicus IX. non ideò inter sanctos relatus, quia excommunicationem contempsit. Quamquàm multò aliter res se habet, quàm hic scriptor

(a) Fol. 5.

scriptor recenset. Dicit Ludovicum IX. Galliae Regem *contemptus habuisse excommunicationem*, quâ Gregorius IX. in Fridericum II. Imperatorem animadverterat; citâtq; ad marginem Matthæum Parisium. Sciendum verò est, historiam Parisiensis etiam Gallorum judicio falsi suspectissimam esse, in ijs præsertim, quæ Pontifices spectant; nam editio Matthæi Parisij primò ex Bibliothecis Anglicanis prodiit sub Regno Elisabethæ *anno 1561*. Postea Tiguri iterum typis impressa *anno 1589*. Utrûmq; ex Præfatione ad Lectorem habetur præfixâ Codici Salisburgensi. Jam Lectori judicandum relinquo, quæ fides haberi debeat libro, quem ex manibus Calvinistarum habemus, juratis Pontifici hostibus: possis limpida sperare ex tam turbido fonte? (a) Ipse Maimburgus (cui in defloranda

(a) Maimburg de la Decadence *lib. 2. pag. 112*. Ubi. *Il debite de fables, & des faussetez toutes visibles.... ridicule digression... benuee grossiere, &c.*

randa Pontificum auctoritate tanta voluptas ) fatetur, Parisiensem mendacia, fabulâsque palpabiles & crassissimas nugæ Lectoribus proposuisse. Sed multò gravior Maimburgo Spondanus (a) Apamiarum Episcopus, & inter præcipua lumina recensendus Gallicanæ Ecclesiæ, ubi recitâisset, quæ de Ludovico sancto Parisiensis narrat, hæc adjungit: *Hæc diffusè blaterat Parisius, quæ meras nugæ esse hominis cerebro laborantis tam nullus dubito, quàm omninò mihi persuadeo, nullum fore sanæ mentis, qui putidam ejus narrationem & futilem Dialogismum inspexerit, qui non idem mecum sentiat, cum etiam tantæ rei ne per somnium quidem ullus prorsus alius Auctor meminerit.* En tibi, quàm nullius fidei sint, quæ de Summis Pontificibus Parisius scribit, etiam ex sententia Gallorum Auctorum! & tamen in causa tanti momenti Lavar dini Causidicus tam levibus testimonijs utitur; sed quid faceret, cum meliora defuerint? fateor sanctum Ludo-

(a) Spondan. ad ann. 1223. n. 12.

Ludovicum leges aliquas tulisse Immunitati Ecclesiasticæ, ac Censuris ab Episcopo latis oppidò graves; sed id fecit Aulicorum consilijs deceptus; at ubi errorem à Gregorio IX. edoctus est, continuò correxit, resciditque legem reverentiâ Pontificis. Vide insignem Gregorij epistolam, (a) in qua propositis Theodosij, Valentiniani, Caroli Magni Imperatorum exemplis, qui immunitatem Ecclesiasticam acerrimè protexerunt nullò Majestatis dedecore, exemplar adjungit Diplomatis, quo Honorius III. Pontifex anathemate percussit, quotquot hujusmodi leges ferrent, quales Ludovicus. Agnovit continuò Rex sanctus, correxitque errorem non tam spontè, quàm aliorum instinctu commissum. Illud quóque memoratu dignum, cum ejus Romam Legatus ab Alexandro IV. diploma retulisset, quo potestas fiebat nominandi

(a) V. epistol. 390. lib. 9. & Raynald. ad ann. 1396. n. 31.

nandi Pastores ad vacantia Sacerdotia, Rex sanctus recusato privilegio, & Diplomate in flamas projecto ad Legatum conversus: (a) *Quod mea negotia Romæ strenuè obieris, laudo: quòd mihi à Pontifice munus hoc retuleris, non probo; intelligo enim, quanto cum periculo anima mea & Regni hoc susceperem.* Hæc sunt Ludovici sancti exempla, quæ oporteret suggeri Christianissimo Regi: non illa, quæ ab ejus majorum gloriosis vestigijs tantoperè abludunt, ejusq; gloriam & conscientiam pari damno afficiunt. Quæ de Philippo Pulchro, & Ludovico XII. narrantur, silentio potius digna sunt, quàm memoriâ, mirorq; Lavar dini Causidico nullum pudorem esse ea recensendi; nam Philippum quod attinet, constat eum in flore ætatis raptum, & si credimus Divo Antonino, (b) aliisque, dum aprum insequitur, equo excussû. Reliquit tres filios, qui omnes uxorum adulterijs fædati, fatóque

(a) Spondan. ad ann. 1254. n. 14 (a) Antoninus 3. p. tit. 21, Spondan. ad ann. 1314.

tòque imaturo, & sine maribus defuncti, Valesijs coronam reliquere. En tibi quorum Regum & quàm infeliciū exempla Ludovico nostro inculcantur? Ludovici XII. in Julium Pontificem conatus, *pestimum consilium, & Christianissimi Regis nomine prorsus indignū* Spondanus (a) vocat: nec aliud Cœli judiciū; Ludovicus enim quinquennio post infelici morbo abreptus est. Absit à me, ut regnanti Ludovico pares exitus velim. Comparentur Principes, qui Pontificem venerati sunt, quique persecuti; Constantinus videlicet, Theodosius, Pipinus, Carolus Magnus, Philippus II. cum Justiniano, Henricis, Fridericis, Philippo Pulchro, aliisque, & continuò patebit, quorum virtutes, & fortunam precari oporteat Christianissimo Regi.

XXII. *Decimoseptimò: (b) Opponit Pontificum curas: Qui prætèxtu, inquit, Religionis rebellium factiones contra legitimum Regem Henricum IV. adjuverunt, id verò nemo unquam probavit.* R.

(a) Spondan. ad ann. 1510. (b) Fol. 8,

R. Verum est, nullum unquam Calvinistarum probâsse, quæ pro Religione in causa Henrici IV. Pontifices egerunt; nec miror ea quóque non probari Lavardini Advocato, qui singulis ferè paginis Calvinum redolet. Si rebelles vocandi sunt, qui non priùs Hentico IV. subdi voluêre, quàm hæresin exueret, verámque Religionem profiteretur, hæc planè culpa aut potiùs calumnia non tam Romanum Pontificem, quàm præcipuas Gallici Regni familias, ac maximè Clerum Gallicanum involvit, qui nunquam adduci potuit, ut Principi Calvinistæ subderetur. Ipsa Gallia Pontifices imploravit, & præsertim Sorbona, ne pateretur Calvinistam regnare. Audi epistolam Perandæ ad Patriarcham & Legatum Cajetanum anno 1592. die 16. Aprilis. *Sorbona hujus sententiæ est, urgétque Pontificem, ut ipse Regem Gallie pronuntiet, declarétque; alioquin Gallia conclamata est, expérsque remediij. Et esse hanc potestatem Pontifici Regem declarandi*



*randi rationibus planè evidentibus, multisque exemplis ostendunt, imò adjungunt: ubi Pontifex Regem pronuntiaverit, isque in Gallia denuntiatus fuerit, continuò & à Clero, & ab omnibus Catholicis receptum iri. Vides quæ sententia tunc fuerit Cleri Gallicani, omniumque in Gallia Catholicorum; Galli ergo Pontifices, non isti Gallos impulere.*

Cæterum cum in negotio fœderis Gallici multa contigerint, quæ nunquam Pontifices probârunt; breviter rem totam evolvam, ut tantò clariùs verum à falso distinguas.

Sciendum igitur est, cum edicto *Anni 1576.* Henricus III. Galliæ Rex Calvinistis libertatem & exercitium Religionis totâ Galliâ, aditum ad omnes dignitates & honores, paritatem Judicum in omnibus Parliamentis, octo urbium possessionem securitatis causâ, aliâsque conditiones Catholicæ Religionis planè funestas permisisset; Catholici tam iniquis pactis offensi novum fœdus jurârunt

**H**

**fidei**

fidei tuendæ. Fœderis caput Henricus III. Galliæ Rex. Leges quas fœdus complectebatur, Gregorio XIII. oblatae, rejectæque sunt; quamvis enim hæresin deletam vellet, non tamen factiones Regno fatales probabat. Audi Spondanum: (a) Gregorium huic fœderi suffragatum esse, neque scripto proditum fuit; neq<sub>3</sub> ullo alio argumento probari potest: quin imò ne tum quidem, cum Guisius aperte se detexit, ne dum hoc tempore, Pontificem fœderi favisse, sed semper Patrem, se amantissimum & fidum Henrici Regis amicum se exhibuisse, vel ipsa teste Serrano, aut ejus Continuatore utrôque hæretico, ac proinde Pontificum hoste aperte intelligitur, cum ad finem anni 1584. scribit, oblatum tunc fuisse fœdus Gregorio, ut illud approbaret tanquam pro Ornamento & propugnatione Ecclesiæ Romanæ conditum; verum Gregorium annuisse quidem, ut contra Hæreticos ageretur, at nequanquam motus illos populares approbare voluisse, sicq<sub>3</sub> nuntios inanes dimisisse.

Certum

(a) Spondan. ad ann. 1576. n. 7.

Certum igitur eft, etiam testimo-  
nio Hæreticorum, initia fœderis Gal-  
lici à Pontifice improbata effe ; eo-  
démque Spondano teste, Principes  
Catholici fœderis nunquàm à Gre-  
gorio XIII. impetrare potuerunt,  
quamvis ardentiffimè precarentur, ut  
Regem Navarrae, Condeúmquẽ Prin-  
cipem Duces Calviniftarum anathe-  
mate feriret. (a) Sixtus, qui Gregorio  
fucceffit, Henricum quidem Navar-  
reum Communione fidelium inter-  
dixit, Regnóque inhabilem pronun-  
tiavit, nunquàm tamen permoveri  
potuit (quamvis Hispaniæ Rex Phi-  
lippus ardentiffimè, & cum minis  
urgeret) ut fœdus cum Hispano ad-  
versùs Henricum jungeret, idque  
Spondanus (b) testatur. Cùm tandem  
Henricus nollet hærefin ejurare, &  
maxima Galliae pars, præfertim Cle-  
rus Gallicanus Catholicum Princi-  
pem vellet ; nec leges Regni funda-  
H 2 mentales

(a) Spondan. ad ann. 1585. (b) Spondan.  
1590. n. 5.

mentales alium, quàm Catholicum paterentur; Pontifices egregiè partes suas egisse, ut Henricum metu saltem compellerent ad hæresin deserendam; responditque effectus: quippe Henricus coronæ anxius maluit hæresin, quàm Regnum amittere, seque Catholicum professus est. Continuo sublata discordiæ, placati Pontifices, & Gallia Henrico subiecta. Si ergo cessassent Pontifices, néque oportunè tantis malis remedia applicassent, & Henricus, & utérque Ludovicus, Filius videlicet Nepósque; & tota denique Gallia, Regum exemplo hæresi perijsset: si ergo fateri volumus, Galliam Catholicam Pontifici debemus, solisque hæreticis dolere hoc potest.

XXIII. *Decimo octavo: (a) Inauditum esse, conqueritur, ut Legati Principum non auditi, non excepti fuerint, nisi prius omnia Pontifici cederent; non vi, non imperio cum Principibus agendum, sed amicis conventioni-*  
*bus:*

(a) Fol. 8.

*bus: quoties & Hispania & Italia Principes  
Immunitatem Ecclefiafticam violaverint; non  
ideò, tamen eorum Legatos, aut non agnitos,  
aut non admiſſos eſſe.*

*ꝛ. Alia facies eſt aliorum negotio-  
rum, alia præſentis, & de quo agitur.  
Si enim Pontifex Lavardinum pro  
Legato habeat, permittátque Afylis  
uti, jam Gallis novus actus, & nova  
poſſeſſio accedit, ſicque nova cavi-  
landi materia: & quando ſemel ad-  
miſſos iterum poſſeſſione deiicias? &  
quid reliquis Principum Legatis fiet,  
qui jam Afylo ceſſère? Non potuit  
ergo Pontifex Lavardinum pro Le-  
gato admittere, ut non ſimul Afyla  
admitteret, jam Decretis, exemplis-  
que Legatorum damnata; & ſi ſemel  
Afyla admitteret in Gallorum gra-  
tiam, nulla ſpes ampliùs illa extin-  
guendi infinito Boni publici damno,  
ſcandalóque fidelium. Cùm ergo  
Lavardinus & Legatum ſe ferret, &  
nollet Afylis cedere, idem erat pro  
Legato agnoſcere, quod cauſâ cade-*

re ; non ita in alijs negotijs : cùm enim, exempli causâ, Legati ab Hispanis, Italísve Principibus mittuntur, violatæ immunitatis Ecclesiasticæ reis; non idè mittuntur, ut pergant sub oculis ipsius Pontificis, apertóque contemptu idem crimen repetere; sed ut excusent, aut deprecantur, aut aliorum negotiorum causâ. Non ita Lavardinus, cujus ingressus, & mora non potuit cum majori contemptu, injuriâque conjungi præsentis Pontificis; suprà quóque ostendi, apud omnes Nationes receptum esse, ex similibus, aut etiam levioribus causis Legatos non admitti.

Jaçtat quidem Lavardinus: *Secretas instructiones Pontifici gratissimas se afferre.* At veniâ ipsius dixerim, quis credat meliora esse, quæ latent, quàm quæ monstrantur? cùm ex adverso soleant Galli piscantium more escam foris ostendere, hamum intùs celare. Sed quidquid sit, non debuit Pontifex spe cujuscúnque præmij tot abusus per-

permittere, quot ex Afylis nafcuntur, nec mercatui exponere impunitatem peccandi.

*Decimononò: (a) Miratur Lavardini Advocatus, Pontifices Romanos tam fevere in Gallos agere, tam indulgenter in Hispanos, cum ab iftis injurijs, & ab illis tot beneficijs affecti fint.*

R. Non eft mearum partium, Hispanorum, Gallorúmque in Romanam Sedem beneficia conferre: nemo negat multa Pontifices Gallis debere, fed & Gallos quóque multa Pontificibus. Exempla etiam Sixti V. eorúmque præcipuè Pontificum, qui in Gallias fedem tranftulère, fatis ostendunt, non effe in Hispanos tantam indulgentiam, quantam Galli declamant. Sed quidquid de alijs fit, ego folius Innocentij caufam ago, nec ulla mihi de alijs cura. Innocentium verò eodem jure cum Hispaniæ Legato egiffe, quo cum Galliæ, imò omnibus egit, notiffimum eft; nul-

lum enim istorum aliâ conditione Romam admisit, quàm ut Asylius cederet. Intempestiva ergo, imò injusta querela est partialitatis Innocentium in ea causa postulantis, in qua constat pari, eodémque jure in omnes expertum esse.

XXIV. *Vigèsimò, (a) Adjungit: Mirum non esse, si Lavardinus eas censuras moratus non sit, quas inutiles, imò perniciosas experientia, & Sixti V. Bulla satis ostendunt.*

R. Sic omninò Lutherani & Calvinistæ philosophantur. Si velit hic Gallus censuras universim curandas non esse, hæresis est, nec calamo punienda. Si velit tunc excommunicationem metuendam non esse, eùm injusta est, aut ab eo lata, cui nulla auctoritas ferendi; verum dicit, sed nihil ad rem nostram. Si verò contendat, justa an injusta sit excommunicatio, non ex conscientia Judicis pendere, qui sententiam dixit, sed

(a) Fol. 9.



fed ex arbitrio rei, qui punitus eft, adeò ut fpernere excommunicacionem poffit, feque illi non fubdere, quoties injuftam cenfuerit; nihil dici potuit aut imprudentius, aut injuftius: quando enim fe reus puniri patietur, fi ejus arbitrio, & non Judicis fe deat, de juftitia aut injuftitia pœnæ judicare? nec pœnâ teneatur, quoties injuftam cenfuerit, aut faltem, quoties injuftam dixerit? aut quis reus non dicet fe injuftè damnatum, fi hoc fufficiat pœnæ evadendæ? & quis credat tam malè institutam à Chrifto Ecclefiam, ut voluerit valorem pœnæ ex arbitrio, judicióque rei pendere, id quod in nulla Republica, quamvis Barbara valuit, valebitque? Verum igitur eft, neminem ligari poffe injuftis cenfuris; fed æquè verum, juftæ illæ, an injuftæ fint, ad judicem, ut cognofcat, non ad reum pertinere: nihil ergo Lavardinum, ejusque Adulatores juvat, quidquid opponunt de injuftitia cenfurarum.

H 5

*Sed*

*Sed quid si Pontifex injustè excommunicatione aliquem plectat? numquid illâ tenebitur?*

Eadem quæstio de quolibet Principum excitari potest: quid si enim Rex Galliae injustè aliquem ad carceres damnet, numquid tenebitur carceres subire? Si dicas non teneri, modò constet omnium judicio de sententiæ iniquitate; non verò si solus Reus, ejusve amici iniquam esse querantur. Idem ego de Pontifice & Lavardino, isto Reo, illo Judice dicam. Sicut enim sententiæ Christianissimi Regis nullius judicio subduntur, mutarique non possunt, quia Galliae Monarcha est; ita néque Pontificis, quia Monarcha Ecclesiæ. Sed audi Pontificis Gregorij Magni elegantem doctrinam: (a) *Sub magno moderamine Pastores Ecclesiæ solvere vel ligare debent; sed utrùm justè an injustè obliget Pastor, Pastoris tamen sententia gregi timentæ est, ne is, qui subest, & cùm injustè fortè ligatur, ipsam obligationis sententiam ex alia culpa*

(a) S. Gregor. Magnus hom. 20. in Evang.

*culpa mereatur. Pastor ergo vel absolvere temerè vel ligare vereatur. Is autem, qui sub manu Pastoris est, ligari timeat vel injustè, nec Pastoris sui judicium temerè reprehendat, ne etsi injustè ligatus est, ex ipsa tumida reprehensionis superbia culpa, quæ non erat, fiat.*

*Quod verò adjungitur: Conflare experientiâ, excommunicationes noxias esse, malique eventus.*

Respondeo hanc esse omnium rerum mortalium conditionem, ut profint, noceântque, utcunq; utenti libuerit: nec est aliquid tam sacrum, quod abusus non lædat. Idem de exco깁municationibus dicas, quæ multis profuere, ut Theodosio Magno, Carolo Magno, Henrico Magno; nec ullus istorum ideò magnus non fuit, quia Sacerdotibus paruit; nec minus Principum animæ quàm corpora remedijs subduntur, quoties ægrotant nullo damno Majestatis. Quòd ergo aliquando excommunicatio nocuerit, non remedij, non medentis hæc culpa, sed ægrotantis fuit.

Quanta series malorum ex bellis nascitur? num ideò tamen Ludovicus Galliæ Rex bello abstinuit, quo Belgium, Austrasiam, Alsatiam vastavit tanto impendio sanguinis Christiani? quòd si dicant, multa esse mala, quæ ex bellis, armisque proveniunt, sed multò plura fore, si bellare non liceat. Idem ego de Censuris, armisque Ecclesiasticis dicam, quibus si metu mali uti non possis, multò pejora evenient; quippe omnia Principibus licebunt, estque amplissimum in Gallijs exemplum, ubi Religio perierat, nisi vibratis Censuris, metùque Regni amittendi Henricus Magnus hæresin exuisset.

Sed nimius sum, cum rebus tam claris probandis, & totâ Ecclesiâ, semperque receptis consumor. Fecit Innocentius, cum Lavardinum excommunicavit, quod Symmachus, quod Innocentius, quod Hadrianus, quod Ambrosius, quod alij Pontifices, Patresque fecerunt, Faciat Lavardinus, quod

quod Arcadius, quod Carolus Magnus, quod Theodosius aliique Imperatores, hoc est, pœniteat, seque Pontifici subdat, nec erubescat post tot Imperatores culpam fateri. *Stravit*, inquit de Theodosio Ambrosius, (a) *omne, quo utebatur, Regium insigne: deflevit in Ecclesia publicè peccatum suum, quod ei aliorum fraude obrepserat; gemitu & lachrimis oravit veniam; quod privati erubescunt, non erubuit Imperator publicè agere pœnitentiam: nec ullus postea dies fuit, quo non illum doleteret errorem. Utinam Lavardinus imitetur.*

XXV. *Vigesimoprimum*: (b) Laudat Advocatus Lavardini, Pontificis Innocentij ad Deum, preces: sed negat istas in rebus agendis sufficere: *Audienda esse sapientum Consilia, interrogandos Canones, & ex horum præscripto, non ex privati inspirationibus sæpè fallacibus Bullas texendas esse. Si hac Innocentius præstitisset, nuperum contra Legatorum immunitates*

H 7

*Diploma*

(a). S. Ambros. Orat. funeb. in Theodos.

(b) Fol. 10,

*Diploma vulgatum non fore. Suffragia Cardinalium Bullæ adscripta subreptitia & extorta esse, nunquam enim Bullam fuisse Cardinalibus exhibitam. Clausulam & formulam illam Bullæ insertam videlicet, de consilio & consensu fratrum nostrorum S. R. E. Cardinalium illusoriam esse, nec ex vero appositam, sed stilo Cancellaria.*

**R.** Fateor, cùm hunc hominem de Orationibus, de Inspirationibus, deque sacris Canonibus disputantem audio, non magis risu abstinere posse, quàm olim Apelles, cùm futorem de Helena differentem. Quid enim in domo Lavardini minùs curatur, quàm sacri Canones, Orationes, sanctæque Inspirationes? & cujus rei major, quàm istius ignorantia? Consultius ergo tacere, quàm ignota narrare.

Cæterùm quid dici possit inverecundius, quàm non auditos esse, non consensisse Cardinales, nec Bullam eis communicatam; cùm tot Cardinalium nomina & suffragia sint  
Bullæ

Bullæ adscripta ? num ergo velatis oculis subscripsere ? Nihil planè de tam sacro Collegio, tôtque egregijs Senatoribus dici potest indignius, quàm aut non vidisse, aut non perpendisse rem tanti momenti, & cui subscribebant ; nam quod dicitur : *Extorta fuisse suffragia* ; nimis nota calumnia est : quì enim Innocentius extorsit ? vi, metu, an dolo ? at hæc omnia nimis aliena à Moderni Pontificis moribus, nec ullus Cardinalium de vi aut fraude conquestus, cùm tamen omnes subscripserint, Estreo & Maidalchino exceptis.

Nec dici potest, nimis festinatum esse ; cùm constet jam primis annis Bullam fuisse conceptam, & undecim annorum spatio maturatam, idque toties Regi Christianissimo insinuatum, & ab Isto, Ejusque Ministris Pontifici promissum est, in Gallijs quoque receptum iri aliorum Principum exemplo. Quot annis ergo opus est, ut maturum consilium dici possit, si undecim

decim non sufficiunt ? Quamquàm & iniustitia Asylorum tam clara & omnibus nota, ut nec Theologis, nec consilijs, nec annis opus fuerit ad eam ostendendam.

Paucas infra lineas redit Auſtor ad ipsam querelam videlicet : *Sapientissimos quosque S. Collegij non admitti ad Pontificis consilia, quibus nunc Europa turbatur.*

Ænigma videri possit, quos Gallus intelligat ijs verbis : *Sapientissimos quosque.* Constat enim Bullæ contra Asyla Cardinales Ciburum, Ottobonum, Cassanatam, Columnam, Azolinum, Pium, Chisium, Medici, Norfolcium, aliosque subscripsisse, Estreo tantum & Maidalchino exceptis ; oportet ergo Estreum & Maidalchinum solos inter *sapientissimos* reponi ; at ego hactenus credebam solos non esse.

XXVI. *Vigesimosecundo* : (a) Conqueritur, Pontificem Innocentium ex consilijs pendere Religiosorum ignorantium, rerumq; mundi expertium ; nec non Prælatorum  
minoris

(a) Fol. 10.



*minoris fortis, quibus unica cura genio Pontificis adulari, à quo extolli momentopossint.*

*R.* Quæ de Religiosis ignorantibus, minutisque Prelatis notâ Advocatis modestiâ declamantur, longâ refutatione non egent. In causa Asyloꝝ consilia cum Religiosis collata non credo, saltem me latet; nec opus erat, re toties, & à tam multis Pontificibus jam olim decisâ. In causa verò Regaliæ, & quatuor Propositionum Conventûs Parisiensis, scripsêre quidem Religiosi solito more, quippe jam à primis Ecclesiæ annis ea pars Religiosis servata, ut veritati succurrerent, quoties impugnabatur. Fecerunt ergo Religiosi, quod semper factum, & quod debebant. Ceterum an ignorantes illi sint, ex libris, quos scripserunt, agnoscas; illi testimonium dicent, quinam postulari ignorantia debeant, qui Regi, an qui Pontifici serviunt. Planè nemo totâ Galliâ repertus est, qui huic ignorantibus respondere sit ausus,

fus, aut qui potuerit; adeò veritas prævaluit, & æquitas causæ. Quòd si velint, ideò Religiosos, qui pro veritate scripserunt, ignorantes esse, quia scientiam Principibus adulandi non callent, & quam Gregorius Magnus egregiè depinxit; verum dicunt, fateórque ignorantissimos esse, nullóque modo cum aulicis Lavar dini, aut cum Regis Confessario posse comparari. Sic verò illam Gregorius descripsit: (a) *Deridetur justì simplicitas. Hujus mundi sapientia est, cor machinationibus tegere, sensum verbis velare; quæ falsa sunt, vera ostendere, quæ vera sunt, falsa demonstrare: hoc qui sciunt, ceteros despicendo superbiunt. At contra sapientia justorum est, nihil per ostensionem fingere, sensum verbis aperire, falsa devitare, pro veritate contumeliam lucrum reputare. Sed hæc justorum simplicitas deridetur, quia ab hujus mundi sapientibus puritatis virtus fatuitas creditur. Omne enim quod innocenter agitur, ab eis procul dubio fatuum reputatur.*

Quæ

(a) S. Gregor. lib. 10. moral. c. 16.

Quæ de *Minutis Prælati*s dicuntur, eos videlicet spe præmiorum Pontificis genio adulari, nescio quem feriant; credo enim verò nullum in palatio Pontificis morari tam minutum Prælatorum, qui non pluribus æquivaleat Lavardini Spatharijs, & quot fascis Advocatorum, quòtque Talonij sufficient, ut unum ex minutis hisce Prælati componant? Multò minùs constat mihi, quâ illi spe ducantur; illud certum est, nemini hætenùs, qui in Regaliæ & quatuor propositionum conflictu causam veritatis egerunt, meliorem fortunam provenisse, aut à Pontifice auctum esse, si Cardinalem Aguirre excipias, cui excellens doctrina exemplo Baronij, Bellarmini, Cajetani, aliorumque Purpuram meruit: ego si pro lucro, non veritate certandum sit, malim Parisijs operam locare, quàm Romæ, spem enim provocarent Maimburgi exempla, ac præsertim Regij Confessarij, cujus familia ex tenui & arida, (3)

da, (a) aded opibus aucta est, ut pretio ducenties millium Francorum excubias Regij Palatij coëmerit, præter alia nec pauca emolumenta. Tanti videlicet pretij est Theologia aulicis grata: nihil simile Roma.

Paria ferè sunt, quæ in sua Apologia Ministris Pontificijs Lavardinus objecit, videlicet: *Omniū contentio-  
num, quæ Pontificem inter, Regemque agi-  
tantur, causam temeritati ac insolentia Mini-  
strorum adscribendam esse, qui ob Pontificis  
defessam annis, morbisque atatem, negotijs  
admoti illius gratiâ abutantur, Galliaq; tur-  
banda omnem lapidem moveant.*

Ita placuit Lavardino loqui, qui specie humanitatis tunc maximè Pontificem arguit, cùm maximè excusat. Quid enim pejus de Principe dicas, quàm quòd Ministris utatur temerarijs, insolentibus, ac hostibus publicæ pacis, & istis non molem tantum Principatûs, sed etiam ani-  
mum

(a) Capitanno della Porta del Louvre.

mum ac gratiam fuam committat? Planè ingentia cogitanti, quæ in componenda difciplina Ecclefiaftica, in abufibus corrigendis, in profligandis hærefibus, ac præfertim in Turcico imperio propè ad internecionem ufque delendo, à Moderno Pontifice feliciffimè peracta funt, adeò ut hac in re non omnium tantùm retrò Pontificum memoriam, fed etiam omnium mortalium fpes & vota fupèrârît; oportet, inquam, ingenuè fateri, Miniftros Innocentij non temerarios, non insolentes efle, fed tales, quorum merita Galli imitentur, feque felices ducant, fi aliquam tantùm partem eorum gloriæ ac virtutis confequi poffint; nam quòd ijs odium Gallicæ Nationis Lavardinus obijcit, compertum eft, non poffe odij accusari in ea caufa, quæ non folos Galliæ, fed omnium Regnorum, Principumque Legatos tangit, & quorum nemo hætenùs conquæftus eft, fibi injuriam fieri. Nulla ergo  
in

in causa tam justa, tamque omnibus probata Ministrorum Pontificis culpa, sed eorum tantum, qui contra omnium Principum exempla retinere potentiâ volunt, quod jure non possunt, aliósque injuriæ ac odij postulant, qui sua, imò qui Christi patrimonia usurpari non sinunt.

Quamquàm quid frustrà ego excusandis Ministris laboro, quando nemini compertum non est, hodiernum Pontificem nunquàm ex Ministrorum consilijs pependisse, sed conscium potestatis, ac muneris sui, ac præsertim cælestis patrocini, rebus lentè discussis omnia arbitrio suo ac prudentiâ metiri, nec alijs imperandi, sed obsequendi munus relinquere, aded ut si quæ culpa est, soli Pontifici adscribi debeat, rerum omnium, quæ sunt, & conscio, & arbitro; quamquàm nec culpa, nec imprudentia dici potest, quod tanto tempore, tamque maturis consilijs, assensûque totius ferè sacri Collegij, imò totius Orbis

Orbis terrarum, si paucos Gallorum excipias, probatum, decisumque, est. Cæterum ex hoc quoque Lavardino ignosci potest, quando Romam nuper ingressus nec Pontificis mores, nec integritatem Ministrorum satis compertam habuit, & ideò utròsque ex aulæ genio æstimavit.

XXVII. *Vigesimotertiò*: (a) Ingenti & magnificâ Digressionē à Legatorum Asyulis ad Conventûs Parisiensis Propositiones conversus: Ignorantissimos esse, dicit, qui Declarationem Parisiensem novitatis accuset, cùm constet, antiquissimam esse Gallicana Ecclesiæ sententiam. Quòd si privati aliqui Doctores, aut etiam ipsa Synodi Gallicana, ut illæ anni 1614. & 1615. contrarium docuerint, reliquias fuisse infortunati illius fœderis, quod Ligam vocant; tunc enim Pontificis emissarios alienis doctrinis Galliam imbuisse; ac præsertim Cardinales Jojosam, Peronium, Surdium: Ducèsque ac Marefcallum Guisium Majenium, Espernonium, & Ancreum conatos esse Par-  
lamentum,

mentum, ac facultatem Theologicam pervertere, sed nunquam potuisse. Antistites, qui Parisiensi synodo interfuere, & merito eminentis doctrina, & Zelo Religionis, & conversione tot hæreticorum ( quos invictis rationibus domuerunt ) tantum sibi fama comparasse, ut sufficiat illorum auctoritas sustinenda nupera Declarationi, ac hominibus persuadendis nullo privato affectu præventis. Ex adverso nuper ad purpuram promotos multò inferiori merito esse, nullaque re aliâ commendabiles, quàm odio Gallorum, vastisque voluminibus, quæ fabulis, vanisque ac millies refutatis rationibus infarserint.

R. Sic solent victi : mordent & lacerant, cùm arma perdidere. Ignorantissimos dicit, qui nuperam Declarationem Conventûs Parisiensis novitatis accusant. At lubeat Lavar-dino, ejusque Ministris ea perlegere, quæ à Cardinali Aquirre, & Auctore Galliæ Vindicatæ scripto vulgata sunt, videbítque Parisiensem Declarationem tam alienam esse à Patrum, ac præsertim Ecclesiæ Gallicanæ doctrina,



doctrina, ut nihil magis; nec mihi quæ illic dicta sunt, & quibus Galli respondere nihil possunt, reperere animus est, quippe in alio argumento versamur. Perronij & Richelij Cardinalium doctrina, & in Galliam merita mundo notiora sunt, quàm calumnijs obscurari possint; & quis in nupero Parisiensi Conventu sedit, qui cum Perronio & Richelio possit comparari?

Et illud quóque risu dignum: *Perronij, & Gallia synodorum doctrinam reliquias fuisse fœderis Gallijs infaufti.*

Nimirum Constantinopolitanum, Ephesinum, Chálcedonense, Lateranense, Lugdunense, Ferrariense Concilia: sancti quóque Cirillus, Athanasius, Cyprianus, Damasus, Bernardus, Antoninus, Bonaventura, Thomas, aliique Patres, qui Parisiensi declarationi adversantur; reliquiae dici possunt fœderis sacri. Illud verius dixissent, Religionem Catholicam reliquias esse fœderis  
I sacri,

sacri, nisi enim hoc esset, nunquàm Henricus, nunquàm Henrici filij, Nepósque, sicque nunquàm Gallia hæresin exuisset.

Quod additur de doctrina Galliæ Episcoporum, parùm interest meâ, docti an indocti fuerint, qui Parisijs sederunt; nam & Nestorius, & Arius, & Calvinus docti fuêre. Plures in Gallia fuisse, qui purpuram ambi-  
erint, credo: plures meruisse, quàm qui nuper promoti, ignoro; Pontificis iudicium fuit, qui tamen nec Galliam omisit, quamquam non illos elegerit, quibus major cura tantam dignitatem optandi, quàm merendi. Nec ob libros eruditissimè scriptos alium quàm Cardinalem Aguirre evectum scio. Nullum huic in Gallos odium, sed unus amor veritatis, & hæc tam invictè probata, ut nihil Gallis occurrerit, quod responderent; tam etiam modestè proposita, ut habeant Adversarij, quod imitentur: sed cum nec imitari modestiam velint, nec re-  
spondere

spondere rationibus possint, ad convitia & injurias appellant, & molem libri accusant, cum opprimuntur mole veritatis.

Auctoritatem quod attinet Conventus Parisiensis, nullius plane momenti est.

Nam *primò* constat, Patres, qui huic Conventui affederunt, alios odio & vindicandi cupidine; alios metu corruptos fuisse. Repetantur memoria, quæ Pontifex contra Regaliam, proque libertate Gallicanæ Ecclesiæ fecit, & ex adverso quàm iniquis animis à Galliæ Episcopis ( quorum tamen causa agebatur ) ac præsertim Tholosano & Parisiensi Archiepiscopis accepta fuerint, & quàm sæva ab illis persecutio secuta. Relegantur etiam, quæ ipsi Galliæ Antistites litteris (a) ad Pontificem datis de suo metu professi sunt, quæque illis Pontifex respondit; & continuò patebit, verum esse, quod dixi, in Conventu Parisiensi

I 2

fienſi

(a) Anno 1682.

fiensi omnia odio , metúque agitata esse. Et quid boni speres , ubi odium præsedet , metúsque subscripsit ? & quoties experimur , etiam sapientissimos hominum , quoties his affectibus rapiuntur , multa facere & dicere , quorum ipsos poeniteat , aut saltem pudeat ? Nota sunt Tertulliani , Origenis , Luciferi , Photij aliorúmque exempla.

*Secundò.* Nulla Conventui Parisiensi facultas contra omnium Patrum , Conciliorum , ac præsertim Gallicanæ Ecclesiæ sententiam aliquid statuendi. Qui enim Conventus Parisiensis , ut cum tota retrò Gallicana Ecclesia comparari debeat ? quantóque minùs tot Concilijs & Patribus præferri ? aut si auctoritas & doctrina te movet , cur non magis movet , tot Patrum , tot Conciliorum , imò Ecclesiæ totius , quàm paucorum , quos odium , metus , vindicta , adulatio perverterant ?

*Tertiò.* Et quid miraris Parisiensem  
Con-

Conventum errâffe, quando conftat ob fimiles ferè caufas Antiochenfe, Ariminenfe, Ephelinum fecundum, & alia Concilia errâffe, in quibus longè major & numerus, & doctrina, quàm in nupero Parifiensi: & quis nescit etiam hæreticis fuos Conventus & fynodos effe, in quibus fortè non minor doctrina quàm Parifijs, fi hæc fufficeret: non ergo ab istis veritas quærenda, fed ab illo, cui Chriftus dixit: *Ego pro te rogavi, ut non deficiat fides tua, & tu aliquando conversus confirma fratres tuos.*

*Quartò.* Adde & Regaliæ, & quatuor Propositionum caufas ad majores, imò maximas pertinere, quæ etiam Gallorum testimonio foli Pontifici refervantur; hic ergo folus & unicus Judex; at plus valet, magisque obligat unius Judicis fententia, quàm mille aliorum judicia, quibus nulla auctoritas decidendi. Denique certum eft, & alibi, invictèque probatum, Concilia à Pontifice improbata nullius effe auctoritatis; quantò ergo

minoris auctoritatis Conventûs Parisiensis decreta? Poterit ergo Episcopis Parisiensibus ab Innocentio reperi, quod olim Ariminensibus à Damaso dictum est: (a) *Numerus Episcoporum, qui erant Arimini (Parisijs) congregati, præjudicii vim habere non debent, præsertim cum formula illa concepta sit, neque Episcopo Romano (cujus ante omnia sententia expectanda erat) neque alijs ei consentientibus.*

*Vigesimoquarto*: Multa subdit de libertatibus Ecclesiæ Gallicanæ, quas negat Pontificum privilegijs deberi. Sed cum hoc nihil pertineat ad præsens argumentum, sitque integris libris confutatum, alto Gallorum silentio, nihil habeo quod addam, præter illud Apostoli: (b) *In libertatem vocati estis fratres; tantum ne libertatem in occasionem detis carnis.*

XXVIII. *Vigesimo quinto*: Negat Leges, Bullasque à Pontifice latas ad Principum Oratores, eorumque domus

(a) Theodor. l. 2. c. 22. (b) Ad Galat. 5.

mus, & viciniam, feu quarterium extendi poffe. (a) *Legatum enim Personam Principis, ejusque supremam, & independentem auctoritatem repræsentare; ædes Legati, effe ædes Principis, nec proinde Pontificis legibus comprehendî. Hæc Lavardino comperta, & ided nihil Innocentij Bullæ deferre potuiſſe.*

R. Si hæc ita habent; ergo non ſolùm Romæ Regijs Legatis jus Aſyli & Quarterij, ſed omnibus Principum Legatis, & in omnibus aulis competet, ac præſertim Pariſijs Legato Pontificis. Hic enim eâdem ratione, quâ Lavardinus cauſari poterit: ſe Pontificis supremam & independentem auctoritatem referre: ædes ſuas, ædes effe Pontificis, nulliſque Regijs Legibus ſubjacere, nec à Regijs ſatellitibus viciniam ſuam percurri poſſe. Quæ omnia ſi nec Pariſijs, nec alibi locum habent, cur habeant Romæ? an verò ſoli Galliæ Legati Principem ſuum repræſentant?

tant? Et si esse Galliæ Legatum est Legitimus titulus Asyla & Quarterium obtinendi, cur hoc tantum Romæ, & non alibi Gentium? Certum igitur est omnium Principum Gentiumque exemplo, Jus Asyli & Quarterij saltem extra proprias ædes, multoque magis in tota vicinia Legatis Principum nec deberi, nec dari; malè igitur à Lavardino petitur titulo Legationis.

Taceo Lavardinum Legatum non esse, cum ut sæpè repetitum, non solum mittentis consensus Legatos faciat, sed etiam Principis, ad quem mittitur.

Taceo in nupera Innocentij Bulla non contineri Legem verè humanam, sed Divinam & naturalem (cui omnes non tantum Legati, sed etiam Principes subduntur) videlicet: *Non invadendi, nec retinendi aliena Domino invito.*

Taceo denique Legatos etiam agnitos, receptosque multis ex causis remitti posse, præsertim cum hostilia moliun-



moliuntur, alienam Jurisdictionem invadunt, aut invasâ abstinere nolunt, cûmque Principi, ejûsque Ministris Justitiæ insultant, ut nuper Lavardinus.

XXIX. *Vigefimosextò*: (a) Obijcit Possessionem immemoriam.

17. Hoc unicum est argumentum, quo decipi solent simplices, rerûmque ignari; & tamen instar aliorum planè vanissimum: imò tantum abest, præscriptionem obtendi posse, ut potius hoc ipsum jus immunitatis & Asyli pro exemplo serviat rerum impræscriptibilium; aded ut si in scholis Juris-Consultorum quæratur: *Quodnam sit paradigma rerum, quæ nunquam præscriptæ sunt, & nunquam præscribi possint?* Respondere debeat: *Jus Asyli à Lavardino Roma petitum*; in hoc enim uno omnes defectus Præscriptionis conveniunt.

Piget me ad ista devolvi, sed postquam Gallus hoc argumento uti voluit,

luit, in eoque summam rei collocare, non possum filere. Nego ergo hoc jus Asyli à Gallis præscriptum esse, aut aliquando potuisse præscribi.

Nam *primò* Præscriptio non est Divini aut naturalis, sed humani juris, ac civili lege inducta. Unde si supremus Princeps, qui Civili Lege non tenetur, declaret se nolle, ut res aliqua intra suum Principatum præscribatur, certum est præscribi non posse. At Pontifices Romani à Julio III. usque ad Modernum Pontificem semper & factis, & severissimis Legibus professi sunt, nolle se, ut hujusmodi immunitas tanquàm publicæ quieti, Gentium juri, humanisque commercijs adversa præscriberetur; non ergo præscribi potuit.

*Secundò.* Tota & unica ratio, ob quam Præscriptio admissa est, illa fuit; ne jura & Dominia rerum incerta essent, si multis annis, quieteque ab aliquo possessa restitui deberent. At hæc ratio in nostro casu  
locum

locum non habet : nec enim incertum esse poteft, ad quos pertineat jus capiendi, puniendique reos in tota Romana urbe, & locis à Lavardino prætenfis ; cùm certiffimum fit ad Romanos Pontifices pertinere , ab ijsque femper exercitum , ut ex Archivij, Protocollis , communi totius urbis testimonio, ac confessione etiam Gallorum conftat, quod fuprà ostendimus, cùm de Piſana conventionē ageretur.

*Tertiò.* Ad præſcriptionem requiritur bona fides in legitimo aliquo titulo ſive vero, ſive præſumpto fundata, aded ut ſublatâ bonâ fide, ne mille quidem annorum poſſeſſio præſcriptionem pariat ; idque ut Præſcriptio à furto & rapina diſtinguatur : at in noſtro caſu, quæ bona fides, quifve legitimus titulus aut eſſe, aut præſumi poteſt, quando Summi Pontifices legitimi iſtarum rerum & unici Judices toties & tam enixè publicisq; edictis hæc Aſyla prohibuere, imò abuſum

appellârunt *abominabilem, detestandum, publicæ pacis perturbativum, fomitem rebellionis, pessimi, valdéque perniciosi exempli, rem enormem, nimiam corruptelam, ausum temerarium, abominabile & detestandum nomen*, fierine, inquam, potest, ut bona fides ac legitimus Titulus esse vel præsumi possit, in rebus, quas ex Principis edicto constat, *abominabiles, enormes, detestandas esse, &c.* Quod si nec bona fides, nec titulus Legitimus, ergo nec Præscriptio.

*Quartò.* Certum quóque est, sine continuata & nunquam interrupta possessione nec esse, nec concipi posse ullam Præscriptionem; imò hæc nihil aliud est, quàm continuatio Possessionis. At in argumento, de quo agimus, quí fieri potest continuatam fuisse Possessionem, quando ab omnibus Pontificibus tot edictis, tot actibus, exemplisque in contrarium editis abrupta & truncata est, quoties micare & prodire ausa? Quis  
vocat

vocet adultam, quæ toties in cunis oppressa, quoties nata?

*At Legati sæpè conati sunt hanc immunitatem sibi vindicare, imò aliquandiù eâ usi sunt.*

**R.** Aliud est conatus & factum; aliud præscriptio; si conatus & facta ad præscriptionem sufficiant, jam dudum patrocínio Præscriptionis homicidia, adulteria, perjuria & omnia flagitia liceant, quæ multò pluribus conatibus, exemplisque, quàm immunitates Lavardini nituntur.

Quòd si dicas: *Hæc juri Divino & naturali adversari, & ideò præscribi non posse.*

Respondebo non minùs esse juris naturalis, Divinique hæc præcepta, quæ pro basi totius Juris-prudentiæ Justinianus posuit videlicet: *Neminem ledere, jus suum unicuique tribuere;* quæ palàm est violari usurpato à Legatis jure Asylorum, quæ enim major læsio & fraudatio juris alieni esse potest, quàm supremum Principem & Pontificem magnâ parte Jurisdictionis in Urbem Romanam pri-

vare, & flagitijs, ne deleri possint, patrocinium præstare paratâ impunitate?

*Quintò*: Æquè certum est, quæ juri publico, & communi quieti repugnant, nullo tempore præscribi; at verò quid magis repugnat, quàm hoc Asylorum jus, quo datâ flagitijs securitate & licentiâ, necesse est publicam quietem proscribi. Ipsi Galli, quando contra Jus Regaliæ longissimam Possessionem, ac suprâ omnem memoriam pro Ecclesijs allegari audierunt, quid aliud & sæpiùs respondere, quàm juribus ad Coronam & Principatum pertinentibus præscribi non posse? At verò jus crimina puniendi multò magis Coronæ, supremæque auctoritati annexum est, quàm jus Regaliæ: nam sine hoc possunt Regna & Principatus consistere, imò si Galliam excipias, nullum Regnum hoc jure potitur; non verè conservari Regna possunt sine auctoritate necessaria puniendi sceleratos; id enim

enim ad publicam quietem & pacem pertinet, cui promovendæ Principatus instituti sunt.

*Sextò.* Denique Præscriptioni complendæ tempus necessarium est; nec enim quovis die aut anno aliena jura præscribi possunt: sed contra privatarum Ecclesiarum jura quadraginta annorum tempus necessarium est: contra verò jura Romanæ Ecclesiæ centum añorum. At Legati, quamvis cum alijs Urbis Magnatibus usurpare hoc jus jam Julij III. ætate conati sint, eo tamen semper expulsi, coactique cedere, liberâ justitiâ & omnibus locis exercitâ usq; ad annum 1670. quando sub Clemente X. ob causas nuper libatas, non edictis quidem, aut pœnis, nec etiam satellitum excursu Asyla Legatorum turbata sunt; sed tantum precibus, querelisque apud Principes actum, ut hunc usum extinguere permitterent. Idque multò efficacius à Moderno Pontifice, quod solum sufficeret impediendæ præscriptioni,

scriptioni. Demus ergo (quamvis ob causam modò allegatam ne hoc quidem concedi possit) duodeviginti annos elapsos esse; quantum id temporis est, ut non dico contra Pontificem, sed ne quidem contra privatum Civem præscribi possit? nihil ergo Lavardinum juvat ostentata Præscriptio.

XXX. *Vigesimoséptimò* : Conqueritur, *violari Pisanam Conventionem.*

xx. Pisanâ Conventione nihil aliud contineri, quàm ut Legatis Galliæ honor exhibeatur tanto characteri debitus, non verò, ut jure Asyli gaudeant, præsertim, quando alij Principes ei renuntiârunt. Imò Alexander VII. constantissimè negavit auctoritatem suam Asylo præstare, illudque ratum habere, ut ex publicis documentis constat. Aliud est ergo honor legatis debitus, aliud Asylum, neque hoc ad jura Legatorum pertinere, omnium, qui de hac re scripserunt, testimonijs constat, patétque aliorum



rum Principum exemplo. Deinde Pisana Conventio de Legatis loquitur, qualis Lavardinus non est, quando, ut suprà jam monui, non solius mittentis imperium Legatum faciat, sed etiam consensus Principis, ad quem mittitur.

XXXI. *Vigesimo octavò: Multis locis conqueritur Lavardini Orator: Modernum Pontificem Innocentium malè in Gallos animatum esse; idque toto sui Pontificatus tempore multis, magnisque exemplis ostendisse.*

R. Posset Innocentius respondere, quod olim Elias similis culpæ à Rege postulatus: cùm enim illum istis verbis Achab alloqueretur: *Tu ne es ille, qui conturbas Israël?* Respondit: *Non ego turbavi Israël, sed tu, qui dereliquisti mandatum Domini.* Si Galli justa peterent, & quæ concedi possent, meritò & ante alios audirentur. Cùm verò illa petant, quæ Conscientia non admittit, quis amabo causa repulsæ?

pulsæ? qui petit, an qui negat indigna? permittant Galli aliquem locum Conscientiæ, nec injuriam aut odium putent Regem soli Deo postponi.

Recensebo, de quibus Galli causantur, se à Pontifice exauditos non esse, sitque Lectori judicium, odium an necessitas dici possit, quidquid Pontifex Gallis negavit?

Primò enim Rex Christianissimus Jus Regaliæ propriâ auctoritate ad Ecclesias duplo plures extendit, quàm quæ antea huic servituti subiectæ erant, imò etiam ad Ecclesiam regularem, qualis fuit Apamiensis, idque contra Lugdunensis Concilij Decreta, contra Præscriptionem immemoriam, contra Leges omnium retrò Galliæ Regum, & denique contra jus & immunitatem tot Ecclesiarum.

*Secundò.* Vicarij Generales ab Apamiensi Capitulo Canonicè electi, Regiâ auctoritate operaque Archiepiscopi Tholosani expulsi sunt, aliique

que intrusi, Canonicis omnibus Regularibus, Apamiensis Ecclesiæ direptionibus, carceribus, exilio puls, totóque Capitulo illius Ecclesiæ dissipato; unde funestum schisma secutum, durátque in hunc diem.

*Tertiò.* Nominatio in aliquibus Monasterijs Urbanissarum Sanctimonialium Regi vindicata, suppressis liberis Electionibus, intrusisque Titularibus Abbatis, unde summa ac plena scandali inter sacras Virgines exorta confusio.

*Quartò.* Oppressio Cluniacensis Abbatiae, in qua licet vi Concordatorum jus eligendi sit penès Religiosos, & ij quendam Patrem Beuveron canonicè elegissent, hoc tamen renuntiare coacto, punitóque longo exilio substitutus est Bullonius Cardinalis, quem nunquam Pontifex adduci potuit, ut confirmaret, quippe contra Canones intrusum, cúmque insigni injuria, damnóque canonicè electi.

*Quintò.*

*Quintò.* Extincta quóque sunt Regiâ auctoritate quàm plurima Leprosoria, & loca pia ( quorum plurima ad Ordinem S. Lazari spectabant ) & Regis jussu invalidorum Xenodochio unita, quod noluit Pontifex ratum habere.

*Sextò.* Usurpata quóque nominatio Abbatum in quàm plurimis Galliæ Monasterijs, alijsque Provincijs bello quæsitis, cum certa clade Instituti & Disciplinæ Regularis, quod nunquàm Pontifex probavit.

*Septimò.* Nominati quóque sunt ad vacantes Ecclesias duo ex illis Prælati, qui anno 1682. Conventui Parisiensi assedere, novamque & omnibus Ecclesiæ, Galliæque Patribus adversam doctrinam inducere moliti; ac etiam pro Regalia deciderunt, excluso Pontifice, cujus tamen judicio causas majores reservari certissima Patrum Regula est, etiam à Maimburgo, alijsque Gallis admissa. Hos verò à Rege nominatos Episcopos tan-

tanquàm suspectâ , sacrisque Canonibus adversâ doctrinâ infectos Pontifex respuit; unde Galli animum obfirmârunt, ut ne quidem alios Episcopos ferè triginta proponerent, ingenti vacantium Ecclesiarum damno.

*Octavò.* Taceo novam, & Gallicâ pietate indignam persecutionem, quâ contra Ecclesiæ immunitatem tot insignes, præclarique Sacerdotes, & Ecclesiasticis Dignitatibus aucti, carceribus, proscriptionibus, exiliisq; puniti sunt. Hæc nunquam Innocentius probare potuit, & quî posset à sacris Canonibus, ab Ecclesiæ Gallicanæ institutis, & Legibus Divinis, humanisque adeò aliena? Hinc Gallorum querelæ, qui & Pontificem, & Pontificis Ministros, odij aculant, quòd non velint, quæ non licent quòdque non possint Regiorum Ministrorum cupiditatibus adulari; & Deum, Conscientiam, Regemque prodere tam turpi ac indignâ conniventia.

XXXII. *Ultimò. Denique sparsim hic Auctor minatur : (quod etiam Lavardinus in fine Apologiæ suæ fecerat) Si quis reverentiæ & honori defuerit Legato tanti Monarchæ debito, reum illum fore omnium malorum, quæ ex irata, offensâ-que Regis Majestate provenire possint.*

R. Jam observatum est, Asylum non pertinere ad honores ac jura Legatorum, nec Lavardinum posse Legatum dici, sicque nullam justam causam prætexi Regiæ indignationis. Quòd si tamen, ut Lavardinus minatur, Christianissimo Regi placuerit armis hanc causam finire, & quod jure non potuit, vi ac potentiâ exprimere, nihil aliud Innocentio supererit, quàm ut patientiâ Pontifice dignâ, quidquid Regi visum fuerit, intrepidè patiatur, seque non Achillis, aut Hectoris, sed Piscatoris successorem meminerit, cui, ut gladio abstineret, à Christo imperatum est. Non ergo Christianissimo Regi,  
Eccle-

Ecclesiæque Primogenito aut arma, aut acies opponet, sed reverentiam Pontifici debitam. Dicetque Innocentius, quod olim & in simili causa Ambrosius: (a) *Meministis, quod lectum est, Nabuthem sanctum virum possessorem vineæ suæ interpellatum petitione Regiæ, ut vineam suam daret, respondisse: absit ut ego tradam Patrum meorum hereditatem, si ille vineam suam non tradidit, nos trademus Ecclesiam Christi? Quid igitur responsum est à me contumaciter? Dixi enim conventus, absit, ut tradam Christi hereditatem. Respondi ego quòd Sacerdotis est, quòd Imperatoris est, faciat Imperator, prius est, ut animam mihi, quàm fidem auferat. Si à me peteret, quod meum esset, id est fundum meum, argentum meum, jus huiusmodi meum, non refragarer; Verùm ea, quæ Divina, non esse Imperatoriæ Potestatis: si Patrimonium meum petitis, invadite: si corpus, occurram, vultis in vincula rapere, vultis in mortem? voluptati est mihi, non ego*

(a) Ambros. in Auxent. & epist. 33.

216 *De Abusu Franchitiarum, &c.*

*ego me vallabo circumfusione populorum,  
nec altaria tenebo vitam obsecrans, sed pro  
altaribus gratius immolabor. Hæc olim  
Ambrosius Valentiniano Impera-  
tori. Hæc iterum Innocentius  
Ludovico Regi.*

**F I N I S.**



**REFU.**





# REFVTATIO

TALONIJ

REGIJ ADVOCATI

Ex Gallico in Latinum Ser-  
monem translata in gratiam  
Veritatis.



*Qui maledixerit Patri  
suo, &c. Exod. 21. 17.  
Principi populi tui non  
maledices. Exod. 22. 28.*

*Verè frustra impugnatur, qui apud  
impios & infidos impietatis arcessi-  
tur, cum fidei sit magister. Ambros.  
in Psal. 118.*

K

Com-

**C**omparuit nuper audax  
 quædam declamatio à  
 Talonio typis vulgata,  
 sententiæque præfixa, quam Pa-  
 risiense Parliamentum contra  
 Bullam Innocentij XI. dixit; hoc  
 est contra illud Diploma, quo  
 Pontifex Romanus illos omnes  
 anathemate percellit, qui Asyli  
 aut immunitatum ( quas Franchi-  
 tias vocant ) prætextu sceleratis,  
 latronibus, proscriptisque patro-  
 cinium & securitatem præstant,  
 & illos justitiæ, meritisque pœnis  
 subducunt.

Planè nisi hoc Talonij folium  
 palàm, totaque Lutetiâ visum  
 esset, ac insuper nomen Parla-  
 menti ostentâssset; quis unquam  
 credidisset tam infame scriptum,  
 totque

tôtque in Romanum Pontificem, sedémque Apostolicam injurijs sparsum sub Rege sapienciâ & Religione præcipuo aut toleratum, aut Advocati Generalis calamo emissum iri, jam annis, studiisq; forensibus cani? Constat equidem flagrante juventute multa ab hoc Togato contra Romanam Ecclesiam ex Lanoij scriptis profusa esse, illius, inquam, Lanoij, cui non alius scribendi scopus, quàm ut detraheret Pontificum auctoritati. Cæterùm sperari poterat ætate annis & experienciâ rerum auctâbilem tandem minutum iri, ardoremque juventutis, quo tam multa contra Sedem Apostolicam inconsultè latraverat. Sed & reverentia non Ecclesiæ tantum

Gallicanæ debita, sed toti Catholico Orbi (cujus caput visibile, Christiꝑ; Vicarium tam indignè invaserat) & metus quoꝑ; omnium animos in se provocandi prohibere eum debuit tam pudendo facinore. Nam cùm viginti abhinc annis orationem vulgasset erroribus, injuriisꝑ; plenam; continuò Clerus Gallicanus contra illam querelis supplicique ad Regem libello pugnavit, & schismatis, hæresisꝑ; convicit; quis non crederet cautiùs progressurum jam semel & tam graviter ictum? & tamen nunquam insolentius in Pontificem, sedemꝑ; que Apostolicam, quàm in nupero libello debacchatus est, nescias sponte suâ, nativâꝑ; intemperie id fecerit, an ut aulæ blandiretur.

Sanè

Sanè in tanti momenti negotio, quódque Europam totam concusserat, nemo non expectabat, ex historijs, legibus, ipsíisque visceribus causæ magnum aliquid à Talonio productum iri, & par tam injustæ, vanæque moli sustinendæ. Nam quantis & quàm validis rationibus opus, ut hominibus persuadeas, licere Gallis in alieno Principatu, inque ipsa Metropoli supremâ uti potestate Principe invito? Et tandem jus illud immunitatum & Franchitiarum tantâ contentione à Talonio defensum, quid aliud est, quàm potestas Principem in suis provincijs auctoritate privandi; alienam jurisdictionem invadendi; impunitatem omnibus flagitijs parandi; in

communi totius Orbis Patria ( sic enim Romam Talonius appellat ) & in qua summa necessitas disciplinæ, leges omnes pervertendi; & denique tot hominum millia, quæ ex toto Orbe Romam conveniunt, sceleratorum arbitrio & licentiæ exponendi, nullo justitiæ præsidio ? En tibi egregiam Franchitiarum ideam ! & tamen hæc ipsa est, cui tanto studio Lavardinus laborat. Si damna & perniciem reputes, quæ ex hoc jure Asyli proveniunt, omninò concludas, etiamsi aliquâ ratione niteretur, à Rege Christianissimo abdicandum esse, idque ad ejus pietatem & justitiam pertinere, ne videlicet tot flagitiorum se reum constituat, quibus usurpatum hoc privilegium,

gium aut causam præbet, aut occasionem.

At Talonius in vulgata nuper invectiva non argumentis, non probationibus causam Asylorum propugnat, nec saltem pompâ illâ mendicatæ eruditionis, quam alibi ostentat: nihil de usu, nihil de possessione Regum Galliæ post fundatam Monarchiam, nihil, inquam, istorum; sed aut Rethoricis figuris contentus, aut fumo Gallicanæ libertatis, aut declamationibus in aulam Romanam, aut alijs cantilenis toties auditis, totiesque refutatis; illud unum inculcat repetitque: *Jus Asyli ad Regem pertinere, nec unquam abdicatum iri.* Quòd si tanti privilegij causas & rationes quæras; non alias affert, quàm si-

dem & auctoritatem suam : *Talonus dixit.*

Contendit: *Nec Reges, nec Regum Legatos posse excommunicatione puniri: Ecclesiam S. Ludovici injustè Interdicto suppositam.* Sed nullam rationem adjungit tantæ criminæ nationis ; facilius quippe, breviusque Talonio visum, si causam non examinaret, non discuteret ; sed more sibyllarum oracula proferret nullâ curâ probandi : *Roma potestate suâ abutitur, Roma Gallia libertates deflorat :* Hæc summa negotij. Quem ergo effectum pariet hæc Talonij Oratio à Gal-  
lis tam decantata ? non alium credo, quàm ut tripudient hæretici : eruditi contemnant : Catholici, addictique Romanæ Ecclesiæ indignentur : omnes verò  
boni



boni infortunium Galliæ deplorent, quæ hominem ferat summo Sacerdoti tam audacter insultantem, tantæque fiduciâ schismati præcinentem, idque sub illo Rege, cui tanta sapientiæ & æquitatis cura.

Augétque dolorem, quòd illi ipsi, quos rebus Ecclesiasticis Rex Galliæ præfecit, & quorum operâ, consiliisque utitur Romæ, non tantùm non offendantur hujus Advocati petulantia, verùm etiam applaudant, exultentque; imò tam indignæ in Romanam Ecclesiam rebellionis ipsi sint auctores, fabri que calumniarum, quibus tanti Pontificis nomen audent defædare.

Cæterùm injuriæ toto hoc Talonij libello sparsæ, adeò turba-

K s

tim,

tim nullóque ordine incedunt, ut ijs componendis nulla mea cura suffecerit; fateor enim conatum me esse, ut illas disponerem, quo videlicet clariùs apparere, convincique possint: sed ut dixi, prævaluit Auctoris confusio, ut proinde oppugnari à me debeant vago certamine, & prout singulæ occurrerint. Nisi fortè omnia ad hæc capita reducas, videlicet *Primò* ad injurias & convitia, quæ impudenter in Pontificem vomit. *Secundò* in querelas, quas de Pontifice malè in Gallias animato sparsim accumulatur. *Tertiò* in sententias erroneas circa auctoritatem Ecclesiæ Romanæ Matris & Magistræ omnium Ecclesiarum. Et *deniq;* in vanissimas ratiocinationes, ac puero, quàm Advoca-

Advocato magis dignas, quibus Imaginarium jus Asyli, & Divino, humanoque juri contrarium, Regi Christianissimo vindicare contendit. Hæc merces Talonij; & quamvis nemo unquam Assentatorum huc usque processerit, placuit Talonio illos omnes superare adulandi peritiâ.

*Primò igitur Pontifici objectat: Jam à pluribus annis statuisse hostem se Gallorum profiteri, amicum verò omnium, quibus Gallie potentia aut odiosa, aut suspecta.*

Vides exordium tam grandis calumniæ: quid porrò à Talonio expectas? ut probet? ut fœdera narret cum Gallie hostibus ab Innocentio percussa? ut bella, aut saltem machinationes producat

ducat in Galliæ perniciem? nihil istorum; constat enim id maxime ab Innocentio hætenus curatum, *ut* animos Christianorum Principum componeret extinctis discordijs, *utque* palàm testaretur paternum amorem, & parem amori æstimationem, quam Christianissimo Regi proficetur, nec aliud ab eo foedus conjunctum, quàm innocens illud, Deoque tam charum, quo delendæ Turcarum potentiæ Christianorum vires sociavit. En odia & insidias Innocentij. Illud verum est (si hoc culpæ dari debet) doluisse Pontifici, cùm Regem videret perniciosiis Ministrorum consilijs nimium tribuere, Principem alioquin pium, justumque, quoties suis, non aliorum arbitrijs

trijis ageretur. Et verò, quàm benignè, humanèque Regem admonuit, ne permetteret Regiam quatuor Provinciarum Ecclesijs imponi, quæ semper immunes fuerant hujus servitutis, & quâ tamen ejus Ministri Ecclesias opprimebant. Regio nomine abusi, calcatrâque Justitiâ?

Quis autem satis dolorem explicet, quo Sanctissimus Pontifex angebatur, cùm videret tot Episcopos, totque alios Sacerdotes pietate, Zelóque insignes, toto Regno proscribi, & pœnas gravissimas dare, nec aliam ob causam, quàm quòd Romæ obedirent, causamque libertatis Ecclesiasticæ sustinerent; idque exemplo ipsorum Galliæ Antistitum, qui octuaginta ab hinc an-

nis eam constantissimè defende-  
rant; imò quam ipse Petrus de  
Marca, quamvis alioquin Regi  
addictissimus, egregijs scriptis  
agnoverat, oppressus, ut credo,  
mole veritatis.

Cùm videret Regiâ auctoritate  
institutum Religiosarum Infan-  
tiæ Christi ab Episcopis, à Ponti-  
ficibus, ab ipsóque Rege approba-  
tum, momento aboleri, nullâ  
justitiæ, legúmque reverentiâ?

Cùm videret hinc everti Cha-  
ronense Monasterium, inde in  
ædibus Urbanissarum perpetuas  
Antistitas intrudi, idque contra  
omnes Leges, canonúmque De-  
creta?

Cùm videret arbitrio Judicum  
sæcularium & libertatem, & ju-  
risdictionem Ecclesiarum turpissi-  
mâ

simâ servitute damnari; jugumque Ecclesiæ Gallicanæ ab ijs imponi, quorum vita nimis quam nota, & silentio digna: Ecclesiæ inquam Gallicanæ, quæ cum singulis ferè momentis libertates suas jactet, re ipsâ sæculari Magistratui ad pedes jacet, servitque miserrimo ac pudendo ancillatu, Parlamento videlicet rebus sacris & Ecclesijs imperitante, idque majori fastu ac dominatu, quam ipsa Oecumenica Concilia, Romanique Pontifices.

Cùm videret præcipuas Regni ac devictarum Provinciarum Abbatias in Commendas dari: Episcopos ad alienas Ecclesias transferri, suis, quas primò susceperant, relictis, commissisque alteri & subornato Episcopo, qui prioris

prioris Episcopi Vicarium agat :  
cogi Capitula vacante Ecclesiâ,  
Vicarios eligere, non quos vo-  
lunt, & quos Conscientia eligen-  
dos dictat, sed quos Rex imperat,  
præscribitque : Canonicos exilio  
pelli, quotquot Gubernatoribus  
Provinciarum licet modeste ob-  
nituntur , recusantque Mercena-  
rios Pastores accipere ex aulæ  
præscripto.

Cùm videret Galliæ Episcopos  
olim Apostolicæ Sedi majori  
quàm dici possit , demissionis &  
reverentiæ sensu addictos , nunc  
omninò dissimiles sibi in Con-  
ventibus annis 1680. & 1682. cele-  
bratis classicum aperto bello in  
Ecclesiam Romanam cecinisse ;  
ac Decreta vulgasse Apostolicæ  
Dignitati planè adversa , & ab ijs  
Decre-



Decretis aliena, quæ Ecclesia Gallicana in Comitibus anni 1616. per Cardinalem Perronium, & anno 1625. in articulis pro reparanda Ecclesiastica Disciplina condiderat. Sed ut credo, alia tunc erat ratio Galliæ Episcoporum; olim enim Conscientiæ stimulis, spiritûque Religionis agebantur: nunc metu & factionibus, aulæque instinctu; quid ergo mirum alijs ex causis alios effectus prodixisse? Ut proinde nonnemo ex Episcopis, qui Parisiensi Conventui assedit, amico suo familiariter, verèque dixerit: *Gallia Episcopos libertatem, honorem, & Conscientiam in Conventu Parisiensi perdidisse, & nihil præterea.*

Cùm videret Clerum Gallicanum olim pietate, scientiâ & con-

constantia Sacerdotali ante alios  
florentem : nunc adeò marcuiffe,  
ut malit jura & privilegia Eccle-  
siarum suarum penitus deleri,  
quàm vel vocem, vel querelam  
emittere memorem pristinae li-  
bertatis. Quid minùs facerent, si  
mancipia essent?

Cùm denique videret tot Sa-  
cerdotes, virósque doctrinâ in-  
signes, exilijs, carceribus, falsis  
criminationibus, alijsque modis  
puniri, ac privari suis beneficijs;  
idque nullâ judicij formâ ser-  
vatâ, ac sæpè suis etiam Episco-  
pis Dioecesanis omnium igna-  
ris, inconsultisque: & si causam  
quærerent tam sævæ persecu-  
tionis; hæc una reddebatur:  
*Quòd Jansenismum redolerent.* Hoc  
nimirum crimen est, quo omnes  
Inno-

Innocentes laborant; quotquot videlicet Regijs Ministris adulari non possunt. Nec refert, si palàm protestentur: *Se Jansenij quinque propositiones ex animo aversari.* Nihilominùs rei sunt, & velint, nolint, oportet, ut inviti sint Jansenistæ, novâ videlicet delicti specie, quando cogunt hæreticos esse, etiam qui nolunt. Sed neque hoc satis, alia subjungunt Jansenismo supplendo; videlicet esse seditiosos: esse novæ Ethices (Principibus tam charæ) juratos hostes: esse mille titulis suspectos: esse denique, quidquid non sunt: nisi fortè hoc unum excipias, quòd illis, qui in aula sunt, & quorum arbitrio Ecclesiæ permittuntur, blandiri non possint; hoc unum verùmque delictum

ctum est, quod ne nomine careat, *Jansenismum* appellant.

Accusat Talonius *severitatem Romanæ Inquisitionis*. Sed si ex una parte progressus attenderet hujus Tribunalis, quo videlicet selectu accusationes audiantur: quo studio reorum responsa: quàm lentè & per moras sententiæ maturentur: ex altera verò parte, si modum animo reputaret, quo Personæ Ecclesiasticæ in Gallijs judicentur, non auditis videlicet reorum responsis, non communicatis depositionibus; non collatis testibus, nec coram constitutis; non Episcopis consultis, quorum subsunt jurisdictioni & potestati; nullo ordine, nullâ formâ judicij; ejecti, proscripti, spoliati, & squalidissimis custo-

custodijs afflicti; nullo commeatu, nullo solatio, nullâ veniæ spe, ac sæpè unius tantùm Jesuitæ delatione oppressi: si hæc inquam omnia cum Romanis Tribunalibus conferret Talonius; fateretur utique (si modò tanta ori, quanta cordi libertas) plumæ Romæ, ferreum in Gallijs jugum portari, & eorum Inquisitionem, quibus res Ecclesiasticæ à Rege committuntur, adeò inclementem, adeò crudelem esse, ut delitiæ sint, quidquid de Italia & Hispanica severitate narratur. Recordetur ergo Talonius, quàm indignis sævisque modis in Gallijs habeantur, quotquot aulæ non placent, & fatebitur, nullam de Romana inquisitione querelam superesse.

**Enim:**

Enimverò mala & abusus, quæ modò libavimus, & quæ longo ordine narranda superessent, Pontificem Innocentium non latent; nec omisit jam fusis ad Deum lacrymis, jam litteris ad Regem datis, humanitate, paternoque affectu plenis, jam precibus per Nuntios porrectis, remedium aliquod quærere tam pertinacibus morbis. Hoc totum est odium. Hæc persecutio, quæ Pontifici imputatur: quòd gemuerit, quòd rogaverit, quòd monuerit, quòd medelam aptaverit, quòd Immunitati Ecclesiasticæ jam in faciem cadenti brachium porrexerit, quòd Clerum reformari, injusteque oppressis quietem optaverit. Hoc, inquam, si delictum, & odium vocari debuit,

buit, nemo nocentior Pontifice, nemo Galliæ infensior : at pariratione & Medicus, cùm infirmo medetur, & Pater cùm filium objurgat emendaturus, inter hostes & persecutores censendi erunt.

Opponit secundo ordine Talonius (si modò Talonij sunt, quæ nullam connexionem habent cum ijs, quæ sequuntur, præceduntque) *Charissimos esse Pontifici, quos constat Jansenij discipulos fuisse, hos laudibus, hos mille favoribus cumulari.*

Non explicat Talonius, qui sint isti Jansenio addicti, & Pontifici Innocentio prædilecti, & consultò tacet, quos non potest indicare, quippe innocentes; & poenas quoque Calumniatorum veritus, cùm

cùm cum non lateat, enixis verbis, regioque Diplomate prohiberi, ne Jansenistæ appellentur, quotquot aut Pontificijs contra Jansenium Decretis se submiserunt, aut à nullo Episcoporum hujus criminis damnati sunt.

Quod verò adjungit Talonius: *Ipsam Pontificem Innocentium Jansenistarum partes fovere*; tam petulanter, falsóque dicitur, ut ne quidem responsum mereatur; illud potiùs demiror, & Galliam, & Parlamentum ferre tam indignas, enormésque calumnias non solùm toto Regno jaçtari, verùm etiam ipsius Parlamenti Arresto præfigi. Hæc nimirum est reverentia Romano Pontifici debita? hæc justitia Parlamenti tam atrocia simulantis? & quid mirum



mirum est, tot Innocentes Episcopos subornatis accusationibus damnari, quando vel in ipsum Pontificem tanta, & tam impunita licentia?

Sed néque satis Pontificem Jansenismi postulâsse, addit Talonius: *Tam segnem esse, inertémque, in Quietistarum erroribus profligandis, ut non somno tantùm, sed lethargo correptus videatur.*

Hæc Talonius notâ Advocatis modestiâ; & tamen palàm est, non potuisse Innocentium majori Zelo & curâ persequi Quietistas, postquàm observati sunt, eorùmque hæresin extinguere. Notum est, quàm severè cum Michaële Molinos hujus hæresis infami Auctore ejusque Affectis à Pontifice actum. Illud verum

L est,

est, voluisse Innocentium omnium retrò Pontificum, Patrùmque exemplo, ac etiam ex Canonum præscripto discrimen fieri inter hæresis Auctorem, quique huic spontè, obstinatèque adhæserunt; & inter illos, qui licet Religione, ac doctrinâ eximij, primasque Ecclesiæ dignitates meriti; specie tamen pietatis decepti (quam viginti omninò annos egregiè Molinos finxerat) in errorem prolapsi sunt; parati tamen ex Ecclesiæ sententia illos deponere. Noluit, inquam, Innocentius hos cum obstinatis hæreticis eodem fasce involvi; nam etiam in causa Religionis nihil fieri inconsultò debet, cæcòq; impetu & citra rationem, & tamen hæc omnia à Patribus exercita,  
à Cano-

à Canonibus præscripta, somnus Talonio, & lethargus videntur.

Cùm aliquot abhinc annos Innocentius errores Casuistarum, qui moralem Theologiam corruperant, solemni diplomate damnâssêt; vetuit Parlamentum vulgari, quòd in illo mentio fieret Inquisitionis. Nunc verò cùm Pontifex causam Molinos ejúsque Affeclarum maturè, citràque passionem expendi vult, nec patitur præcipui meriti Prælatos adversariorum invidiæ exponi; indignatur Talonius, urgétque Pontificem, & Inquisitionem inclamat, Tribunal alioquin tam illi exosum, & tunc præcipuè, cùm non patitur corruptelas opinionum Christianæ Theologiæ adeò funestas.

L 2 Denique

Denique offendunt Advocatum nostrum, quæ de Pontificis Innocentij sanctitate passim & ab omnibus celebrantur: *Nec alios tam præclare de hoc Pontifice sentire dicit, quàm Jansenij Discipulos.*

Quid posset vel ipsa invidia, si calamum Talonio duceret, ineptius fingere? Oportet enim verò totam Europam ex Jansenistis constare; tota enim est, quæ Modernum Pontificem summis laudibus extollit, quæ illum ut Pastorem agnoscit ex speciali Dei providentia Ecclesiæ datum: & quæ fatetur, necessarium fuisse corruptissimis hisce temporibus, ne videretur abbreviata manus Domini, & suorum oblita. Interroget Talonius Romam, imò

iuuò totum Orbem Christianum  
& veritati testimonium feret.  
Cùm Sedes Romana vacaret,  
jam tunc omnium votis dignissi-  
mus Pontificatu censebatur, nec  
spes fefellit, ceciditque major  
omni exspectatione eventus. Ani-  
mus ab omni fastu & cupiditate  
alienus. Familia, & consanguini  
nei non opibus, non honoribus  
aucti. Ingens domi frugalitas, &  
par cura sublevandæ Apostolicæ  
Camerae ære alieno oppressæ.  
Pax inter Principes Christianos  
immensis laboribus parta, pro-  
fusi que Theauri evertendo Tur-  
carum império. Taceo felicissi-  
mum belli eventum, infidelibus,  
non tantum armis, verum etiam  
terrore nominis Christiani &  
civili bello oppressis. Taceo

L ;

Catho-

Catholicam Religionem Angliæ illatam ; Germaniam Turcis purgatam, certæque ruinæ ereptam ; Nepotismum Româ proscriptum ; morum integritatem semper sibi similem, néque ut fieri solet, Principatu & fastigio corruptam. Constantiam Principe dignam, omnique metu majorem, & denique infinita alia, quæ de hoc Pontifice narrari possent.

Hæc omnia tam vera & magna sunt, & Innocentij virtutes tot vocibus & testimonijs probant, ut nullis Talonij calumnijs nullaque invidentium arte obscurari possint.

Pergit deinde Talonius ad alia querelarum capita Romano Pontifici objecta, & cui maximè insistit,

insistit, urgetque, illa est; quòd  
recuset Innocentius vacantes Epi-  
scopatus illis conferre, quos Rex  
nominavit: *Tertiam ferè partem  
Ecclesiarum Pastoribus vacare: si  
nolit Pontifex concordatis stare, ne  
Regem quidem illis obstringi; ut  
ergo primis Ecclesiæ temporibus Epi-  
scopos Populus eligebat, ita nunc vice  
populi posse à Rege constitui, cùm præ-  
cipua populi auctoritas sit in Reges  
translata.*

Sic Talonius philosophatur.  
Atque utinam quàm Romæ, tam  
in Gallijs concordata religiosè  
observarentur, cessarent utique  
tot illi abusus, injustæque usurpa-  
tiones, quæ Galliam occupârunt,  
quæque bonis omnibus tot lacry-  
mas expresserunt; quamvis eò  
tandem processêre, ut facilius

defleri, quàm emendari possint.

Sed ut objectis respondeam, nego Pontificem eos respuisse, qui à Rege fuerant optati, modò tamen ijs conditionibus potirentur, quas Concordata, sacríque Canones requirunt. Nec ad alios virtute Concordatorum id examinare, quàm ad Summum Pontificem pertinet. Quòd si absint necessariæ conditiones, tenetur Rex spatio trimestri alios nominare desideratis qualitatibus instructos. Nec obligari Pontifex potest proferre causas repulsæ, cùm nullius iudicio subiaceat. Quamvis enim nisi ob justissimas causas repellere non possit à Rege nominatos; id tamen Conscientiæ illius relinquitur, nec ab ullo Principum ad rationem repulsæ



repulsæ reddendam, multoque  
minùs ad indignos admittendos,  
& pacta violanda constringi po-  
test. Legantur tantùm concor-  
data, & quæ post illam contigere,  
ad memoriam revocentur, pate-  
bitque jure, an injuriâ Pontifex  
accusari possit. Quantis labori-  
bus & à Cardinalibus, & à Legatis  
Galliæ certatum est, ut Renatus  
Henrici IV. Confessarius Trecen-  
si Episcopatu donaretur, quem  
illi Rex destinaverat; nec tamen  
impetrari Bullæ potuerunt, ut  
videre est in Epistolis Offici Car-  
dinalis. Nota quòque omnibus  
est celebris illius Abbatis repulsæ,  
quem cùm Ludovicus XIII. Re-  
gnantis Pater infinitis elogijs  
Pontifici ad Episcopatum obtu-  
lisset, nunquam tamen obtineri

L s potuit

potuit, ob quasdam Abbatis actiones Episcopo indignas, & clàm Pontifici notas.

*At, inquires, triginta interim Ecclesie ab Innocentio Episcopis privantur.*

Fallitur Talonius. Pontifex enim duos tantum admittere recusavit, qui videlicet Anno 1682. Conventui Parisiensi interfuerant, subscripserantque omnibus in eo Conventu decretis. At Regij Romæ Ministri sive imperio Regis, sive proprio instinctu negarunt, se alios proponere posse, duobus illis à Pontifice non admissis. Sicque Gallorum est culpa, tot hætenus Ecclesias vacare. Nolo hîc ad examen revocare illorum imprudentiam, qui Regiam Majestatem nullâ necessita-

te hujusmodi tricis implicârunt. Alij sanè Ministri conati essent, aut Episcoporum, quos Rex nominaverat, innocentiam ostendere, aut culpam elevare, aut aliâ quâvis ratione placare Pontificis animum, ne mutua utriûsque amicitia concideret, & optati à Rege admitterentur. Sed nihil istorum Regijs Ministris placuit, quippe placida & honesta respicientibus, & illa potiùs amplecti paratis, quæ omnia turbare, quàm componere possint.

Sed quidquid de hoc sit, illud saltem negari non potest, virtute Concordatorum jus plenarium Episcopos constituendi ad Sedem Apostolicam devolvi, quoties intra semestre à tempore Vacationis nemo Pontifici præsen-

tur; tantum ergo abest, damna vacantium Ecclesiæ Pontifici adscribi posse; ut potius summa illius moderatio magis magisque appareat, viribus & auctoritati suæ pacem anteferentis.

Quòd ergo tot Ecclesiæ Pastoribus careant, Regionum Ministrorum culpa est, non Pontificis Romani; nec iste, ut aulici assentatores criminantur, aut odio, aut vindictâ, aut genio Gallis adverso impellitur, sed ex Conscientiæ & justitiæ præscripto. Offerant Galli dignos Episcopali dignitate, & apertis brachijs eos Roma excipiet. Quòd si indignos proponunt, frustrâ sperant Pontificem minis & clamoribus permotum iri, multoque minùs sordidis

fordidis illis, rusticisque convitijs, quæ non puduit Talonium in tantum Pontificem expuere; & quibus nihil aliud effecit, quàm ut indignum se Togâ ostenderet, officiôque quo fungitur.

Nec dicat Talonius: *Ideò nominatos à Rege Episcopos Romæ admissos non esse, quòd non credant Pontificem infallibilem esse, & Concilijs superiorem, nec enim hæc repulsæ unica causa: sed illa potius, quòd in eo Conventu, quem collectum esse jactabant Regi cum Pontifice componendo; ausi fuerint causam Regaliæ definire, hoc est illam causam, quam cum constet ex majoribus, imò maximis esse, sicque Pontifici reservatam; ac insuper per legitimam appella-*  
L 7 *tionem*

tionem ad Apostolicam Sedem devolutam ; ignorare non poterant, non ad paucos Galliæ Episcopos, non Conventum Parisiensem, sed ad solum Pontificem pertinere. Et cùm oporteret in ea caula, in qua de libertate agebatur Ecclesiæ Gallicanæ, vires cum Pontifice, Christique Vicario conjungere; ipsi potiùs exemplo planè indigno, contra suum Protectorem arma sumere, causas expostulandi congerere, Pontificiam potestatem in arctum cogere, idque nullâ necessitate, nullâque auctoritate conati sunt; hæ inquam causæ fuerunt, ob quas credidit Pontifex vacantes Ecclesias tam timidis, infidisque Pastoribus committi non posse.

Et

Et verò cui unquam in mentem venisset, adeò Episcopis Parisiensis Conventûs nullam decori, honestique curam fore, ut eo ipso tempore contra tam sanctum Pontificem talia molerentur; quo ipse nullo sui privato commodo, incommodoque, sed unice ob libertatem Episcoporum, quatuorque Provinciarum à Regalia exemptionem, cum Rege conflictabatur? Egregiam enimverò occasionem, candidoque marmori incidendam, ob quam videlicet crederent indici bellum Romano Pontifici, ejusque auctoritatem minui oportere. Sed néque ullum mandatum à Clero Provinciarum suarum Episcopi acceperant tam grandia & inconcessa tentandi.

Con-

Constat etiam illos ipsos Antistites, qui Parisios convenerant, non liberis suffragijs, sed vi, metuque, & ex aulæ imperio in cætibus Provincialibus electos fuisse. In ipsis quóque Parisiensibus Comitijs nunquam tanti momenti causa discussa, & ad examen revocata, nec etiam Episcopis, aliisque Provinciarum Deputatis libertas dicendi permessa; sed omnia ex Præsidis arbitrio, hoc est, ut ex Palatio jubebantur raptim festinata.

Nolo hîc Parisiensi declarationi, quatuórque propositionibus expendendis immorari, id jam ab alijs factum; ac illis præsertim, qui vanissimas ac plenas imposturis Maimburgi cantilenas (digni videlicet illius Cætûs Protectoris) egregiè refutârunt. Suf-



Sufficit dicere, Episcopos, qui Parisios convenerunt; & Basileensium, & Richerianorum licentiam superâsse, ac gravius, quàm illi in Pontificis auctoritatem grassatos esse. Basileenses enim in nonnullis tantùm casibus Concilio Pontificem submittebant; at Parisienses nostri in omnibus & semper, adeò ut si Concilium aliquod legitimè congregatum hæresin postea defini- ret (ut quondam Ariminense) non posset ex istorum sententia à Pontifice irritum declarari, ejusque Decreta aboleri. Si prius Parisienses Episcopi & Gallicanæ Ecclesiæ in Synodo anni 1625. & Conciliorum documenta per- currissent, quàm nuperam De- clarationem foras proferrent; utique

utique intellexisset, illam menti Ecclesiæ Gallicanæ, omniumque Conciliorum è diametro repugnare; quippe cùm Decreta, legesque Conciliorum vim & auctoritatem nullam habeant, nisi à Pontifice confirmata.

At ex adverso, si quis Deputatorum, qui Parisijs convenerunt, audaciam animo reputet; meritò dubitare possit, non tantùm an Galli, verùm etiam an Catholici sint, agnoscantque pro Christi Vicario Pontificem Romanum; sicque ex hac etiam parte meritò Pontifex morari debuit, Bullasque retinere, donec de illorum fide & religione plenius constaret.

Cæterùm illud quóque notandum est, quod Talonius ex industria

stria omisit, videlicet, eo ipso tempore, quo duos illos ex notatis causis Innocentius rejecit, simul professum, se alios, qui Parisiensi Conventui non interfuerant, libenter admissurum; imò sequenti postea anno Abbatem S. Valerij à Christianissimo Rege nominatum ad Ecclesiam Quebekensem in novo Orbe promovit.

Quid hinc rogo à Pontifice non moderatè, non canonicè, summaque prudentiâ factum? & quis est Talonius, ut plura à Pontifice petat, quàm in Concordatis comprehendatur? an verò oporteat Pontificem quoslibet, nullòque discrimine, digni aut indigni sint, ad Episcopatus recipere? aut fortè examinata, & judicata à Pon-

à Pontifice Talonij examini & judicio, aut alterius Tribunali subjaceant? & si Pontifex omnes, quotquot illi à Rege exhibentur, acceptare tenetur, quid ergo causæ est, ut in Concordatis statuatur, si Pontifex aliquem rejciat à Rege nominatum, obligari Regem intra tres menses alium Pontifici offerre? nec verò insolitum est, aliquos à Pontifice repelli; nondum quadraginta anni effluxerunt, cum ob similem ferè causam nunquam obtineri potuit, ut Petrus de Marca ad Episcopatum Conforanensem, & postea Archiepiscopatum Tholosanum priùs admitteretur (quamvis à Rege nominatus, quamvis Gallico Legato omnem lapidem movente) quàm ut aliqua

qua purgâſſet, quæ in celebri ſuo libro de Concordia Sacerdotij & Imperij licentiùs contra Romanam Sedem expreſſerat.

Opponit quidem Talonius: *Cardinalem Lotharingia in Concilio Tridentino palàm profeſſum eſſe, Pontifici Romano donum infallibilitatis non competere.*

Sed multis rationibus auctori-  
tas, & teſtimonium hujus Cardinalis impugnari poteſt.

Nam primò nec Paulus Servita, nec Pallavicinus in hiſtoria Tridentini Concilij hujus facti meminère; at utique meminifſent, nec enim aut ignorare poterant, aut ſilentio præterire rem tanti momenti, & tam omnibus notam.

Deinde

Deinde Instructio à Lotharingo ad Bretonem Agentem suum data, & quam describit Dupuy, meritò suspecta est, dubiæque fidei, & videtur ab hæreticis corrupta. Quippe Cardinalis in ea testatur: *Concilium Florentinum in Gallijs receptum non esse.* At nullus Catholicorum hoc dixerit, cùm constet ubique locorum Florentinum receptum esse, si Græcos schismaticos excipias. Basileenses quidem omnibus viribus egerunt, ne Concilium Florentinum indiceretur, & tamen nullus Principum relictis Basileensibus, Florentinum pro Oecumenico non agnovit, illiq; tanquàm legitimo non adhæsit.

Denique ipse Dupuy ad marginem illius instructionis notat,

impe-

imperâsse Agenti suo Cardinalem Lotharingum: *Quæ Pontificem, & Concilij superioritatem spectant, omitterent legere.* Ex quibus colligere licet, pœnituisse Cardinalem, & re maturius expensâ emendâsse, quæ irato exciderant.

Sed quidquid de hac instructione sit, recordari omninò debuit Talonius in ultimo Lateranensi Concilio sub Leone X. apertissimè definitum esse: *Concilium Pontifici subesse*, & tamen illa ipsa synodus Lateranensis pro legitima, Oecumenica, & indubitata à Ludovico XII. & Francisco I. Galliaë Regibus, & proprio, & omnium Gallorum nomine recepta est. Sed & Cancellarius Pratenfis in illo ipso sermone, quo nomine Francisci Regis

Regis Parlamento demonstrat, Concordatum recens cum Pontifice initum Galliæ conducere; illud quóque adjungit: *Certum esse, Papam, si paucos, rarosque casus excipias, omni Concilio superiorem esse.*

Errat ergo Talonius, seque rerum, quas narrat, omninò ignarum ostendit, cum audet tam præfidenter asserere: *Totam Galliam Basileensi Synodo adherere in ijs, quæ spectant ad Concilij supra Pontifices auctoritatem. Totam quoque cum nupero Parisiensi Conventu sentire.* At Talonius catenas, exilia, bonorúmque proscriptiones amoveri faciat, dicendique, quæ sentiunt, libertatem Episcopis reddi, & continuò videbit, quàm multi nuperam Declarationem

ex



ex corde averſentur, & toti in partes Pontificis tranſeant.

Cæterum quidquid Theologi privatim opinentur, palam tamen pauciſſimi auſi ſunt, Pontificis auctoritati litem movere; & inter iſtos paucos duo illi, qui ad Episcopatus admiſſi non ſunt, nec prius admittentur, quàm agnito, correctoque errore. Sed duo iſti facile veniam impetrâſſent, modò Gallis placuiſſet, minori faſtu, ſtrepitûque rem iſtam aggredi: at avidi turbarum, flammâmque accendendi, eo tandem devenerunt, ut jam ſemel accenſam ardentémque, nec velint extinguere, nec etiam poſſint.

Transit deinde Talonius ad ingentem Machinam, quâ Pontificis

M

ficus

ficis animum expugnaturum se credit. Prædicit: *Nisi Pontifex Bullas ad vacantes Episcopatus concedat, etiam illis, quos indignos reputat, fore, ut nihil amplius pecunie ex Gallijs Romam deferatur.*

O simplicem Talonium, qui tantum Pontificem Advocati calceo metitur! nimis planè Innocentij animum & genium ignorant, quicunque sperant corrumpi eum posset tam vili pretio: non Thesauri, non regna sufficerent; quantò minùs parum illud argenti, quod ex Gallijs affertur, quódque in tot capita divisum etiam à sordidissimis vix nomen, aut curam meretur?

*At, pergit Talonius, Pontifice Bullas recusante, meritò ex parte Regis Christianissimi Concordatum abrumpi*

*abrumpi posse, reduciq̃ue Pragmaticam sanctionem?*

Sed quia nec aulæ, nec Regis Confessario conduceret Pragmaticam sanctionem, & cum ista liberas electiones Galliæ restitui, ideò Talonius noster modum alium invenit, quo & Concordata, & Pragmatica aboleri possint, & tamen jus eligendi penès Regem constitui: *Electio*, inquit, *Episcoporum olim ad populum pertinebat: at populus non amplius in eo statu est, ut hoc jure gaudere aut potiri possit: exempla quóque suppetunt Regum prima, secundæq̃ stirpis, qui certis casibus Episcopos eligebant: cum ergo Reges sint præcipua & nobilissima populi pars, possintque tam proprio nomine, quàm Populi agere; succedant ipsi, eligantque Episcopos,*

*quos postea Metropolitani, alijque  
Episcopi Provinciales confirmant,  
consecrântque.*

En tibi egregiam Gallici Advocati Theologiam! quam qui legit, auditque, meritò suspicari possit, venisse auctorem ex ultima Orbis Brasilia, ubi nulla æquitatis, nulla rationis, nulla juris Divini humanique notitia. Talonius tantus libertatis Gallicanæ declamator nihil Pragmaticæ sanctioni (in sacris Canonibus, Conciliisque Constantiensi & Basiliensi fundatæ, si electiones spectes) nihil synodo Aurelianensi deferendum censeret, quæ Capitulis Cathedralibus unà cum Magnatibus, præcipuisque Civibus Diœcesis jus eligendi restituit. Talonius adeò Canonicis

nicis electionibus adversatur, ut eas etiam impossibiles esse contendat, & quas alij quondam Advocati tanquam præcipuum caput Gallicanæ libertatis omnibus viribus propugnârunt, ipse subverfas cupit. Talonius, inquam, non Canonum, non Regiorum edictorum, non Legum in Concilijs sancitarum, non denique libertatis Ecclesiasticæ memor omnia momento deleri optat; tantùm ut in aula mereatur. Jus novum condatur, solâ auctoritate, Jurisquæ prudentiâ Talonij suffultum: Galliæ Concordata uno ictu truncentur, quippe Pontifici propitia, cui jus permittunt indignos repellendi: cesset Pragmatica; nam electiones restituit Capitulis Rege excluso: non se

Pontifex electionibus immisceat:  
& denique in locum tot Canonum, tot legum, tot sanctionum, tot Conciliorum Rex solus unusque succedat, eligatque Episcopos; sicutamen, ut hoc ipsum jus eligendi nullis Concordatis illigetur, & contra omnium retrò Regum exempla ex solius Principis arbitrio pendeat. Entibi de rebus Ecclesiasticis (quarum præcipua pars electio Episcoporum) Talonij Ideam! Quis rogo Ecclesiæ Gallicanæ vices non meritò defleat? quæ loco sacrorum, Canonum, loco Pontificis Summi, ex arbitrio, somniisque pendeat Regij Advocati; hoc est, hominis ad nutum aulæ faciem morésque mutantis, cui nulla legum Ecclesiasticarum peritia  
(nisi

( nisi cùm fortè ad Declamationes suas farciendas hinc inde aliquid raptimque convasavit ) nulla honoris , nulla Conscientiæ , nullâ Edictorum Regionum cura , sed sola & unica adulandi , aulamque demerendi libido.

Meritò hæc Lectori aliena , nec ad rem spectantia videantur , cùm nihil pertineant ad jus Asyli à Gallicis Legatis expetiti ; sed oportuit vestigia Talonij legere.

Jam videamus , quid de Jure Quarteriorum dicat.

Primò ingenti digressionem in Bullam Cœnæ vociferatur : *Hæc novam , immensamque Monarchiam Pontificibus stabiliri. Hæc Parliamentajure causas Beneficiarias ( quoad Possessorium ) cognoscendi injustè*  
*M 4      privari,*

*privari, sicut etiam causas cum reales, tum personales Clericorum.*

Quæ de hac nova & universali Pontificum Monarchia Talonius exclamat, planè nova sunt, nec in Bulla fictæ hujus Monarchiæ ulla mentio reperitur. Quòd si nomine Monarchiæ statum & Hierarchiam Ecclesiasticam Talonius intelligat, in qua Parlamentum prohibetur jurisdictionem in causas Ecclesiasticas usurpare, non video, quis meritò de Bulla Cænæ conqueri possit; si modò Judices illos sæculares excipias, quibus & antiqua ambitio in Clericos dominandi, & cupiditas ex eorum litibus quæstum faciendi.

Cæterùm ex modo, quo Talonius de Bulla Cænæ loquitur, omninò



omninò apparet, eam Bullam ne quidem lectam ab eo esse, sed tantùm aliorum narratione acceptam.

*Primò* enim supponit Monarchiam aliquam universalem eâ Bullâ stabiliri, cùm tamen nullius Monarchiæ illic mentio fiat.

*Deinde* supponit, censurarum, quæ in Bulla Cænæ continentur, primum auctorem Julium II. fuisse: & tamen certum est, hujusmodi & ex similibus causis censuras multis jam priùs annis Urbani V. Pauli II. & Sixti IV. Constitutionibus insertas fuisse. Postea secuti Julius II. & Paulus III. aliique Pontifices, quos licet nemo odij in Gallos accuset, constat tamen eodem modo, iisdemque solemnitatibus die Jovis

sancti Bullam Coenæ, & censuras illâ comprehensas publicâsse. Nihil ergo apparet, quod in ea Bulla argui possit, nisi, ut dixi, illud Talonio intolerandum videatur, quòd Parlamentum Ecclesiasticis causis judicandis arceatur.

Transit tandem post longas digressiones Talonius ad interdictum Ecclesiæ S. Ludovici: *Quod contra omnes regulas, formasque Canonicas esse contendit.*

Sufficeret ad hoc respondere, tam supremâ auctoritate Pontificem Romæ potiri, quàm Regem Parisijs; hoc solùm discrimine, quòd Pontifex Romæ utrâque potestate, temporali videlicet & spiritali fungatur, Rex solâ temporali; quæ ergo Pontifex semel  
Romæ

Romæ judicavit, ea non Parlamenti, non Talonij, non ullius mortalium, sed Dei solius examini & judicio reservantur.

Cæterum nulla causa Talonio irascendi ob neglectas Canonum regulas; nam illæ multò severius Romæ, quàm Parisijs, & in Gallijs observantur; atque utinam cum Regionum Ministrorum imperio Monasterium Charonense destructum: cum Institutum Infantiaæ Jesu abolitum: cum Urbanissæ intrusæ: cum Cisterciensis, Cluniacensis, Trinitariorum Abbatum electiones sublatae: cum Regaliae, aliæque Ecclesiasticae causæ sæcularium Judicum Tribunalibus submissæ; utinam,

libertatem Ecclesiarum quotidie fiunt, æquè Galli Canonum, sacrarumque Regularum, ut Pontifex meminissent.

Cardinalis ergo Vicarius ideò Ecclesiam S. Ludovici interdicto supposuit, quòd Rector, totumque Ecclesiæ illius Collegium ausum est Lavardinum quantumvis notoriè excommunicatum ad Sacramenta Ecclesiæ, communèque preces recipere. Constat de Pontificis Bulla jam Regi, jam ministris, ipsique Lavardino, jam priùs notâ, quàm Parisijs discederet; nec potest ignorantiam prætexere, cùm quinque menses post vulgatam Bullam ideò armatus Romam intraverit, ut Asylum quovis modo tueretur, invitoque Pontifice; & in quam-

quamcunque faciem se vertat Lavardinus, nunquam persuadebit se ignorasse, quæ tot signis ac velut ex industria mundo patefecit. Romam ingreditur bellatoris more, ac victori similis. Vestigalia ad portas solvere recusat. Bellicis instrumentis & apparatu se munit. Palatium Farnesium gladiatoribus, aliisque classiarijs militibus implet: excubiæ, circitores Palatium totâ nocte obambulant; credas arcem aliquam, castrumque vi expugnatum custodiri; utque tota Roma intelligat Lavardinum non Legatum, sed militem agere, vigiliæ certis horis distinctæ campano ære indicantur. Jam rogo, post tot argumenta violatæ Pontificis Bullæ, quis amplius dubi-

ter Lavardinum non incidisse censuras Pontificio diplomate inflictas? & si hæc tam nota & vulgata sunt, ut abscondi non possint, nullaque tergiversatione purgari; quis neget Clerum, Rectorémque Ecclesiæ S. Ludovici, qui Lavardinum ad sacra admiserant, censuras meruisse?

*At Lavardinus denunciatus necdum fuerat.*

At Talonium Concordati, & Pragmaticæ reminisci oportuit, ubi expressis verbis notatur: *Cum quis in rebus sacris, ac participatione Sacramentorum cum notoriè excommunicatis communicaverit, posse interdicto, aut etiam excommunicatione puniri, quamvis nulla denuntiatio præcesserit.* Notorium erat incurrisse Lavardinum Excom-  
muni-

municationem: notorium contra Pontificis voluntatem & edita jus Asyli usurpâsse, idque palàm, obstinatèque: néque hoc à Rectore, Collegiôque Ecclesiæ S. Ludovici ignorari poterat, quid ergo obstat, ut non potuerint; meruerintque interdicto ligari? nec refugiat Talonius ad locos communes scholarium, more, qui Rethoricam discunt; exclamétque in damna ex Interdictis nata; nec enim de Regnorum, aut Provinciarum Interdictis hîc agitur, quæ olim adeò frequentia; sed de interdicto, unius Parochialis Ecclesiæ, ac Romano Pontifici (quippe in Romana urbe) planè subjectæ; & quam Interdicto supponi meruit culpa & inobedientia illius Collegij.

legij. Frustra igitur cavillatur Talonius, nec quicquam reperiet, quod huic interdicto sive formam, sive substantiam spectet, solidè opponat.

*At Legatus, aliúsve Regis Minister nec peccat, nec excommunicationem meretur, quoties officio suo fungitur, & Principis mandata exequitur.*

Quæro, quam Talonius Religionem profiteatur, & an Evangelio credat? nam si credit, negare utique non potest, illis Evangelij verbis: *Quæcunque ligaveris super terram, erunt ligata & in cælis,* datam esse Pontifici plenam, nullaque exceptione limitatam potestatem ligandi, solvendi; si ergo Principum Legati, Regiique Ministri Christiani sunt, si  
clavi-



clavibus Ecclesiæ perinde ac reliqui fidelium subiecti; si Evangelium eos non excipit; si peccare possunt, etiam cùm Principum suorum mandata exequuntur; quâ ergo ratione sustineri potest, eos puniri ab Ecclesia, & excommunicari non posse? Ergo ex Lavardini & Talonij Theologia poterit aliquis ex Principis sui jussu in Ecclesiæ Prælatum manus iniicere, eumque vitâ privare, poterit patrimonium ac bona Ecclesiæ, ac etiam Jurisdictionem supremam (quæ omnia alia pretio superat) invadere; & tamen quia Principis imperio fecit, censuras effugere à sacris Canonibus latas; ac hæc tam absurda sunt, ut hætenùs nunquàm lecta fuerint, nunquàm audita.

Imò

Imò si usum Ecclesiæ, si Canones ipsamque Galliæ historiam evolvas, quàmplurima occurrent Regum exempla, qui sacrorum Communione prohibiti sunt: si ergo Reges excommunicari possunt, quantò magis Regum Legati? Tempus me deficiat, si omnium Græcorum, Germanorumque Imperatorum, si Angliæ, si Galliæ Regum exempla percurram. Clotharij quoque, Philippi Augusti, utriusque Henrici III. & IV. notiora sunt, quàm ut negari ab aliquo, aut in alium sensum explicari possint. Etiam qui in Sedem Apostolicam iniquissimi sunt, fateri coguntur, sub initium octavi sæculi Leonem Ionomachum à Gregorio II. excommunicatum esse; eaque occasion

casione Exarchatum Ravennatem in Italia perdidisse. Sic quoque qui maximè se Gallos profitentur, negare haud possunt, Clotharium, Philippum I. & Philippum Augustum Galliæ Reges à Pontifice Romano excommunicatos, coactosque esse, ejectis concubinis, legitimas conjuges Thalamo restituere. Nicolaus I. Lotharium, quòd repudiata Teutbergâ legitimâ Conjuge, Waldradam concubinam duxisset: Urbanus II. Philippum in synodo Claremontana: & denique Innocentius III. Philippum Augustum, & hunc quidem tantâ severitate, ut nullus cum eo societatem jungere, nemo publicis edictis ejus nomen, aut Regnum subscribere auderet, sed Diplomata hâc formulâ

mulâ clauderentur : *Regnante*  
*Christo.* Plura, qui volet, legat  
solum historias Maimburgi (tan-  
ti Pontificum accusatoris) illic  
longo numero exempla Henrici  
IV. Henrici V. Friderici I. Philip-  
pi I. Othonis IV. Friderici II. Con-  
radi I. Imperatorum reperiet,  
ac multa etiam Angliæ Regum,  
qui sacris exclusi dedignati non  
sunt; aut Pontificis, aut hujus  
Legatorum genibus advolvi, ve-  
niamque precari. Et quid Pon-  
tifices loquor? Ipse Fulco Archi-  
episcopus Rhemensis anathema  
minatus est Carolo simplici Gal-  
liarum Regi, si foedus iniret cum  
Nortmannis Gente Barbara &  
Idolis addicta. Verba Fulconis  
ad Regem scribentis hæc sunt:  
*Sciatis, quòd si hoc feceritis, & con-*  
*silijs*

*filijs nostris non acquieveritis; nunquam me fidelem habebitis, sed & quoscunque potuero, à vestra fidelitate revocabo, & omnes vestros excommunicans perpetuo anathemate damnabo. Et libro 6. Capitularium (quæ ipsi Reges approbaverunt) capite 249. Hæc verba leguntur: Hujus Constitutionis forma servetur, & velut prævaricator Catholica fidei execrandum anathema fiat, & à Domino reus existat, quicunque Regum deinceps Canonis hujus Censuram in quocunque crediderit esse violandam.*

Constat ergo ipsos Reges hanc in Pontifice potestatem agnovisse, ac veneratos esse. Pœnituit peccasse: veniam aut ipsi, aut per Legatos deprecati sunt: pœnas denique & delicto & scandalo im-

impositas læti velut remedia acceptârunt. Quòd si Talonium consuluissent, quid aliud responderet, quàm *Censuras esse ignes fatuos Vaticani, qui in fenum resolvantur, néque aliij, quàm auctori nocere: carceribus, proscriptionibus, exilijsq; cogendos Sacerdotes Ecclesias pandere, & Sacramenta petentibus dare: Pontificem calumnijs onerandum esse nullo falsi, aut veri discrimine, modò ut noceant. Denique quoties Pontificum sententiæ displiceant, ab ijs tanquàm ab abusu ad Parlamentum, ad Concilia seu futura, seu non futura provocandum esse. Hæc inquam, fuissent Talonij scelerrata consilia. Sed nihil istorum magni illi Monarchæ, quippe alia Principibus, alia Advocatis Conscientia. Agnoscebant se instar*

star aliorum mortalium errare posse, & ideò non minùs moneri corrigique se patiebantur; neque in eo Majestatem ponebant, ut Ecclesiam contemnerent, ejusque auctoritatem pessumdarent indignis cavillationibus; sed in eo potiùs, ut ejus se legibus submitterent, ut suo exemplo docerent, quàm oporteat Ecclesiæ censuras timere; & denique ut omnibus reverentiam Ecclesiæ, ejusque Capiti, Romano videlicet Pontifici debitam inspirarent.

Verum quidem est, nonnullos Galliæ Episcopos, plusquàm decebat, auctoritatis suæ anxios, tenacésque, sibi pro prima instantia auctoritatem arrogasse, Reges excommunicandi; unde  
in

in illa verba contra Gregorium IV. prorupere: *Si veniret Regem excommunicaturus, ipse Excommunicatus discederet.* Hæc Talonius exaggerat, aptatque suæ causæ, quæ tamen, si aliquis huic Togato pudor, æternâ oblivione delenda, & ex Galliæ annalibus planè obliteranda fuerant. (a) Qui enim Episcopi Galliæ, ut audeant in Pontificem Romanum, Christi-que Vicarium sententias, poenas, imò anathemata dictare? num ergo Episcopi superiores? num Pontifex non solùm Concilio Oecumenico, verùm etiam tumultuario Episcoporum manipulo subjectus? Hæc tam absurda, tamque

(a) Ipse Aimoinus, qui hæc verba Episcoporum recenset: *Presumptuosos & audaces* vocat. *Aimoinus lib. 5. cap. 14.*



támque indigna , ut pigeat refutare.

Illud ergo verum est , constátque ex Galliæ historijs , Capitularibus , Conciliísque, olim Episcopos sibi , ut dixeram , auctoritatem adscripsisse Reges excommunicandi ; cùm verò hâc potestate aut factionibus , aut etiam Civilibus bellis abuterentur ; sæpè Pontifices rogati , ut soli id facerent. Quòd si Talonio otium fuisset Clementis VI. aliorúmque Pontificum Diplomata evolvere , ac etiam instructionem Caroli IX. ad Paulum IV. pro Regina Navarræ , supplicésque libellos d' Angenes, Perronij, & Ossati Cardinalium pro Henricis III. & IV. Regibus Galliæ ; id solum sufficeret , ut Talonius

N

con-

continuò fieri cogeretur, agnovisse Reges, se posse à Pontifice Romano excommunicari; & postquam excommunicati sunt, absolvi postulasse: ac insuper, ut hâc potestate soli Pontifices, non Episcopi uterentur, enixè rogasse. Juris etiam Consulti, Advocatique prioris sæculi, quamvis hæreticorum opinionibus imbuti, quæ tunc Galliam impleverant; quamvis negârint posse primo occupanti Regna exponi, aut interdicto subijci (de quo nulla modò concertatio) semper tamen fassi sunt, posse Principes excommunicari, idque Theodosij, Leonis, Fridericorum, Regumque Galliæ exemplis comprobârunt. Hoc ergo tam notum certumque est, ut inficiari nemo possit.

possit, nisi qui velit Ecclesiam auctoritate suâ privare, illâ, inquam, auctoritate, quæ supra Petram, imò supra Christum, ejusque Verbum immutabile fundata, non locis, non temporibus, non hominum arbitrio moveri potest, evertique.

Fixum ergo ratumque sit, posse Reges, posse Regios Ministros Censuris percelli, etiam cum Principis mandata exequentur; siquidem ea ipsa executio cum aliquo delictorum conjuncta sit, quæ Censuras merentur, ut nuper cum Lavardino contigit.

Quæ Talonius narrat de ijs, quæ Neapoli & in Sicilia contigerunt, indigna sunt refutatione, quippe palàm & indubiè falsa.

Constat enim nonnullos ex Consiliarijs statûs, Regiisque Ministris à Nuntio Apostolico excommunicatione percussos sacris abstinuisse, utque Natalitia festa obire possent, prius veniam postulâsse, atque etiam obtinuisse, cum clausula tamen de *Reincindentia*, nisi à Nuntio imperatis obtemperarent. In Sicilia quoque cum ob violatam Ecclesiasticam immunitatem, & Vice-Regem, & alios Regis Ministros Panormitanus Archiepiscopus anathemate percussisset, non prius absoluti sunt, quam Archiepiscopum adirent, publicèque ac solito ritu veniam poscerent.

Ea quoque prætereo, quæ de Ignorantia Bullæ, deque ejus publicatione nunquam in Gallijs facta

facta ab aliquibus recitantur, & ipse quóque Talonius ea tantum cursim obitérque perstrinxit. Nam ut eo Pontificis Diplomate ij saltem, qui Romæ morabantur, obligarentur, sufficit illud Romæ promulgatum esse, Romæque pependisse. Nolo hîc quærere, Legatus fuerit, aut non fuerit Lavardinus; quamvis enim multis rationibus evincere possim, non fuisse pro Legato habitum, cum videlicet non sufficiat aliquem pro Legato mitti, nisi etiam à Principe, ad quem mittitur, pro Legato admittatur: & quoties ipsius Pontificis Nuntij, cum ad Galliæ limites pervenissent, jussi sunt redire, nec unquam admissi, non aliâ ratione, quàm quòd Regi non placerent? Sed

sive Legatus sit, sive non sit Lavardinus, sufficit jam dicere, non ignorâsse illum, imò nec ignorare potuisse, sub poena excommunicationis ipso facto incurrendæ à Pontifice vetitum esse, ne quis Jus Franchitiarum, Quarteriorum, & Asyli prætendere, multoque minùs usurpare auderet. Scivit hoc Lavardinus; usurpavit tamen, nec monitus cessavit; non celari delictum poterat, non ullo Privilegio purgari; meruit ergo Censuras, incurritque; & quòd postea non petitâ, nec impetratâ veniâ, Parochialem S. Ludovici Ecclesiam intraverit, adieritque Sacramenta; contemptus & injuriâ fuit, Pontificis Ecclesiæque auctoritatem, cum fastu calcantis.

Post-

Postquàm Talonius nullo fundamento dixit, à Pontifice non posse Legatos excommunicari; adjungit, multò minùs potuisse ob jus Asyli & Franchitiarum: *Has enim esse jus merè temporale, sicq; excommunicationi non subiacere, tantòque magis, quòd illud immemoriali præscriptione in Regem transierit.*

Sed primò quærimus ex Talonio, quis Parlamento hanc potestatem tribuerit, inter Pontificem Regémque causam Romanæ urbis, deque jure Franchitiarum judicandi? num ergò & Pontifex, & Roma, & utriusque causæ ad parlamenti, Régisque tribunal pertinent, ut ab isto delegari, ab illo (cui tantùm causæ privatorum submittuntur) decidi, finirique debeant?

Deinde ut rem ex suis principiis examinemus, videndum est, quænam tandem sint illa jura, quæ in Romanam urbem sibi vendicant Legati, quæque eorum rationes; nam si Talonio credimus, potest Rex Galliæ in Romanam urbem supremam sibi auctoritatem asserere; potest Pontificem throno movere. En nova Talonij jura, quæ nec Pithæo, nec alijs (Regionum in diversos Principatus jurium Collectoribus) in mentem venêre; nam quòd hâc auctoritate in Romanam urbem Rex interim abstineat, gratiæ Talonius & indulgentiæ adscribit, sic tamen, ut quando Regi placuerit, commodumque fuerit, uti possit hoc jure, Romæque dominari. Potest



test Rex, *inquit*, totâ Româ potiri, nunc aliquâ tantum ejus parte contentus est, quam Legatis suis cedit, & Quarterium vocant; nam ædes ipsas, Palatiumque Farnesium quod attinet, in quo Legati morantur; nec Legatorum, nec Regis est, sed Ducis Parmensis. In hoc ergo Quarterio, seu in hac urbis Regione (præter lucrum, quod ex illis, qui huc confugiunt, Legatorum familiæ accedit) contendit Talonius, posse omnibus proscriptis, sicarijs, veneficis, Latronibus, Atheis, sacrilegis, Adulteris, Meretricibus, omnibusque criminosis stationem & Asylum patere: huc Justitiæ Ministris accessum non esse: neminem hîc capi posse: nec ullum essetam reum, quem, si huc confugerit.

N s

fugerit, teneatur Legatus petenti Magistratui restituere, imò quicunque & cujuscunque Magistratus Pontificij imperio hoc sacrum intraverit vinciendis reis, posse à Legati Ministris percuti, occidique. Hoc ergo esse grande illud Gallici Regis privilegium, quod non deleri, non alienari possit, & denique cujus gratiâ Parliamentum humillimè Regi supplicat, ne illud violari quovis modo patiatur.

Subit planè animum admiratio, tantos, tantâque sapientiâ præditos Senatores, quantâ illi gloriantur, qui Parisiense Parliamentum componunt, non erubescere causam tam frivolam, tam novam, tam injustam, & omnibus

bus legibus Divinis humanisque contrariam sub oculis totius Europæ sustinere, suamque illi auctoritatem præstare: & saltem moderari decebat, & aliquâ exceptione coërcere; si enim Rex auctoritatem aliquam, & jus præventionis Reos puniendi in certo aliquo, exemptoque urbis Territorio sibi assumeret, novum quidem id esset, nullaque ratione subnixum; ferri tamen utcunque posset; quippe & delicta in aliquo tandem Territorio punirentur, & totâ Româ publicæ quieti provisum esset. Sed nihil horum, Regis Legatus. Imò quantacunque sit hujus prætensi juris, aut privilegij injustitia, non desunt Regi nec in aula, nec in Parlamento, nec in ipso Conscientiæ

foro Adulatores , qui , ut illud tueantur , Regique persuadeant, Caroli Magni , aliorumque Galliae Regum & liberalitatem, dum Romanæ urbis dominium concessere , & modestiam extollunt, cum tam modicâ urbis parte, quâ videlicet Quarterium extenditur, contenti sunt.

Sed Talonius nec Caroli Magni, nec aliorum donationes, nec alios titulos moratus, vult quorumcunque criminum reos, ut primum Legati Quarterium (quo magnus ædium & platearum numerus continetur) attigerint, continuo exemptos fieri, crimen extinguere, accusationes cessare, eodemque momento, non examinatâ, non judicatâ, non remissâ causâ, omnium scelerum absolvi. Quod si

si alij Principum Legati eâdem ratione, quâ Lavardinus Romam invehantur triumphantium more, Palatia & Quarteria sua militaribus stationibus impleant, armisque ut nuper Lavardinus jus Asyli invadant; & deinde Latronum aliquis aut domum expilet Lavardini, aut aliquem occidat ex ejus domesticis. quanti ab illo strepitus, quantique clamores? *Asyla corruptelas esse, qua ferri non possint: provocare omne genus flagitia; obstare naturali, Gentiumque juri; extirpanda igitur & excindenda esse, nec minori severitate è medio tollenda, quàm in Gallia Regno jura quadam Dominativa sublata sint, quamvis longissimo & antiquissimo usu jam dudum inolita.*

Quòd si à Talonio quæras, quæ tandem sit ratio, ob quam tantâ contentione, grande hoc privilegium Regi suo asserat? cùm nullam néque in publicis, néque in privatis documentis reperiat, cogitur totam fiduciam suam in possessione duorum Galliæ Legatorum collocare, Pisanáque Conventione, quamvis nihil tale, imò contrarium hæc dicat. Sed singula videamus.

Quæro igitur ex Talonio, fateatur an neget supremam Romanæ urbis Jurisdictionem ad Pontificem pertinere? Non credo equidem negaturum, cùm facile ex historica narratione convinci possit, ostendique, multis antè sæculis Pontifices Romano Principatu potitos esse, quàm Stirps,  
ex

**ex** qua Moderni Reges prodière, thronum conscenderet. Si ergo suprema & Regia Romanæ urbis potestas semper Pontificum fuit, adeò ut nec Cæsaris, nec alterius Principis dominatum agnoscat, meritò ostendere Talonius debet, quì ergo in ipsa urbe Dominatrice, ac Ecclesiastici statûs Metropoli Rex Galliæ sibi hanc Jurisdictionem vindicare possit? Certum enim est, atque apud ipsos Galliæ Jurisprudentes receptissimum, Juribus supremæ Jurisdictionis ne centenariâ, imò ne plurium quidem sæculorum possessione præscribi posse. Additque Lebreus Advocatus Generalis in suo *de Jure suprematatis* Tractatu, omnium jurium, quibus Principes potun-

potiuntur , præcipuum , maximèque necessarium esse , jus vitæ & mortis , puniendique delicta. Si ergo Pontifex supremam in toto Ecclesiastico statu , ac præcipuè Romana urbe , potestatem exercet : si hanc ipsam omnes in Pontifice Reges agnoscunt , & ideò illius Legato primas concedunt : si hæc potestas præscribi non potest : sequitur ergo , non posse Pontificem hanc potestate privari , nec ullam præscriptionem validam esse.

Quòd si Talonius negat , Regum Galliæ jura præscribi , aut alienari posse ; cur non æquè Pontificum jura ? nisi fortè Talonius aliâ lance Galliæ jura , aliâ Pontificis expendi velit. At  
supremæ



supremæ Jurisdictionis eadem conditio est, in quocunque sive in Rege, sive in Pontifice reperiatur. Gaudeat Lavardinus, omnesque Galliæ Legati hoc Jure immunitatis, si modò eandem immunitatem Pontificis Legato Parisijs concedant. Quòd si Parisijs negant, quâ rogo conscientiam hanc Romæ petunt? sunt enim reciproca jura Legatorum, proveniuntque ex Gentium jure, quod idem ubique est, sicque immunitas à Gallis optata aut omnibus Legatorum, aut nullis debetur. Legat tantùm Talonius Grotij libros de jure belli & pacis, videbitque longè alia esse, quæ de Legatis, eorumque immunitatibus Jus Gentium disposuit; quàm ipse effinxit, ut posset iniquissima

quissima Lavardini postulata  
quovis modo sustinere.

Cùm ergo Pontifex in urbem  
Romanam supremâ jurisdictione  
gaudeat, & à nullo Principum  
dependente ; cùmque hæc ipsa  
suprema jurisdictio præscribi  
nunquam possit , & hæc ipsius  
jurisdictionis præcipua pars sit,  
jus reos puniendi ; manifestè se-  
quitur , ne hoc quidem jus posse  
præscribi ; adeò ut priùs Jurisdi-  
ctio adimi Pontifici debeat, quàm  
potestas criminosos puniendi,  
capiendique ubicunque locorum  
( intra tamen Pontificis ditio-  
nem ) reperiantur , ac etiam in  
ijs urbis Regionibus, quæ Quar-  
teria appellantur ; nec posse à  
Principum Legatis Ministros Ju-  
stitiæ

stitiæ impediri, multoque minùs puniri, maléque haberi.

Deinde ut Talonij rationes propiùs examinemus. Quæro an hoc Asyli & Quarterij privilegium velit Talonius annexum esse, insertumque officio Legati, sicque omnibus Legatis deberi, an verò soli Galliæ Legato? in omnium Principum aulis locum habere, an in sola Romana? & quia Pontifex Princeps Ecclesiasticus est, & nec voluntatem, nec vires habet, quibus torrentem sustineat Gallicæ Potentiæ; quæro inquam, an ideò præ alijs Principibus hâc servitute gravari debeat? Rursus explicari à Talonio velim, quo tandem titulo hanc Legatorum immunitatem fulciri velit? Privilegij? feudi? belli? Con-

Conventionis? Concordati? an verò possessionis viginti ferè annis à Legatis usurpatæ? Volui tot titulos consultò numerare, quia in nupera Declamatione, nullum Talonius distinctè expressit.

Si ergo hæc Asyli immunitas officium Legati comitatur, sequitur deberi omnibus Legatis, & in omnium principum aulis, quod nunquam Gallia concedet. Si soli Galliæ Legato debetur, quæro quo titulo huic potiùs, quàm alijs Principum Legatis? nullum enim Talonius producit, non Conventionis, non Concordati, non Donationis, non denique Belli; nunquam enim Galliæ Rex Romam expugnavit, reddiditque Pontifici hâc conditione, ut Asylum pateretur. Nec

Nec mihi Pisanam Conventionem obijcias; illam enim vix cursim, timidèque Talonius attingit; quippe indignam judicat, quæ huic causæ suffragari possit. Illa enim non de Jure Asylorum, ac Latronum, proscriptorumque patrocínio agit, sed de Legatorum, & qui illis famulantur, securitate; deque observantia Legatis debita, quam Corsi milites violaverant. Imò quamvis Galliæ Legatus eâ occasione usus saltem aream Farnesio palatio addictam peteret, quæ Asylo donaretur, nunquam Alexander Pontifex id concedere voluit.

Cogitur ergo Talonius totam denique Demonstrationis suæ summam ad Possessionem trium Legatorum referre, quos dicit  
hâc

hâc immunitate gavisos esse. Sed ex hisce tribus duos Taloniò non admitto. Tertius, qui hoc jus palàm usurpavit, est Dux Estreus. Constat gubernante Ecclesiam Clemente Decimo, tam hujus, quàm præsertim odio primi ejus Ministri conspirâsse Principum Legatos, propriâ jure auctoritate hoc jus Asyli & Quarteriorum occupâsse. Jam quæro ex Talon o, an credat se mundo persuasurum, violentam usurpatâmque Possessionem, & tot Pontificum diplomatibus adverlam, ac toties damnatam sufficere extinguendis Principum juribus, inducendæque Præscriptioni? & idèò spoliari suâ jurisdictione Pontifices, quia iniquitas temporum, metûsque pejorum coëgit illos  
ali-

aliquandiu connivere? Et si ita est, cur ergo Ludovicus XIV. Galliæ Rex tot abolita & antiquata jura in integrum restituit, sibi que afferuit, de quibus nullus Galliæ Regum hætenùs cogitaverat?

Nulla ergo præscriptio obtendi potest; sed néque modus accutari, quo Innocentius hoc malum extinguere aggressus est. Quamvis enim jam in ipso lumine sui Pontificatûs agnosceret, nullum Romæ aut gravio-rem abusum vigere, aut remedio digniorem; non ideò tamen illi è medio tollendo inconsultè, abruptimque accinctus est, sed lentè placidèque; jam Rege per Nuntios tentato, jam Legatorum discessu, jam morte expectatâ; nec priùs

priùs visi satellites circa palatium Farnesium, quàm extincto Estreo Legato, conditòque ; adeò ut etiam cadaveri reverentia haberetur. Hoc est Galliæ hostem profiteri ? hoc, ut causatur Talonius, Regem ex industria irritare ? imò hoc ad justitiam, publicámque quietem pertinuit, nec aliud vulgatâ Bullâ, sublatâq; flâgitijs securitate ac impunitatis spe ( quam Quarteria provocabant non minimamurbis partem complexa ) sibi Innocentius proposuit. Imò ne quidem ad vulgandam Bullam processit, nisi priùs per Nuntios & repetitis vicibus monito, rogatòque Rege, dignaretur Legatis, quos Romam destinabat, imperare, ut hâc immunitate & Asylo abstinerent.

**En**



En tibi Innocentij Pontificis delicta & culpas, ob quas dignum eum censuit Talonius, quem pro Gallorum hoste, Hæreticorum verò præsertim Jansenistarum & Quietistarum Protectore traduceret. Cui unquam in mentem venisset, eo ipso tempore, quo Galliæ Rex tantum Catholicæ Religionis Zelum ostentat, tantumque ardorem omnes, quotquot in Gallijs hæresin profitentur, ad Ecclesiæ sinum revocandi; reperiri tamen ex Regijs Ministris, qui famosis libellis & calumnijs longè indignissimis famam Romani Pontificis, Sedis-que Apostolicæ inquinare audeant?

Evenit ergo aliquid etiam hoc tempore, quod nulla deinceps

O

Poste-

Posteritas credet. Ministros videlicet illius Regis, cujus auctoritate Justitiam totâ Galliâ florentem videmus; velle tamen, imò extorquere à Romano Pontifice, ut asylum, tutamque stationem omnibus flagitijs, inque ædibus Legatorum Romæ aperiat: & Pontifice tam injustis conatibus adversante, continuo & Romæ Lavardinum comparere armatum, pugnacemque; & Talonium Parisijs tot faces, quot calumnias vibrantem in eum Pontificem, quo vix alium ex ijs, qui Ecclesiam gubernârunt, pietate & sapientiâ superiorem invenias: in eum inquam Pontificem, cui non alia cura, quàm Dei, Ecclesiæque sibi commissæ; cui nulla cumulandi Thesauros, augen-

augendæque familiæ cupiditas, qui se totum, suâque curas & vigilias in id solùm impendit, ut nomen Christianum longè latè-que extendat, deleâtque Infidelium Potentiam. Qui denique virtutibus suis meruit, ut cum eo Rex Christianissimus vires & amicitiam jungat, exemplóque aliorum Galliæ Regum pietatis & gloriæ suæ partes ducat, studia Romani Pontificis promoverè, Sedisque Apostolicæ dignitatem auctoritate suâ fulcire.

Et verò si Galli reverentiam observâssent, & Principi, & Pontifici debitam, sufficere Innocentio poterat sub pœna læsæ Majestatis Asyla & Quarteria prohibere; nunc verò postquam alia rerum facies; quid aliud Ponti-

fex potuit, quàm ut tollendo abusu sui tam infami, plenòque periculis totam explicaret Ecclesiæ severitatem? & tamen ne hanc quidem sufficere, imò à Regijs Ministris Calvinistarum more contemni, experientia nimiùm docuit. Quid ergo sufficiet, quando nec Religio suffecit ijs coërcendis, qui tam impia consilia, tamque scandalis plena Regi suggessere?

Restat ut alia percurramus à Talonio objecta: *Non potest*, inquit, *Pontifex esse iudex in sua causa.*

Ergo, nec Rex, nec Parlamentum; quòd si nihil hoc aut Regem, aut Parlamentum impedit, ut non possint leges & dicta vulgare, quibus jura cum utilia, tum honoraria sua tueantur, cur impediant

diant Pontificem? Potuit ergo Pontifex tanquam Princeps supremus Romanæ urbis edictum Bullamque conscribere, quâ publicæ quieti, justitiæque provide-  
ret; cùmque & Bulla, & Bullæ executio in sola Pontificis ditione locum haberet; non opus fuit, illam aut in Gallia promulgari, aut Lavardino insinuari; nam neque Galliæ Rex Leges suas aut Legatis aut exteris, qui in Gallia morantur, promulgari facit, & tamen omnes volentes invitòsque constringunt nemine con-  
querente, Regem non posse in causa propria judicem esse.

Illud verum est, velle Gallos, conarique, ut Pontificem ex Principe supremo Feudatarium & Vasallum Regibus faciant. At

fieri hoc non potest, cùm potestas Pontificis sive spiritualis, sive temporalis à nullo Principum dependeat, nullique subiecta sit. Quòd si tanta Regibus cura, in juribus suis conservandis etiam malè quæsitis; non minor esse debet Romano Pontifici in conservanda spiritali & temporali sua, & à Deo accepta dignitate; nam quòd hætenùs Pontifex temporalibus armis abstinuit; non ideò alijs, multoque potentioribus pepercit, orationibus videlicet, lacrymisque; hæc tot calumnijs, insultibus, injurijsque opposuit; & forsan majori effectu, quàm Adversarij opinentur, Deo Sanctorum ac præsertim sui Vicarij injurias plerumque vindicante,

dicante, Verbo: *Timeat orationem,  
qui non timuit exhortationem.*

Tandem obijcit Talonius:  
*Non posse ob jura, causasq; merè tem-  
porales quemquam excommunicari.*

Respondeo aliud esse res tem-  
porales, aliud crimina, quæ rerū  
temporalium intuitu commit-  
tuntur, quid magis temporale,  
quàm ipsa pecunia? & tamen  
quis nescit, tam universalibus  
Ecclesiæ, quàm particularibus  
Galliæ Canonibus fures expila-  
torésque Templorum sacrilegij  
damnari, ac etiam excommuni-  
catione puniri? & quid in Gallia  
frequentius, quàm ut ex præscri-  
pto novi Codicis cogantur Ec-  
clesiæ Ministri in causis merè  
temporalibus prius monitorijs,  
O 4                      deinde

deinde censuris & excommunicationibus in Contumaces agere? Demus ergo causam Afyli & Quarteriorum esse merè temporalem: at crimen sacrilegij, quo se obstringunt, quicunque jus illud usurpant, prohiberi, puniriq; excommunicationibus potuit.

Cæterùm res ipsa & veritas est, bonorum, juriùmque Ecclesiasticorum usurpationem, unum ex atrocioribus delictis, & sacrilegium esse, mererique excommunicationem. Sic antiqua Galliæ Concilia, quæ solâ Regum auctoritate coacta esse Talonius contendit; sic Caroli Magni, Carolique Calvi Capitularia loquuntur; quibus omnes, quicunque decimas, Jura, feuda, terras,



ras, proventus & Jurisdictionem Ecclesiarum invaserint, aut aliàs usurpaverint, anathemate puniuntur.

En tibi Galliæ Regum sententiam, quâ res & Jura Ecclesiæ inter res sacras reponuntur, eorûmque usurpatio pro sacrilegio habetur excommunicatione digno. Quòd si feuda & alia Ecclesiæ Dominia ad Episcopos aut Abbates pertinentia rebus sacris adscribuntur, quantò magis suprema Jurisdictio Ecclesiæ Romanæ Christi que Vicario debita? quantòque grandius sacrilegium, si ista rapere aggrediaris? non ergo ut sibi falsò Talonius persuadet, quæstio Asyli & Quæstionum ad causas pertinet merè politicas, prophanasque, sed ad causas

causas maximè sacras. Quocunque enim modo suprema Romanæ urbis Jurisdictio ad Pontifices devenerit, constat multis jam sæculis fuisse ab illis possessam; constat quoque eodem momento, quo ad Ecclesiam pervenit, Deoque consecrata fuit, mutasse naturam, & de profana in sacram evasisse, sicque ex sacrorum Canonum Galliaëque Conciliorum sententia, quicunque sibi illam usurpaverint, anathemate dignos esse.

Quamvis ergo & suprema Romæ, totiùsque Ecclesiastici statûs Jurisdictio, & ingentes Principatus, quibus gaudent Romani Pontifices, à Carolo Magno, aliisque Galliaë Regibus provenisse concederemus (id tamen

men multi in Gallia Auctores non admittunt ) negari non potest , ab eo statim momento, quo absolute, nullóque reservato jure feudi, aut superioritatis Ecclesiæ, Christi que Vicario donata sunt, non posse à quoquam violari, adimique Romano Pontifici, qui illam tot jam sæculis possedit. Alioquin & sacrilegus erit, quicunque in res Deo dicatas manus injecerit , & reus anathematis, omniumque poenarum, quas hujusmodi usurpatoribus infligunt Galliæ Concilia, quasque in ultimo Diplomate Innocentius repetijt ; nec enim novi aliquid decrevit, sed antiquos tantum Canones revocavit.

Et planè si injustitiam consideres, & ingentia mala, quæ ex Afsyllis,

lis, & jure Quarteriorum prove-  
niunt, indignum profectò Pon-  
tificiâ Dignitate Innocentium di-  
xeris, sacræque Sedis deserto-  
rem, si turpissimo metu fractus,  
jura suæ Ecclesiæ, quæque in de-  
positum accepit, Principum cu-  
piditati exponeret; néque tam  
grandi abusui delendo totâ au-  
thoritate suâ laboraret.

**F I N I S.**



ANT 1317501







八  
A 6